

بسم الله الرحمن الرحيم

الشركة العربية للإنتاج والتوزيع

تقدم

في مرفق

المؤلف : وحيد حامد

المخرج : محمد يس

شوارع القاهرة

- سيارة حديثة جداً .. وغالية جداً .. تتطلق
السيارة فى سرعة غير عادية بالنسبة للسير
فى شوارع المدينة المزدحمة دائماً .. تتخطى
السيارات التى أمامها فى مهارة فائقة ..
ولكنها تكاد تترك الطريق تماماً .

- رشا كريم الوردانى هى تتولى القيادة
وملامح الضيق والغضب على ملامحها رغم
الوجه الجميل الأخاذ .

- برن التليفون المحمول الموضوع على
الكرسى الخالى إلى جوارها .. تلتقط التليفون
للرد .

- ترد فى عصبية .

رشا : آلو .. قلت لك علاقتى ببك أنتهت .. مفيش
حاجة أسمها جوزى .. زى ما أتجوزتك ..
زى ما هطلقك .. يوه .. يوه .. كلم نفسك .

- وتلقى بالتليفون من نافذة السيارة .. وهى
منطلقة .

- يسقط التليفون فوق النجيلة المزروعة فى
الجزيرة الموجودة وسط الشارع .

- أحد المتسكعين والذى شاهد التليفون وهو
يطير من السيارة ويستقر فى مكانه يسعى
إليه فى سرعة ويلقطه .

- الشائنة مضاءة .. يضع السماعة على أذنه
لحظات .

المتسكع : أيوه .. أنا معاك .. وفاضى خالص .. عاطل
عن العمل .. لا شغلة ولا مشغلة .. أحكى لى
بقى مشكلتك .. وبعون الله تلاقى الحل عندى .

قطع

مشهد : (٢)

ليل / خارجي

أمام عمارة إدارية

- نتابع قدوم سيارة "رشا" التي تأتي في إندفاع مع توقف شبه فجائي .
- طبعاً لا يوجد مكان للانتظار .. نترك السيارة مكانها .. وننزل .
- هنا نتعرف عليها بشكل أفضل .. جسد مشوق قوام بديع متناسق ترتدى ملابس عصرية جداً .. تبدو مثيرة وملفتة للأنظار .
- تدبر ظهرها للسيارة بعد أغلاقها وتأخذ طريقها تجاه مدخل العمارة .
- أحد الفضوليين يتدخل بالنصيحة .

الفضولي : يا مدام .. الونش بيمر في الشارع ده كثير .

- ولكنها لا تلفت إليه بالمرّة .
- فضولي آخر يحدث زميله الفضولي الأول

فضولي ٢: ونش يا أبو ونش .. هو الونش يقرب من العربيات دي .. الونش عامل زي الخنزير .. ما ياكلش غير الجيفة .. دي عربيات بتحمى نفسها وعندها حصانة .. أبعد شوية عن العربية لا تتعدى منها وتتصف .

- ثم يتابع سيره في هدوء .

قطع

مشهد : (٣)

نيل / خارجي

مكتب فؤاد عسكر المحامي

- مكتب أحد كبار المحامين أصحاب الشأن المتميز في هذه المهنة .

- المكتب عبارة عن شقة فسيحة ربما تكون دور كامل ، تضم مكاتب للسادة المحامية بمختلف درجاتهم بالإضافة إلى غرف حفظ القضايا والملفات ، ومكاتب الوكلاء وغرف الانتظار .

- المكتب يعج بحركة الزبائن وطلهم من عليه القوم وأصحاب الشأن .

- المظهر العام للمكتب به رقى وفخامة .

- تدخل رشا الورداني دون أن تتخلص من عصبيتها وحالة التوتر تتجه مباشرة نحو سكرتيرة الأستاذ الكبير .

رشا : الأستاذ عسكر .

السكرتيرة: أهلاً يا مدام .. أهلاً وسهلاً .. أفضلي .

رشا : عاوزه الأستاذ عسكر .

السكرتيرة: حالاً يا أفندم .. بس حضرتك أفضلي ثلاث دقائق .

- في ضيق أكثر .. وهي تشعل سيجارة - أفضلي .. أفضلي .. أنتي عارفة أني ما تفضلش 1. ولا عندي وقت علشان أفضلي فيه

وتدور حول نفسها .. جمهور الزبائن من رجال وسيدات وكلهم في دهشة من أمر هذه القادمة العجيبة الجميلة والمتعالية ، السكرتيرة ولأنها تعرفها من قبل أصابها حالة من الارتباك .

السكرتيرة: مدام رشا .. نص ثانية .. نص ثانية ويمكن أقل 1.

- ثم تدخل مكتب الأستاذ الكبير .

- تغلق الباب نصف ثانية .
- يادوب نفس دخان تلفظه رشا .
- يفتح الباب ثانية .. بداية تخرج السكرتيرة وعلى شفتيها ابتسامة بلهاء .. ثم بعدها يخرج ثلاثة من كبار العملاء وعلى وجه كل منهم تكتيرة كبيرة .. مع إلقاء نظرة ساخطة على هذه الفتاة التي كانت السبب في إنهاء المقابلة معهم أو تأجيلها .

السكرتيرة: أنفضلي يا مدام رشا !.

قطع

مشهد : (٤)

ليل / خارجي

غرفة مكتب المحامي

- غرفة مكتب الأستاذ فؤاد عسكر المحامي
الكبير رجل ذو هيبة ، أنيق ومكتب فخيم
مزود بمكتبه لا لزوم لها في الواقع ولكنها
دليل أهمية ومكانة بالنسبة للأستاذ .

- أثناء دخول رشا عبر المكتب الفسيح يكون
هو شخصيًا في استقبالها خارج مكتبه
ومتقدمًا نحوها هو الآخر باسمًا ومرحباً .

عسكر : فيها إيه لو تضربى حته تليفون صغير تقولى
أنا جاية .. وغلاوتك عندي .. ألغى كل
مواعيد المكتب علشانك .

رشا : مساء الخير يا أونكل .

عسكر : شكلك مش عاجبنى .. أقعدى .

- تجلس على أحد المقاعد المريحة ويجلس
قبالها .

- رشا .. تظل صامته .. تنفخ الدخان
وتنطفئ السيجارة فى عصبية .

للتوتر اللي أنت فيه دا سببه إيه ؟!

فيه مشاكل فى الشركة ؟!

رشا : لا ..

عسكر : فيه مشاكل مع الجمارك .

رشا : لا ..

عسكر : فيه مشاكل مع أصحاب المصانع الثانية .

رشا : لا ..

عسكر : فيه مشاكل فى البيت .

رشا : وى !

عسكر : أدام وى " طلباتك إيه ؟!

رشا : قلت له طلقى دلوقتى حالي .. قال لى بلهجة

بلدى .. لما تشوفي حلمة ودنك .. إيه حلمة

ودنك دى ..

- ينظر إليها ويمسك حلمة أذنه .

عسكر : اللي هي دي !

معقول يا رشا يا بنتى .. دا أنت متجوزة بقالك
ثلاث شهور .. والفرح بتاعك كانت مصر كلها
بتتكلم عليه .. صورك وصور عريسك كانت
فى كل الصحف والمجلات .. دا كان فرح
ملوحكى .. طلاق إيه بس .. أعقلى .

رشا : أنا مش عاوزة أتطلق .

عسكر : عين العقل .

رشا : أنا عاوزة أتخلع .. حضرتك تعمل لى قضية

خلع مستعجلة .. لأن جوزى مش عاوز يطلق

عسكر : يا رشا يا بنتى ! إن أبغض الحلال عند الله
الطلاق ..

رشا : أنت وقتك مهم مش كده ؟! وفيه ناس قاعدين

.. مش قاعدين .. ملطوعين بره علشان

يقابلوك .. أنا جاية لأكبر محامى فى البلد ..

مش جاية لمأذون علشان يدينى نصيحة ما قبل

الطلاق .

عسكر : أنا بأعتبر نفسى فى حكم باباكي الله يرحمه !

رشا : بابا .. كان حاجة ثانية .. هو لو كان بابى

عائش .. كان هلفوت يقول لى حلمة ودك .

أنا زهقت .. ما عجبتش .. أغشيت فيه ..

الرجالة دول زى البطيخ لازم تكسرهم قبل ما

تشتريهم .

عسكر : الجواز مالوش دعوة بالبطيخ .. وبعدين جوزك

مش بطيخة .

رشا : مش عاوزة أسمع سيرته .. أخلعنى منه !

عسكر : عاوزة قضية خلع !

رشا : وى !

عسكر : تبقى القضية دي مش عندي .. مش

أختصاصى ؟!

- رشا مقاطعة .

رثا : مش أختصاصك بعنى إيه ؟!

- يعود إلى مكتبه .. ويجلس خلف صورته
المرسومة وهو يرتدى اللوب وملوحاً بيده
أثناء المرافعة .

عسكر : الظاهر أنك مش عارفة قدر ومكانة المحامى
بتاع شركتك .. يا مدام رشا أسم فؤاد عسكر
أسم كبير قوى .. أنا بتاع المصايب الثقيلة ..
أنا بتاع القضايا المرعبة .. أنا بتاع قضايا
القتل .. والرشوة والفساد .. والمخدرات ..
محدث بيوكلى للدفاع عنه إلا عليه القوم ..
من وزير وأنت نازلة .. أقوم أنا .. أترافع فى
قضية خلع ؟! عيب .. أسمى .. مكانى ..
الماضى بتاعى .. مستقبلى السياسى والحزبى

- تنهض وافقة .. تضع سيجارة جديدة فى
فمها .. وقبل أن تشعلها .

رثا : مرسيه يا أستاذ عسكر .. أفسخ العقد اللى بينا
.. ولو لك أتعاب عندى أبعت حد ياخذ شيك ..
والتوكيل اللى مع حضرتك هيكون ملغى بكره
الصبح

- ثم تتجه إلى الباب مباشرة .

عسكر : بتفكرينى بنفسك وأنتى عندك عشر سنين ..
عصبية .. مش كده .. إهدى !

- يخرج من مكتبه ويسعى خلفها .

رثا : أنا القضية بتاعى أهم من أى قضية عندك ؟
وأنا أهم من الوزرا .. العقد اللى بينا بكام ؟
عسكر : أفعدى .. أشربى حاجة تهدى أعصابك وهلاقى
حل .. اتفضللى معايا على أستراحة كبار
الزوار !

- تتوقف .. تستدير إليه .

قطع

ليل / خارجي

مشهد : (٥)

جزيرة الشارع

- المتسكع ما زال يتحدث في الهاتف .. وقد
استلقى على ظهره واضعاً ساق على ساق ..
ويحدث الزوج .

المتسكع : أنا تفهمت الموقف كويس جداً .. بس أسمح لي
أقول لك أنت راجل مبهر ومش قد كده ..
ودلنول .. ومراتك أشد منك .. والراجل اللي
مراته بينق لها كلمة عليه .. يروح يعمل عملية
ويبقى زيها .. البطارية خلصت .

قطع

مكتب المحامين

- مكتب المحامين الشبان الذين تجاوزوا مدة التمرين ويجوز لهم الوقوف أمام المحاكم الجزئية .

- المكتب عبارة عن غرفة فسيحة بها أكثر من مكتب .. تبدو شبه مكتسة .. وهناك دواليب وملفات وإلى غير ذلك .

- حوالى خمسة من المحامين .. ثلاثة من الرجال وأثنان من السيدات .. يهمننا الأستاذ بدر عبد الرحمن النوساني وهو شاب في حوالى السابعة والعشرين ، قد يزيد عمره سنه أو يقل سنه وهو ريفي المظهر له ملامح جادة وحريص على أن يكون خشن الهيئة شارب ونظارة طبيعية ولكن هذا المظهر لا يخفى أنه شخص وسيم وله جاذبية .. وحتى لهجته ما زال بها بقايا متعلقة من اللهجة الريفية .. وهو يميل كثيراً إلى الوقار ، ربما يرى مهنته تتطلب ذلك .

- أيضاً تهمننا بصفة مؤقتة الأستاذة مها علم الدين وهي أيضاً محامية شابه في نفس عمر صاحبنا الأول تقريباً .. ولأنها بلا زواج حتى الآن فإنها تهتم بنفسها وتعتمد أظهار أنوثتها دون أبذال .

- وهى أيضاً محامية نابهة ومنحرفة وأن كانت من النوع الذى يريد أن يكسب زوج بأى طريقة .

- أما الثلاثة الآخرون فهم خارج الأحداث بالنسبة لنا .

مها : حالة كساد مفيش بعد كده .. الرجاله أضربوا عن الجواز ولا إيه ؟!

محام : مش أضرب يا أنسة مها .. عجز .. عجز أفقصادى مرعب .

مها : قالوا لى علشان نتجوزى أنحجى .. المحجيات اليومين دول الطلب عليهم جامد .. سنتين وأنا لابس حجاب مالوش زى .. ولا فائدة .. قلت على إيه ؟! يا بت سيبى الحكاية للنصيب .

- كل هذا والأستاذ بدر عبد الرحيم منكب على قراءة مذكرة قانونية .. وكان الأمر لا يعنيه .. فقط هناك أبتسامه محايدة لا نعرف إذا كانت بسبب ما يسمع أم بسبب ما يقرأ .

- ثم يدخل الأستاذ عسكر حيث يقف على باب الغرفة صامتاً متجهماً .

- بمجرد أن ظهر قام الجميع وقواً .

- أنه يتأمل وجوه الأشخاص الخمسة بنظرات فاحصة .. وكأنه يصدد اتخاذ قرار هام .. سرعان ما وصل إليه .

عسكر : مها .. بدر .. حصلونى على أستراحة كبار الزوار .

قطع

غرفة كبار الزوار

- وهى إحدى الغرف الجانبية ، تتوسطها
مائدة اجتماعات كبيرة .. وهذه الحجرة عادة
مخصصة للتداول أو الاجتماعات لبحث
القضايا الهامة .

- رشا جالسة على هذه المائدة وقد وضعت
ساقى عطسى ساق وتدخل وأمامها كأس من
عصير الليمون .

- يدخل فؤاد عسكر باسماء .. وخله بدر
ومها .

عسكر : أقدم لكم مدام رشا الوردانى .. مفروض
تكونوا عارفينها ، صاحبة أكبر شركة لتصنيع
الملابس الجاهزة .. ومصممة أزياء عالمية ..
وكل القضايا بتاعة الشركة عندنا من أيام
المرحوم والدها رحمة الله عليه .

- رشا تنظر إليهما فى صمت وتأمل وكأنها
تشاهد مخلوقات عجيبة .

- مها تسرع بالترحيب والمصافحة .
مها : وهل يخفى القمر يا أستاذ فؤاد .. دى شهرتها
سبقها .. وأعلاناتها فى التلفزيون تفرح و .

- بدر يلکزها فى رقة كى تصمت .

- تصمت مها .. يهم الأستاذ عسكر

بمواصلة الحديث

- إلا أن رشا تقاطعه .

عسكر : وأقدم لحضرتك .

رشا : مين دول ؟!

عسكر : الأستاذة مها عثم الدين المحامى .. والأستاذ
بدر النوسانى المحامى .

رشا : دا محامى ؟!

- غير مصدقة .

بدر : إيه يا مدام .. مش مالى عينك ؟! شافانى
بياع كثرى .. كمسارى أتوبيس .

- مها تتركزه فهي الأندري بطبعة .
 رشا : وكم ان فلاح .
 بدر : هات لها محامى من السوق الحرة يا أستاذ فؤاد
 من جروبي علشان يبقى حنة الجاتوه .. بعد
 إنك يا أستاذ .

- ويستدير عانداً .
 - عسكر فى حدة .
 عسكر : أستاذى يا بدر .. رشا هانم .. أنت علوزه
 محامى يطلعك .. والا محامى تتجوزيه ١٢ .
 رشا : بطلقتى طبعاً !

عسكر : يبقى مفيش غير هوه .. وهيه .. وبعدين عاوز
 أقول لك .. أنا جالى وزير سابق متهم فى
 قضية تريح .. قاعد ملطوع .. قدرى موقفى
 .. أشرحى لهم الأسباب اللى عندك .. علشان
 يرفعوا قضية الخنع .. وخلقى بالك هوه ..
 وهيه .. ممكن يطلقوا الأسد من مراته .. بعد
 لئذك .

- ثم يغادر المكان مغلقاً الباب على الثلاثة .
 - فى هدوه شديد يجلسان قبالها على المائدة
 لحظات من الصمت بدر يخلع النظارة الطبية
 ويشغل نفسه بتنظيفها دون أن ينظر إلى
 الزبونة .. بهمس لزميلته .

بدر : ما تيجى لنا ورق علشان ندون المسائل
 ونشوف الحجج !
 مها : أه .. صحيح !

- وهى تخرج مغلقة الباب خلفها .
 - بدر دون أن ينظر إلى الزبونة .
 - ينفخ فى زجاج النظارة .

بدر : على فكرة يا مدام .. مش شرط أن المحامى
 يملا عين الزبون .. أو الزبونة .. المهم أنه
 يملا عين المحكمة والقاضى اللى واقف يتراجع
 قدامه .

- تظل صامته .. يرفع رأسه ويرندى
 للنظارة .. ثم يخرج من جيب الجاكتة منشفة
 يساوى به شاربه .. وهى تراقبه فى غير
 لفتيح .

رشا : أستاذ .. ستاذ ١٢ .
 رشا : وأنت حر

بدر : بدر !، إسمى بدر !.
رشا : بدر .. بدر دا مذكر والا مؤنث .
بدر : هوه يمشى كده .. وكده !.
رشا : وأنت بتعرف نفسك أزاى ؟!، أزاى تعرف كده
 بتاعتك مذكر والا مؤنث .
بدر : بده .. بالثنب .. والا ما يقتنعش عليه أنه
 يفحص بنفسه .. عندنا أدلة كتير !.

- ثم تدخل مها حاملة بعض الأوراق تحتفظ
 ببعض منها لنفسها وتعطى الكمية الأخرى
 لبدر .. وكلاهما يستعد لاستجواب "رشا"
 والحصول على المعلومات اللازمة ولكنهما
 لا يعرفان كيف تكون البداية .

رشا : الفرجة عليه حلوه !.
مها : طبعاً .. طبعاً .. أنا بصراحة عمري ما شفت
 جمال بالشكل دا .. ولا شياكة من النوع ده .
بدر : أيوه يا مدام .. ما هي الأسباب الداعية إلى
 طلبك خلع زوجك !.

- ناظرة إلى مها .

رشا : ممكن ترجمة لو سمحتي ؟!

- مذعوراً .

بدر : ترجمة ا .
مها : الأستاذ بدر عاوز يعرف الأسباب .. سبب
 الخلاف يعني ؟!

رشا : بيشخر !، جوزى بيشخر وهو نايم ؟!
بدر : إيه ده .. دا حضرتك نواغم خالص .. أنت
 عاوز تملينا نسخة فى المحكمة والا إيه ؟.
 فيها إيه لما جوزك يكون بيشخر .. ما كل
 الناس بتشخر .. ومش بعيد القاضى اللى
 هينظر القضية يكون بيشخر وبعدين لو كل
 واحدة جوزها بتشخر طلبت الخلع يبقى مفيش
 ولا واحدة هتفضل على نمة جوزها .

- تحدث مها .
- تجذب بدر من ثيابه .
- يجلس بدر .. مها تواصل الحديث مع رشا
- رششا : هو زميلك ده كده على طول زى الزميلك .
مها : أفعى يا أستاذ بدر .. طول بابك .
مدام .. الأستاذ بدر كلامك صح .. والعيب
اللى حضرتك قلتيه غير كافي .. وغير مقنع
.. وبعدين .. يعنى .. لو كان الخلاف ..
بسبب أن سعادة جوزك بيخش .. بدل الطلاق
.. يروح للدكتور .. فيه علاج للحكاية دي !
بدر : والا ينالم فى أوضة تانية ؟!
رششا : بصراحة أنا زهقت .. ما كنتش أعرف أن
الجواز ممل بالشكل دا ١٩
مها : حضرتك متجوزة بقالك ثلاث شهرين بس .
رششا : كأنهم ثلاثين سنة .
- يندب بدر واقفاً .. يجمع الأوراق التى
أمامه .. يمد يده مصافحاً رشا .
بدر : فرصة سعيدة يا مدام .. تشرفنا .. قضيتك
خسرانة .. واللى زيك مالهاش غير بيت
الطاعة بأدبها .. قسماً بالله لو أنت مراتى
لأخلى فراش الزوجية بتاعك حصيرة وقلعة
ماية وأحكم عليكى تلبسينى الجاكته وأنا خارج
.. وكمان تبخرينى !
- ثم يزرر الجاكته ويخرج مغلقاً الباب .
- وكلاهما ينظر إليه فى دهشة .

قطع

مشهد : (٨)

ليل / خارجي

مكتب عسكر

- الرجل يقف خلف مكتبه متوتراً ، وأمامه
رشا ساخطة وثائرة ، ومها تقف حائرة لا
حول لها ولا قوة .

رشا : لازم بترفد .

عسكر : ما أقدرش أرفده .

رشا : ليه ما تقدرش ترافده .

عسكر : أبوه .. أبوه يضيعني .

رشا : يطلع مين أبوه .

عسكر : عمدة .

رشا : عمدة .. حنة عمدة .. زى بتوع تمثيليات

التليفزيون البايخة تعمل له حساب أمان لو كان

ماحفظ كنت عملت ليه ١٢!.

عسكر : كنت رافدته ١٢. لو أبوه محافظ أو حتى وزير

.. لو أبين رئيس الوزراء كنت طردته من

المكتب .. لكن الحاج عبد الرحيم النوساتي

عمدة بيتحكم في ٢٥ ألف صوت انتخابي ..

يقول لهم رمز الجمل ٢٥٠٠ ألف تذكرة تبقى

كلها جمال .. يقول لهم رمز القفل .. تلاقى

خمس وعشرين ألف تذكرة إقفال .. أطرده ابنه

أخسر الانتخابات .. ألقى نفسه لوت أوف

إريا .. بره القلعة .. أبوه .. دا حاجة كبيرة

قوى وبعدين .. أنت مالك بيه .. عاوزه

تتخلعي أقعدى يا مها .. وأنت كمان أقعدى .

رشا : أنا ما حدش يقول لى أقعدى .

عسكر : ليه المشكلة يا مها ١٢!

مها : المدام معندهاش أسباب مقنعة .. ومغيش

محكمة ممكن تأخذ بالكلام بتاعها .

- يدور الحوار بينهما همساً .

- عسكر : وفين كلامنا أحدا يا أنسة ١؟
 مها : كلامنا موجود .. بس هيه توافق أولاً .
 عسكر : طيب .. أنا هسيب المكتب شوية .. عاوزك تفهميها ؟ ، وأنقوا ستات زى بعض .
 - وهو يستجه إلى خارج المكتب .. يحدث
 رشا .. يغادر المكتب ويغلق الباب خلفه .
 الأكسة مها هناخد موافقتك على الخطه .. اذا وافقتي .. أعتبرى نفسك مخلوعة .
 مها : شوفى يا مدام رشا ١ ، الطلاق .. والخلع لازم لهم أسباب قوية .. أسباب جباره .. جوزك بيصربك مثلاً .

- الأندھاش ملازم للمحاميه وهى أمام هذا النموذج .

- رشا : ما بتدرش .. الشله بتاعتي كانت تقطعه حتت
 مها : حضرتك عندك شله ١؟
 رشا : أقوى شله فى مصر .
 مها : بخيل ما بيصرفش عليكى .
 رشا : أنا مش مستنيه منه حاجه .. وبعدين هو غنى .. ولنا غنيه .. ومباله الفلوس دى مالهش أى قيمه .. بقول لك ببشخر .. مثل .

- بعد أن تتحسر على حالتها فى سرها .

- مها : طيب .. هو كويس ١؟
 رشا : يعنى إيه كويس .
 مها : قصدى صحته كويسه .
 رشا : تور .. تور .
 مها : تور .. تور مقلناش حاجه .. أنا قصدى يعنى .. هو كويس لما .. لما يعنى .. لما بيتقوا سوا .. سوا .. فى الهوا سوا .

- فى دلال وهى ترمى على مسئلة هامة ذات دلالات لا تخفى على أحد .

- رشا : قصدك لما بذا مع بعض .. قصدك السكس .
 مها : هو اسمه سكس .. سكس والايفن هو ذا اللي أنا قصدى عليه ١؟

- تتجتم ملامحها لحقة .

رشا : ومكسوفة ليه ؟! عادي خالص .. بس أنا ما
أقدرش أقول أنه حلو أو وحش .. دا أول
راجل في حياتي .. لكن ساعتها بكون مبسوطه
ما أقدرش أنكر .

مها : كده أختلفنا .. شوفي علشان تتطلقى أو تتخلعى
مفيش غير سبب واحد قوى .. أنك تقولى أنه
ما بيعرفش .

رشا : بس هو بيعرف !.

مها : بيعرف .. يبقى حمدى ربنا .. وإستحملى
الشخير والملل .

رشا : أوكى .. أوكى .. خلاص .. ما بيعرفش .

مها : آخر كلام .

رشا : ما بيعرفش .. صمره ما عرف .

مها : هنكتب دا في عريضة الدعوى .

رشا : ما بيعرفش .. أنتهينا .. ما بيعرفش !.

قطع

دوار عمدة

- دوار عمدة ذو هبة ومكانة وثناء لا بأس به بالنسبة لمن حوله .. هذا العمدة هو الحاج عبد الرحمن النوساني والد بطلنا بدر النوساني المحامي .

- هناك تفاصيل أخرى بالنسبة لهذا الدوار سنأتي إليها في حينه خاصة في مشاهد النهار - أما الذي يهمنا الآن هو مجلس العمدة الذي يمارس سلطاته من خلاله .. وهو مندرية كبيرة مزودة بالأرائك الخشبية .. وملحق بها غرفة السلاح والتليفون الحكومي .. وهي جزء منفصل عن الدوار الذي يضم كل ما يخص أمور السكن والطهي والعجين .. بما في ذلك حظائر المواشي والطيور .

- المكان مزدحم جداً .. والجو متوتر جداً حيث تسقط الكاميرا لتستعرض لنا أفراد عائلة رجالاً ونساء وكلهم مصابون ودماء تسيل من الرؤوس .. والوجوه بها إصابات والملابس ممزقة والصدور تعلو وتهبط من الغيظ والغضب .. وفي جهة أخرى أفراد عائلة أخرى وهي على نفس الحالة التي عليها العائلة الأولى .. إصابات ودماء .. وملابس ممزقة .. وأفراد كلا العائلتين بين جالس أو واقف حسب مكانته .

- العمدة .

- الحاج عبد الرحيم يجلس على الدكة الخاصة به عن يمينه خفير نظامي بالزي

الرسمى والسلاح وعن يساره خفير آخر بنفس الهيئة .

- العمدة يتفحص الوجوه التي أمامه غاضباً

ساخطاً هو الآخر .. هناك صمت وثوتر . ع. الرحيم : كلمة مالهائش أخت .. وعاوز عليها رد !.

مين اللي كان عاوز يبلغ المركز !.

- من الخلف .. من ركن بعيد يصدر صوت

خافت مهزوز .. مهزوم .

رجل ١ : آنى يا حضرة العمدة !.

ع. الرحيم : ليه كنت عاوز تعمل كده !؟.

- فى شدة .

رجل ١ : يا جناب العمدة الحركة كانت كبيرة والدم كان

للركب وآهو الحال قدام جنابك .. قلت الأمن

المركزى بجى بفضها قبل ما توسع .

ع. الرحيم : لأ يابن ستيته .. ظابط المباحث الجديد بتاع

المركز مشغلك مرشد وأدك كارت للتليفون

المحمول اللي اشتريته بتمن النحاس بتاع أمك

.. أوعى تفكر أن الحاج عبد الرحيم

النوسانى فيه حاجة بتفوته أو تعدى عليه .

يرضيك يعيش بينكم مرشد يغتن عليكم !.

- ثم يخاطب كلا العائلتين المتناحرتين .

- غضب يسيطر على أفراد كلا العائلتين

رغم أنهما فى خصومة شديدة وبينهما نزاع

وثأر .

الجميع : لأ يا حضرة العمدة .

- العمدة فى صرامة شديدة .

ع. الرحيم : فين شيخ الخفر .

ش. الخفراء: جاهز يا جناب العمدة !.

- تسقط الكاميرا على شيخ الخفراء .. وهو

رجل عملاق مهيب له شارب ويحمل سلاحه

بالأضافة إلى عصا إضافية .

ع. الرحيم : خذ منه التليفون اللي عامل بيه جاسوس علينا

.. أكسر التليفون وأنتبه جوز أقلام والتالت

على قفاه وأطرد به المجلس .

ش، الخفراء: أمر جنابك !.

- على الفور يمسك به شيخ الخفراء بخطف
المجهول من يده يلقيه على الأرض ويجهز
عليه بضربة قوية بعك البندقية يصبح
حطاماً متناثرة .. وبسرعة شديدة ينفذ الأمر
الثاني وهو الضرب .. حيث ينفذ الأمر بدقة
تستحق الإعجاب .

ع، الرحيم : أسترأحة نشرب الشاي .. على ما الأعيان
ومشايع البلد يحضروا معنا .. ويكون في
علم الكل .. الغلطان يدفع غرامة فدان
أرض ويعد دفع الغرامة صافى يا لبن ..
نرجع حباب زى ما كنا ولا كلن حاجة
حصلت .. نلتقى بعد الفاصل .

- تم يصمت لحظة .. ويستطرد .

قطع

مشهد : (١٠)

ليل / خارجي

مكتب المحامين

- تدخل المحامية مها تتجه مباشرة نحو "بدر"

المشغول بملف إحدى القضايا .

- تضع أمامه ملف قضية رشا .

مها : الأستاذ عسكر .. يقول لحضرتك أكتب

عريضة الدعوى .

بدر : مالمش دعوة بالقضية دي ؟!، هيه المحاكم

- يزيح الملف من أمامه .

فاضضة لبتوع المثل .. وبعدين شكلنا هيكون

وحش !.

مها : أحنا مش هنقول .. مثل !.

بدر : أمال هنقول إيه ؟!

مها : هنقول ما بيعرفش !.

- ينهض واقفاً فى بظء وهو فى غاية

الأندهش .

بدر : ما بيعرفش إيه بالطبط ؟. دى حيلة رخيصة ما

يعملهاش مكتب محاماه محترم !. وبعدين بناء

على إيه هنقول أنه ما يعرفش !.

مها : بناء على كلام الزبونة !.

بدر : الزبونة دي بالذات .. غير مأمونة لا على قول

ولا فعل .. بعيد .. بعيد .. بعيد عنى !.

- ثم يحمل الملف .. ويلقى به على مكتبها

فى رمية إسكرو .

قطع

مشهد : (١١)

ليل / خارجي

دوار العمدة

- المجلس وقد اكتمل بعد حضور المشايخ

والأعيان وكبار أهل القرية والتاحية .

- ما زال أفراد العائلتين المتناحرتين كل

منهما في طرف .

ع الرحيم: شيخ الخفر !.

ش الخفراء : جاهز يا جناب العمدة !.

ع الرحيم: التحريات بتاعتك عن العركة بين العيلتين

بنقول إيه ؟!

ش الخفراء : عملوها الصغار .. ووقعوا فيها الكبار يا

جناب العمدة !.

ع الرحيم: أحكى من غير كسوف وبلاش تزوق الكلام

ش الخفراء : العيال يا جناب العمدة كانوا راجعين من

المدرسة .. وحضرتك عارف أن مكة

المدرسة على الشط الثاني اللي قصاد البلد

عندل ..

ع الرحيم: صحيح !.

ش الخفراء : الواد خالد بن فارس لقي النسوان لامواخدة

بتفسل مواعين على الشط الثاني .. عينيه

زاغت وبص لهم .

- الأعيان والكبار والمشايخ فى صوت واحد عيب .. عيب قوى !.

- شيخ الخفراء يستطرد . ش الخفراء : الواد خالد لمح الست لطيفة مرات عوض أبو

شقيقة وعزم المواخدة ما كنتش لابسة هدوم

تحتانية .

ع الرحيم: أندر وير يعنى !.

ش الخفراء : بطلع أليه الأندر وير يا عمدة !.

ع الرحيم: دى حاجة لو فهمنوها شقوا عمد .. دى حاجة

تبع العولمة .. كمل يا شيخ الخفر .

ش الخفراء : لا مؤاخذه مألها كمان مكشوف .. والود نتج
وشبع فرجة !.

الجميع : عيب .. عيب قوى .. ولد مش منربى .

ش الخفراء : يا ريتنه كان أنفرج وأنبسط وأستكفى بكده ..
الا لته أستنى لأنها لما حصله .. وقال له ..
أنا شفت كذا كذا ..

الجميع : عيب .. عيب قوى .. ولد عاوز قطع رقبتنه
ش الخفراء : عند أمك .. الولدين عكشوا فى بعض وهات
يا ضرب .. وكل عيل منهم طلع له أهله ..
وهات يا ضرب .

ع الرحيم : الكلام اللي سمعته .. فيه حاجة غلط .

رجل : دا اللي حصل يا حضرة العمدة .

العمدة : عيله فارس قولها إيه فى الكلام ده ؟!

رجل : عيل وغلط يا عمدة .. هنعمل إيه يعنى !.

العمدة : رأى الأعيان والمشايخ وأهل العلم إيه ؟!

شيخ : ما هي باينه يا عمدة .. ولد قليل الرباية عينه

زايغة .. لم يحترم آداب الطريق ويعدين

بخط أبنها .. عيلة فارس تدفع فدان أرض .

ع الرحيم : اللي موافق على الحكم ده يرفع يده .

ع الرحيم : أغلبية !.

ع الرحيم : أخرسى يا ولية أنت وهيه .. لسه المسألة

فيها كلام نأتى .. لا خاب من أستشار .. وأنا

مش هستشير أى حد .. أنا هاخذ رأى المتر

بدر النوسانى رجل القضاء الواقف .. أذعو

لبدر أن رينا يوفق .

- الجميع فى صوت واحدة وهمهمات .

- الجميع فى صوت واحد .

- من العائلة الأولى أبو شقيقة .

- موجهاً السؤال لعائلة فارس .

- من العائلة .

- كل الموجودين يرفعون أيديهم ما عدا

العائلة الواقع عليها العقاب .. عبد الرحيم

ناظراً إلى الأيدي المرفوعة .

- نساء الأسرة التى صدر الحكم لصالحها

يطلقن الزغاريد .

- العمدة يمنع ذلك فى عنف .

- دعاء جماعي .

الجميع : ربنا يعلى مراتبه .

- العمدة يشير بيده إلى الخفير الذي يقف على يمينه .

ع الرحيم : هات يا ولد المحمول .

- ويبدأ في طلب الرقم .

قطع

ليل / خارجي

مشهد : (١٢)

غرفة المحامين

- يرن المحمول الخاص بالأستاذ بدر .

- يفتح التليفون ويرد .

بـسـدر : آلو .. أهلاً يا بابا .. بابا .. قضية كبيرة ولازم

تاخذ حكم فيها دلوفت .. ويكون حكم عادل ..

أحكي يا بابا وأنا سامعك .. أيوه ! .

- لحظات صمت .

تمام .

- لحظات صمت .

فاهم يا حاج .

- لحظات صمت .

كده القضية واضحة جداً .. المخطأ يا واندى

.. هو جوز الست اللي خرجت تغسل وهي

مش لابسه ملابس داخلية .. لو كانت خرجت

مستورة كأن عنصر التحريض أنفضى ..

وكانت الغواية هتكون معدومة .. الولد بحكم

سنهع وأنه فى طور المراقبة لازم يبص ..

أهمالها .. أو أمتهنارها وجايز تكون متعمدة

.. أيوه .. مع السلامة .. مع السلامة يا حاج .

قطع

الدوار

- العمدة يغلق المحمول ويسلمه للخفير .

- صمت .. ترقب .. توتر .. هو صامت

يتأمل الجميع .. ثم ينطق بهدوء .

ع الرحيم : لو كانت الست لطيفة خرجت من دارها
مستورة فوق وتحت كان الولد بن الفوارسة
شاف حاجة ؟!

- لحظات الحيرة على ملامح الجميع وتصدر

الهمهمات .

الجميع : لأه يا جناب العمدة .

ع الرحيم : لو أى حد منكم لقى محفظة فى السكة ..
ياخذها ولا يسيبها .

الجميع : ياخذها .

ع الرحيم : لو واحد شاف ست لامواخذة مكشوفة .. يبص
والا يغمض عينيه .

- أصوات قليلة من هنا وهناك .

رجال : يغمض عينيه .

ع الرحيم : مين منكم سيدنا يوسف ؟!

رجال : مفيش حد فينا زى سيدنا يوسف .

ع الرحيم : يبقى الحكم .. الولد براءة .. وعوض أبو
شقة ملزم بفدان أرض .. أما عيني .. أو يدفع
ثمن الفدان عدأ ونقدأ علشان مراته لما تخرج
تفكر أنها تلبس كل هدومها .. مش تفكر اللي
فوق وتتسى اللي تحت .. خلاص المجلس
أنفض والحكم صدر .. وأستنوا متى قانون
اللبس .. الناس تلبس إيه وما تلبسنى إيه ؟!

قطع

ليل / خارجي

مشهد : (١٤)

مطعم ومرقص

- من الداخل .
- إحدى المطاعم الفاخرة جداً والتي تكاد تكون قاصرة على الأثرياء وأفراد الطبقة الراقية .. مثل بيانو بيانو أو أركاديا وما شابه .. بلوز أو غيره .
- المكان مزدحم .. الزبائن أغلبهم من الشبان والفنيات والجميع أهل ترف .
- الموسيقى الصاخبة والمشروبات والجو العام لمثل هذه الأماكن .
- حلبة الرقص .. حيث رشا منهمكة في الرقص مع أحد الشبان .. والسعادة واضحة على ملامحها ترقص في سخرية وأنسجام .
- هناك على مائدة حديث مختصر بين اثنين من الصديقات .

- الأولى : مالها مبسوطه قوى كده .
- الثانية : بتحتفل .
- الأولى : بيايه .
- الثانية : هنرفع قضية نخلع جوزها .
- الأولى : آمال بعد الخلع هاتعمل إيه ؟!

- تستعرض الزواد .. نلاحظ أن هناك شبان أشبه بالفتوات رغم الأناقة والسلاسل .

قطع

ليل / خارجي

مشهد : (١٥)

الشارع أمام المطعم

- سيارة رشا والتي نعرفنا عليها من قبل
تقف مركونة إلى جوار الرصيف ضمن
السيارات الأخرى .

- حركة الشارع العادية .. وقدم زبائن
وخروج زبائن .

- ثم تأتي سيارة جديدة وأنيقة خلفها سيارتان
من أنواع غالية ومختلفة .

- قائد السيارة الأولى هو "سامح سامي" شاب
رياضي مفتول العضلات من الواضح
ممارس جيد لأحدى رياضات العنف ..
يتولى القيادة وإلى جواره يجلس أحد
الأصدقاء .

- يسير ببطء .. وهو يفحص السيارات
المصفوفة .. حيث يقع بصره على سيارة
رشا .

- أبتسامة ما على شفتيه .. ثم يحدث زميله . سامح : لقيتها ؟! . بسلامتها هنا .
- يتوقف .

- ينزل من السيارة مع صديقه .. ركاب
السيارتان التابعتان يصلون نفس الشيء وهم
حوالي أربعة شبان آخرين من نفس الهيئة ..
ونفس الظروف .

- يأتي أكثر من مئذى سيارات لتولي أمر
السيارات .. مع كلمات المجاملة المعتادة .

مئذى : مساء الفل يا سامح باشا .. منور يا أستاذ أدهم

سامح : مش علوز العربيات تتركن بعيد .

مئذى : أمر سعادتك !.

سامح : عطوة !.

عطوة : أيوه يا باشا !.

سامح : يعنى إيه مبعر !.

منادى : يعنى جعر !.

سامح : مرسيه يا عطوة !.

- نجمع هذا الفريق المكون من أربعة شبان

واثنان من الفتيات .. الكل بأخذ طريقه إلى

الداخل .

- ويهمس لنفسه .

سامح : مبعر يعنى جعر .. أنا جعر !.

قطع

داخل المطعم

- حالة من النشوى والتألق بشدة المكان كله .. سحر الموسيقى + تأثير الكحوليات + الدخان الصادر عن السجائر بالإضافة إلى الأجساد سواء المحشورة داخل بنطلونات أو المتمردة تماماً والصدور الناهدة التي تشارك صاحباتها الرقص .

- رشا في حالة اندماج في رقصتها .
- ثم يدخل "سامح سامي" وحوله الفريق الخاص به .. يتأمل المكان .. يقع بصره على رشا وهي تراقص الشاب في حيوية .
- رشا لا تراه .. هي متفرغة لما هي فيه .
- أما نظرات الآخرين فإنها بدأت تتوتر .. والبعض تحرك من مكانه .

- سامح يدخل حلبة الرقص ويكل هدوء يمسك الشاب الذي يراقص رشا بقبضة قوية من قفاه .

سامح : عارف أنت بترقص مع مين ؟!
رشا : سامح .. من فضلك .. أنا ولنت منفصلين .. من حقى أرقص مع أى حد !.

- وقد أحكم قبضته أكثر وأكثر وأصبح الشاب كأنفار بين مخالط قط .

سامح : أسكتى أنت دلوقت .. (للشاب) مين اللي أنت بترقص معاها .
الشاب : مدام رشا ؟!

- بالطبع الفريق الذى يتبعه يقف في حالة تحفز وترقب .

سامح : عارف أنها مراتى .
الشاب : عارف .
سامح : استأذنت منى علشان ترقص معاها .

النشاب : حضرتك ما كنتش موجود .

سامح : آمال همه اخترعوا المحمول ليه ا.

- ثم يدفع به دفعة قوية بحيث يسقط على الأرض ويحذف مسافة على أرضيه البست .

رشا : أنت متوحش .. ولأزم تروح السيرك علشان تتعلم هناك .. وبعدين أنا هفضحك .. أسمعوني كلكم ..

- تتوقف الموسيقى فجأة .. والحركة أيضاً .. رشا تتابع .

حضرته اللى عامل فيها دون جوان عصره وزمائه .. ببشخر وهو نايم .

- همهمة الاستكثار تصدر عن الجميع .
- رشا تزداد شجاعة .

وبعدين أوعى تفكر أنى خيفة منك .. أنا مش لوحدى !

- ثم تفرقع بأصابعها .
- على الفور من جوانب مختلفة .. تتقدم الشلة الخاصة بها .. مجموعة شبان وشابات تقف فى مواجهة سامح وفريقه .
- كلا الفريقين ينظر إلى الآخر نظرات التحدى والوعيد .

- الفريق الأول مرة واحدة .. ودفعة واحدة يخرج المطاوى التى تفتح آلياً وتتطلق كالسهم .. ويشهرها فى وجه الفريق الخاص برشا .
- فى سرعة تضاهي سرعة رعاة البقر فى أخراج المسدسات .. فريق رشا هو الآخر يخرج المطاوى الأكثر طولاً وكأنها (سنج) وكأننا فى انتظار حدوث مجزرة .

- لكن الكاميرا تستقبل امرأة عملاقة ترتدى ملابس الرجال البدلة الكاملة والكرافتة وتبدو

جافة مثل أى سحابة يتبعها ثلاثة أو أربعة
من الفتوات الغلاظ فى ملابس أنيقة وكل
منهم يحمل بندقية خرطوش يرد صيد .

المرأة : كله يرمى سلاحه على الأرض .. المحل
بتاعى مش هيكون أركاديا نمرة ٢ .. خلافتكم
الشخصية تتفاهموا فيها بره .. بعيد عن هنا ..
آخر مرة كله يرمى سلاحه .

- تتساقط المدى كلها على الأرض .

- أحد الرجال يتولى جمع هذه الأسلحة .

- المرأة تواصل .

المرأة : الأسلحة دى أتصاندرت خلاص .. ودلوقت
نرقص !.

- نتوسط حلبة الرقص وتبدأ الرقصة ..

حيث تتحول إلى رقصة جماعية .

قطع

فيلا رشا

- فيلا أنيقة .

- هناك سور وبوابة .. ورجال أمن من إحدى شركات الأمن الخاصة .. أحدهم يسير بصحبة كلب مدرب .

- ثم تستقبل الكاميرا قدوم سيارة رشا تجاه البوابة في سرعة غير عادية .. تتوقف فجأة أمام البوابة وقبل أن يتم الحارس فتح البوابة - ثم تنزل من السيارة تاركة الباب مفتوحاً وتصدر تعليماتها لرجال الأمن .

رشا : فيه حالة طوارئ .. أرفعوا درجة الاستعداد ..

سامح سامي لو جه ممنوع يدخل .

الحارس ١ : دا جوز حضرتك .. وصاحب بيت .

رشا : جوز حضرتي آه .. ولوقت جواز متعطل ..

ومهوش صاحب بيت .

الحارس ٢ : يا مدام .. أنت حضرتك عارفة أنه عصبي

ومتعافى .

رشا : اطلقوا عليه الكلب يقطعته حنت ١.

- ثم تدخل سيارتها وتندفع بها إلى الداخل عبر الممر المؤدى إلى الفيلا نفسها .. وسط دهشة أفراد الحرس .

قطع

ليل / خارجي

مشهد : (١٨)

مقهى

- مقهى فى حى متوسط .. قد يكون منطقة
العباسية أو السيدة زينب .. أو شبرا .. جو
المقهى بشكل عام ..
- بدر النومانى يجلس على مائدة مع أحد
زملاء المكتب .. زميله يدخن الشيشة أما هو
فيكتفى بشرب الشاي وأن كان من الواضح
أنه يفكر فى الشيء .
- زميله يخرج نفساً قوياً من دخان الشيشة
ويحدثه .

الزميل : على فكرة الأستاذة مها عينها منك .. بس مش
أنت واخذ بالك .. ما تتكل على الله .
بدر : ما هى ملفحة قدامى بقالها ثلاث سنين ..
عمرى ما حسيت بيها .. وبعدين مذبذبة .. يوم
تلاقىها بحجاب .. ويوم تلاقىها صابغة شعرها
أصفر .. لا يمكن تكون محل ثقة .. وبعدين
مش لوني .. الشغلانة بتاعتنا طبعت عليها ..
ذا الواحد باسمها ترفع عليه قضيه تحرشى حتى
لو كان جوزها .. مش كفاية المرافعات فى
المحاكم ناقصين مرفعات فى البيت !. تروح
لحالها وبعدين دى شبه أمى وهى صغيرة ..
بالمناسبة أنت ثبقت المدام القلى رافعة قضية
خلع علشان جوزها بيشخر .

- الزميل وهو يتأمل فى أسى .

الزميل : لا .. كده أحنأ دخلنا فى شريحة ثانية .. دى
نواعم خالص .. تلمسها جسمها يزرق .

- بدر وهو شارد الذهن .

بدر : أشرف .

الزميل : أيوه .

- أول اهتمام فعلى .. أول لفت نظر .

بدر : الواحد يعرف إذا كان بيختر والا لأ أزاى ؟!

الزميل : لما تمام جنب حد وما يعرفش ينام من صوتك

المزعج .

قطع

شقة بدر

- شقة متوسطة في حي متوسط .. الحي الذي تتبعه المقهى .
- كل شيء معقول .. وهي أصلاً شقة ترى ريفي عازب أى خالية من أى مبالغة .. هذا بالنسبة للشقة بوجه عام .
- نحن الآن في حجرة النوم .
- بدر مرتدياً البيجاما المخططة ويقوم ببعض التجهيزات الفنية .
- بداية يبدأ بضبط المنبه على الساعة الثامنة حيث موعد الاستيقاظ الذي يتناسب مع بدء العمل بالمحاكم .
- ثم يحضر جهاز كاسيت وشريط يضع الشريط داخل الجهاز .. ثم يضع الجهاز على الكمود الملاصق للسريр بحيث يكون إلى جوار رأسه .
- يدخل الفراش .
- يبدأ في قراءة صحيفة الغد التي أحضرها معه .
- عندما ينتهى من الصحيفة .. ويبدأ غزل النوم الحقيقى .. يضغط على زر التسجيل ويستسلم للنوم .. بعد إغلاق النور .. حيث الظلام .

قطع

نهار / خارجى

مشهد : (٢٠)

حجرة النوم أيضاً

- كل شيء كما كان بالأمس .
- فقط ضوء النهار الذى بدأ يتسلل إلى داخل
- الحجرة مع حركة الحياة التى بدأت تدب فى
- الشارع وتسللت أصواتها هى الأخرى إلى
- الداخل .
- ثم يرن المنبه .
- يستيقظ بدر .
- أول شيء يطل عليه هو جهاز الكاسيت
- جميع الأزرار مرفوعة .
- يبدأ فى أرجاع الشريط حتى يأتى بأوله .
- فى لهفة .. فى ترقب .. فى حذر .. فى
- خوف .. يضغط على زر التشغيل وهو فى
- غاية الأصفاء .
- فى البداية لا نسمع سوى صوت الشريط
- الصامت وهو يدور داخل الكاسيت .
- السعادة واضحة تماماً على وجه بدر ثم
- فجأة .. فجأة يبدأ العزف .. أغلظ سمفونية
- شخير فيها الصاعد والهابط والخفيرة .
- الأسى على ملامح الوجه .. الأحباط كله
- يضغط على زر التسجيل مرة أخرى ويسجل
- بصوته .

بدر : فشل المشروع .. كما فشل مشروع فوسفات
أبو طرطور .

قطع

نهار / خارجى

مشهد : (٢١)

مصنع الملابس

- مصنع الملابس الذى ورثته رشا عن أبيها
- نستعرض تفاصيل المصنع والعاملين به
من رجال وسيدات فى لقطات شبه تسجيلية
توضح هذا المصنع ومدى الثراء الذى تعيشه
رشا .. بالإضافة إلى نوعية الملابس التى يتم
إنتاجها .

قطع

نهار / خارجي

مشهد : (٢٢)

مكتب رشا

- صورة للوالد الراحل .
- وهناك صور جديدة للموديلات ونماذج حريمي ورجالي .
- رشا تقوم بتجربة فستان فوق جسد إحدى العارضات بمساعدة رجل مش واضح أنه من الخبراء وفي هذه المهنة .

رشا : موش بطل .. ممكن يبقى كويس .. لفي ا.

- الموديل تستدير .. رشا تفحصها من الخلف .

رشا : لفة ثانية .

- تستدير الموديل مرة أخرى حتى تصبح أمامها .

رشا : فتحة الصدر .. تعلى شوية .. أغلب الصدور عندنا ثقيلة وممكن تضغط على تحت والفستان يسقط من فوق .

الرجل : يا مدام .. اللي صمم الفستان .

- مقاطعة .

رشا : اللي صمم الفستان أشغل حسب مقاسات وأوزان ثانية خالص .

الرجل : وأنتين سنتي وسع من الظهر لزوم الطوارئ .. الستات عندنا بتزبد في الأعياد والمناسبات .

- وهو يدون الملحوظة .
- ثم يدق جرس التليفون .
- وهي تذهب للرد على التليفون تشكر الرجل والفتاة ثم ترفع السماعة .

رشا : مرسيه يا نهال .. مرسيه يا ميشو .. الو !

- ثم تستكمل المكالمة بالفرنسية في طلاقة
تامة .. وتبدو سعيدة حيث أن مضمون
المكالمة يحمل لها أحد الأخبار السارة وهو
الموافقة على استيراد ملابس من المصنع .

قطع

نهار / خارجي

مشهد : (٢٣)

نادي صحي

- داخل النادي .
- نادي صحي على أعلى مستوى .. ومزود بأحدث الأجهزة الحديثة الخاصة بالتمارين الرياضية .
- هذا النادي هو أحد المشروعات التي يملكها السيد/سامح سامي الزوج المبدع للسيدة رشا .
- أيضاً أستعراض للمكان ، حيث نرى سامح نفسه وهو جالس على أحد أجهزة الرياضة القوية والخاصة بتنمية العضلات .. يهمننا التركيز على العضلات القوية للشباب .. وأيضاً هذا الجسد العملاق الصلب .
- بالطبع هناك زبائن يمارسون رياضات مختلفة .

قطع

مشهد : (٢٤)

نهار / خارجي

مدخل النادي

- تستقبل الكاميرا أحد الموظفين البسطاء
(رجل على قد حاله) واضح أنه يقضى يومه
متجولاً سيراً على الأقدام .. يحمل حقيبة
أوراق جلدية كالحة .. أنه "محضر".
- المحضر يتأمل المكان مندهشاً .. يتقدم
خطوة ويطل برأسه ويهم بالتراجع حيث يفتح
الحقيبة ويراجع الأوراق .. ثم يتقدم من جديد
إلى الداخل في حذر ورهبة .
- الاستقبال .

- حيث أن هناك اثنتان من الفتيات الحسان
مهمتهما الاستقبال .. كلاهما تنظران إلى هذا
القادم بعدم إرتياح حيث أن مثل هذه النوعية
من البسطاء لا ترتاد مثل هذه الأماكن .

فتاه : أى خدمة ؟!

المحضر : هو هنا إيه ؟!

فتاه : نادى صحى !.

المحضر : دا غير النادي الأهلى .. أصل أنا ما أعرفش

غير النادي الأهلى !.

فتاه ٢ : النادي الأهلى حاجة .. والنادى اللي أنت فيه

حاجة تانية .

المحضر : هناك لعب كرة .. هنا لعب إيه ؟!

فتاه ١ : أنت عاوزه إيه بانظبط !.

المحضر : أنا موظف عمومى يا حلوة .. موظف وعنده

سلطة قانونية .. مش هنا المحل المختار للسيد

سامح سامى رشدى !.

فتاه : أيوه .

المحضر : هو موجود .

فتاه : أيوه موجود .

المحضر : معايا إعلان من محكمة .. عنده قضية ولازم
يستسلم الإعلان بنفسه .

- م . ك لوجه الفنان وقد سيطرت عليها
الدهشة .

قطع

نهار / خارجي

مشهد : (٢٥)

مكتب سامح أو الصالة

- مكتب سامح داخل النادي .
- ما زال بالملابس الرياضية ويجلس وحيداً يطالع عريضة الدعوى .
- فى البداية يبدو هادئاً باسماء فى ثقة ..
- ولكن فجأة كمن أصابته لدغة عقرب .
- يضرب فآزة بها ورد يطيح بها حيث تتناثر فى أنحاء غرفة المكتب ويرفع سماعة التليفون ويضرب رقماً وهو فى غاية السخط والعصبية .
- المشهد للمخرج حسب المكان .

قطع

نهار / خارجي

مشهد : (٢٦)

مكتب رشا

- رشا مع مجموعة من السيدات أصحاب محلات الملابس النسائية .
- يبدأ رنين التليفون ولكنها لا تهم وتتواصل

رشا : ما أقدرش أدى تسهيلات أكثر من كده .. وكل واحد حر .. الدفع إذا كان هيكون بشيكات مؤجلة فالمدة مش هتكون أكثر من شهرين .. أنا البضاعة بتاعتي بتتخطف من السوق خطف

- ثم ترفع السماعة .

ألو .

قطع

نهار / خارجى

مشهد : (٢٧)

مكتب سامح

- بصرخ فى التليفون مع ضربة قوية بكف
يده على سطح المكتب هذه الضربة تحطم
البنورة الزجاج وتجعلها مثل خريطة مزدحمة
بالتضاريس .

سامح : أنا ما بأعرفش يا رشا !.

قطع

نهار / خارجي

مشهد : (٢٨)

مكتب رشا

- سماعة التليفون تسقط من يد رشا التي
اصابتها رعشة مفاجئة وبدت مضطربة تنظر
إلى زبائنها .

رشا : سوري .. التليفون فيه كهربا .

- بينما صوت سامح يسمع جيداً من خلال
السماعة .

ص سامح : ردى عليه ؟! ليكى عين ؟! تقدرى
تولجيهينى !. أنا بتقال عليه ما بيعرفش !.

- الدهشة على وجوه السيدات .

- رشا المحرجة جداً .. وفى سرعة خاطفة
ترفع السماعة من مكانها وتضعها فوق العدة
.. ثم تنظر إلى الزبائن .

رشا : هوه أنا قلت الشيكات المؤجلة مدتها تبقى
كام ؟!

واحدة : شهرين .

- يرن جرس التليفون من جديد .. رشا
تنظر إلى التليفون .

رشا : ست شهور .. أظن كده هابل جداً !.

قطع

ليل / خارجي

مشهد : (٢٩)

شوارع

- سيارة جديدة وقوية تتطلق وسط السيارات الأخرى يقودها شاب مفتول العضلات .. وإلى جواره يجلس سامح سامي في حالة غضب وفي المقاعد الخلفية أشان من الشباب لهما نفس الصفات .

- نهاية المطاف بالنسبة للسيارة التوقف أمام العمارة التي بها مكتب الأستاذ "عسكر" المحامي .

- ينزل "سامح" ويتبعه الآخرون إلا أنه يستوقفهم عند المدخل .

سامح : خليكوا أنتوا هنا .. لو البوليس وصل أمنعوه .. أمنعوا البوليس يدخل .. مش مطلوب منكم أكثر من كده !.

- ثم يواصل تقدمه داخل مدخل العمارة .

قطع

ليل / خارجي

مشهد : (٣٠)

مكتب عسكر

- الأستاذ فؤاد عسكر على مكتبه يفحص
أحدى القضايا .

- تدخل السكرتيرة : بعد أذن سيادتك !.

- دون أن ينظر إليها . عسكر : أيوه !.

السكرتيرة : رجل الأعمال مجدى سالم طالب يقابل
سعادتك !.

عسكر : مين مجدى سالم !.

السكرتيرة : صاحب مدينة شمس الأصيل اللي فى ٦
أكتوبر .. الظاهر عنده قضية مهمة .

عسكر : شوفى يا آنسة .. التعليمات عندي ما
أغيرش .. أى زيون جديد يدخل طوالى .

السكرتيرة : أمرك يا أفندم .

- تسكير خارجة .

- عسكر يعود إلى النظر بأمعان ودقة فى
الأوراق التى أمامه .. وبعد لحظات يصح أن
هناك شىء غريب يحدث ربما تولد لديه
شعور بحدوث زلزال .. يرفع رأسه وإذا
بقدم سامح سامى كأنه بلدوزر قوى .

- يدرك عسكر أن هذه الخطوات هى السبب
فى هذه الاهتزازات .

- ينهض عسكر مستقبلاً أياه فى ترحاب
زائف طبعاً .

عسكر : أهلاً وسهلاً .. أهلاً بيك يا مجدى بيه !.

سامح : ما أسمى مجدى !.

عسكر : أmaal أسم حضرتك إيه ؟!

سامح : هتعرف !. أفضّل أقعد .. واقف إيه ؟!

- وقد بدأ الخوف يسيطر عليه .

- سامح وهو يجلس .

- يجلس عسكر متوجساً .. خائفاً .. بهم يمد

يده نحو الجرس .. إلا أن سامح يمنعه .

سامح : أبعد أيديك عن الجرس .

عسكر : دا الساعى .. يمكن حضرتك تحب تشرب

حاجة ؟!

سامح : مش علوز أشرب حاجة !

- يدق جرس للتليفون .. بهم عسكر برفع

سماعة التليفون .

ما تردش على التليفون .

عسكر : حاضر .

- درجة الخوف أكثر .. ودرجة الغضب

أكثر عند سامح .

مممكن أعرف الموضوع .. مبدئياً أنا شايف

أن فيه سوء تفاهم أو خطأ ما ؟!

- فى هدوء شديد يخرج سامح عريضة

الدعوى التى وصلته على يد المحضر .

سامح : عريضة الدعوى دى خارجة من عندك ..

مش كده .

- عسكر يمسك الأوراق .. أسمع مطبوع

على الأوراق .

عسكر : فعلاً .

سامح : حضرتك اللي كاتبها ؟!

عسكر : هيه قضية إيه بالضبط .

سامح : أقرأ وأنت تعرف .

- يبدأ القراءة .. وبعد لحظات قصيرة تبدأ

يداه فى الارتعاش .

عسكر : حضرتك الأستاذ سامح سامى زوج السيدة

رشا الوردانى .

سامح : اللي ما بيعرفش ؟!

عسكر : دا .. يعنى .. كلام كده بيتكتب .. روتينى

يعنى ؟!

سامح : سؤالى واضح .. أنت اللي كاتب العريضة

دى !

عسكر : لا يا أبنى .. لا يا أبنى .. أنا برضة أعمل

عريضة ريكة بالشكل دا .. أنا يا أبنى بتاع

القضايا الكبيرة .. الكبيرة قوى .. ولولا أن

مدام رشنا شغلها الكبير ما كناش نقبل منها
القضية الصغيرة دى .. وبعدين أحنا ملناش
أى خبرة فى قضايا الطلاق والخلع مش
أختصاصنا .. أحنا أموال عامة .. مخدرات
.. قتل .. سياسة .

سامح : سؤالى واضح .. أنت اللي كاتب العريضة .

عسكر : لا .. ولا حتى قريبها ١٩.

سامح : مين اللي كاتبها ١٩.

عسكر : أثنين من المحامين الشبان .. محامى

ومحاميه ١٩.

سامح : هاتهم هنا ا.

قطع

ليل / خارجي

مشهد : (٣١)

الشارع

- قدوم سيارة رشا .
- هذه المرة خلفها سيارة بها الحرس الخاص بها .
- تتوقف السيارة أمام العمارة التي بها مكتب المحامي .. تنزل رشا من سيارتها .
- وينزل أفراد شلتها من السيارة التابعة .
- رجال سامح يرونها مع رجالها .. وعلى الفور يأخذون مواقع جديدة .. في الوقت الذي يستعد فيه رجال رشا للعراك إذا لزم الأمر .
- رشا تدخل من باب العمارة دون أى اعتراض من أحد .. ولكن عندما يتقدم رجاله للدخول يحدث الاعتراض .

واحد : المدام هتدخل لوحدها .. جوزها فوق .. راجل ومراته .. نتدخل أحنا ليه ١٢. أنتوا تستنوا معانا .. دى مسائل عائلية سياسية .. الجيوش مالهاش دعوة بيها ..

- ويخرج علبة سجائر يقدم منها .

حد يدخن !.

- نظرات متبادلة وأستسلام للأمر الواقع .

قطع

مكتب عسكر

- سامح يجلس في حماية قوته الجسدية ..
 - عسكر على الكرسي ويتمنى أن يبتلعه ،
 أما الأستاذة مها والأستاذ بدر فأنهما يقفان
 ونظرات متبادلة بينهما تحمل علامات الحيرة
 - عسكر الخائف المرتجف .

عسكر : الأستاذ بدر .. الأستاذة مها .

بدر : هو فيه إيه يا باشا ؟!

عسكر : الأستاذ يبقى جوز مدام رشا الورداني .. وفيه

جملة عابرة وردت في عريضة الدعوى مش

عاجباه .. ويمكن تكون غلطة في الكتابة .

بدر : أيه يا أفندم الجملة اللي مزعة حضرتك !

- متجهاً إليه .

سامح : أنت مش كائب للعريضة وشغلتك محامي ..

وراجل .. وتعرف إيه اللي يزعل وإيه اللي ما

يزعلش .

بدر : الحقيقة أنا ما أعرفش أي حاجة عن العريضة

.. لأنى سببتها للنسبة مها .. علشان كده

يستوضح من حضرتك !

سامح : يعنى أنت ما أشتركتش .

بدر : لا .

سامح : طيب .. أتفضل حضرتك .. أنت مالكش شأن !

عسكر : ما تخرجش يا بدر .

بدر : أنا أوامري من الباشا بناعنا .

مها : يا أستاذ أحنأ ناس عارفين شغلنا كويس وشيء

- تتدخل في عصبية .

طبيعى أن تلاقى في عريضة الدعوى كلام ما

يعجبش حضرتك .. أنت الخصم .. أنت العدو

.. عاوزنا نكتب شعر في حضرتك .. قصيدة

غزل ..

عسكر : طولى بالك يا مها .
مها : أطول بالى أزاى بس .. دا أحنا العدالة الواقفة ..
 .. وبعدين إيه الجملة اللي مزعلاك أنا اللي
 كاتبة المذكرة .. ومسئولة عن كل كلمة وعبرة
 وردت فيها ؟!

سامح : ما بيعرفش ١٢. عرفتى إزاى أنى ما بأعرفش.
مها : مراتك هيه اللي قالت .
سامح : كذابه .
مها : دى حاجة بينك وبينها .. مالنا أحنا .
عسكر : أيوه .. مالنا أحنا !.
مها : وبعدين حضرتك عاوز إيه ١٢.
سامح : حاجة بسيطة خالص .. أنا جاى أثبت أنى
 بأعرف ١٢.

- حالة من الرعب تسيطر على الجميع ..
عسكر + المحامية .. أما بدر فأنه رابط
 الجأش .. ربما لم يقدر خطورة الموقف .
عسكر : تثبت أنك بتعرف أزاى .. أزاى .. وثبتت هذا
 لي ١٢. قدم مستنداتك للمحكمة .. أحنا
 الخصور ١.
سامح : أنا تكلمنى شهادة قوية من شخص موثوق فيه
 أنى بأعرف .. وأنت هتكون الشاهد بتاعتى .

- تندفع مها هاربة وتحتمى خلف مكتب
 عسكر .
 - فى هدوء شديد يتحرك بدر ويقف أمام هذا
 البلدوزر .
بدر : أسمح لى أقول لحضرتك أنك شخص سافل ..
 وغير محترم .. وما بتعرفش (لحظة صمت)
 فى الأصول .

- ويلطشه بالقلم على وجهه لطشة قوية .
 - سامح يستقبل الضربة وهو ثابت تماماً ..
 لم يهتز أبداً .

سامح : أنت عملت إيه دلوقت ١٢.

بدر : التي حصل ،

- ويكرر الأمر مرة أخرى .. ويستطرد .

بدر : مراتك المفروض تخلعك علشان الوقاحة أولاً

.. وأنت ما بتعرفش ثانياً .

- سامح وكأنه تور هائج تصدر عنه صرخة

قوية كالتى يطلقها أبطال الكراتيه ويرفع يده

استعداداً لتوجيه ضربة لبدر .

قطع

خارج مكتب عسكر

- حيث الزبائن المهمين الذين ينتظرون الدخول والسكرتيرة .

- في لحظة خاطفة يطير باب المكتب الخاص بمكتب عسكر حيث يسقط مخلوعاً وفوقه بدر .. عندما يفتح عينيه يجد أن رشا واقفة فوق رأسه .

- طبعاً للرؤية لديه غير واضحة تماماً هناك أهترافات ويرى الأشياء مضاعفة .. يرى الرأس رأسين والساق ساقين وثلاثة .
- ثم ينهض واقفاً وهو يردد همساً .

بدر : حصل خير .. حصل خير !

- ثم يخرج إلى سامح .

سامح : بأعرف والا ما بأعرفش ؟!

بدر : في الضرب آه .. ولو أنى أشك بوضعة في حكاية الضرب دي ؟!

- وقط سقط بصره على سلة المهملات البلاستيك الموجودة إلى جوار مكتب السكرتيرة .

- في سرعة خاطفة يلتقط السلة ويضعها حشراً فوق رأس سامح .. ويدق عليها بضربة بقبضة اليد .. لقد أصبح سامح أسيراً لديه بعد أن حشرت رأسه ، وأصبح مثل الستور الأعمى .. ومع خروج كل العاملين بالمكتب من محامين وموظفين وفراشين لنا أن نخيل مصير هذا العملاق .

قطع

مشهد : (٣٤)

ليل / خارجي

مكتب عسكر

- سامح مربوطاً وهو يجلس فوق مقعد خشبي وهو ثائر جداً بعد رفع سلة المهملات من فوق رأسه .

- بالنطبع أثر الضربة على وجه بدر . سامح : أنا أتبهلن كده بسببك يا رشا !؟ وشرف أمي

وأبويأ وعمي وخالي ما هتشوف الطلاق ولا للخلع .. كل أملاكى هبيعها وأجيب أكبر محامين .. أيامك السوداء أبنتت يا رشا !؟.

- ثم يمسك برشا ويربّت على ظهرها ..

تبدو رشا سعيدة . عسكر : سجلي الكلام دا يا آنسة مها .. دا تهديد .. دا وعيد ..

- مها يظهر عليها الغضب الشديد .. غضب

الغيرة . بدر : القضية دي بقت بتاعتي خلاص .. هات بدل

المخامي الف .. أنا اللي هقف قدامك في المحكمة .. أنت والمحامين بتوعك .. القضية بقت بتاعتي خلاص .. وأخلق شنبى .. سامعنى .. أخلق شنبى أن ما كنت أخلعها منك سواء كنت بتعرف والا ما بتعرفش يا متوحش

- ثم يربّت على ظهر رشا من جديد .

- ثم يربّت من جديد .. سعادة رشا ..

غضب مها . القضية دي بقت بتاعتي خلاص !.

قطع

ليل / خارجي

مشهد : (٣٥)

أمام العمارة

- أمام العمارة التي بها مكتب المحامي ..
حيث نرى رجال سامح يتسامرون مع رجال
رثا .. ويتبادلون المزاح .

- ثم يفتح باب المصعد هابطاً ويخرج منه
سامح وهو مدمر تقريباً .. ملابسه على
جسده مبعثرة .. وهناك كدمات على الوجه
.. يتجه لتوه إلى رجاله ويصفع الجميع دون
لأنى كلمة .

سامح : أنا يحصل لي كده وأنتوا واقفين تهزروا .
واحد : حضرتك اللي منعتنا !.

- بالطبع رجال مبتسمون .. يتجه إليهم أيضاً
ويضرب .

سامح : بنضحكوا على إيه يا رمم !.
واحد : وحد الله .. روح أئشطر على اللي ضربك !.
سامح : فين مفاتيح العربية !.

- صارخاً .
- أحدهم يقدمها إليه .. يأخذ المفاتيح مندفعاً
نحو السيارة .

- رجاله يتبعونه إلا أنه يستدير إليهم .
سامح : مرفودين !.

قطع

ليل / خارجي

مشهد : (٣٦)

مكتب عسكر

- عسكر غير متواجد .. أنتقل إلى مكتب آخر .

- على نفس الكرسي الذي كان يجلس عليه سامح مربوطاً .. يجلس بدر ولكن في وضع أفضل بكثير .. حيث تتولى رشا فحص أثر اللكمة القوية التي سددها سامح له في البداية

رشا : يا حرام .. أنت لازم تزوح مستشفى .. أنا عارفة أنه متوحش !.

مها : يا مدام .. هو كويس .. بلاش تكبرى للحكاية وتخضيه على نفسه .. وبعدين وأحنا مروحين أبقي أفوته على مستشفى الأسعاف هناك عندهم علاج المسائل دي أسهل ما يكون .

رشا : أنت مراته !.

مها : لا ..

رشا : خطيبته .

مها : لأ .

رشا : وضعك إيه بالظبط .

مها : ببوصلنى شهامة منه .

رشا : طبعاً .. واضح أنه شهيم .. وشجاع وأصيل .. همه ولاد العمد كده !.

بدر : كتر ألف خيرك يا مدام .. دا بس .. من لطفك ورقتك وأحاسيسك العالية .. الرائية .

رشا : لازم دكتور يشوفك .

مها : دكتور الأسعاف هيشوفه !.

رشا : أسعاف إيه يا متراية ؟!

مها : متراية ؟!

- مندهشة .

- مها تكاد تموت من الغيظ .

رشا : مش المحامى متر .. تبقى المحامية متراية !

مها : لاه .. المحامية مش متراية .. لو خدد

بالمقاسات تبقى المحامية بوصه .. ها .. ها .

بدر : والله حلوه منك يا مها .. دمها خفيف مش كده

يا مدام رشا ؟!

رشا : أنت لازم يشوفك دكتور فايف ستار .

بدر : لا فايف ستار .. ولا سفين ستار .. أنى إنشاء

الله لما أروح البيت هحط قشر الخيار على

وشى وإنشاء الله أصبح زى الفل .

رشا : قشر خيار !.

بدر : أيوه .. دا مفعوله أكيد .. أصلى قرئت الحكاية

دى فى مجلة النجمة المشهورة نبيل عبيد ..

سألوها ما سر نضارة بشرتك .. قالت قشر

الخيار .. وقالت على الوصفة .. وأنا هعمل

زيها !.

- ثم تنظر إلى رشا .

مها : الضربة أثرت على نافوخك يا بدر ..

يا ست هانم .. يا مدام .. القضية بناعذك لسه

ما اتحددش لها جلسة .. لما تتحدد الجلسة

هانخطررك .

رشا : أستاذ بدر .. ممكن أأخذ تليفونك المحمول

عشان أطمئن عليك .

بدر : قوى .. قوى .. يا سلام !. المحمول .. قسماً

بالله أنا شاربه منظره .. دلوقت بقى له أهمية .

قطع

ليل / خارجي

مشهد : (٣٧)

شوارع

- سيارة بدر النوساني وهي سيارة ١٢٨ متوسطة الحال .

- يتولى القيادة وتجلس إلى جوار المحامية مها .. تبدو قلقة وهي تستمع إلى شريط الكاسيت الذي وضعه بدر وهو أغنية أنا هويت بصوت المطربة معاد محمد .. بدر مندمجاً تماماً مع الأغنية واللحن .. والأنسنة الجالسة إلى جواره في حالة غليان .

- مها تلمح عربة يد على جانب الرصيف . مها : وقف جنب عربة الخيار دي .

بدر : يا سلام عليكى .. والله كنت هنسى !

- وهي تغلق الكاسيت . مها : وأفضل شوية .. علشان الراجل بتاع الخيار يسمعنا ونسمعه .

- تتوقف السيارة إلى جوار عربة الخيار .. دون أن تنزل .. تخاطبه من النافذة .

مها : ٢ كيلو خيار لو سمحت .

البائع : للأكل .. والا للتخليل .

- الذي أقترب منها .. ورغم كل ما يحدث إلا أن بدر في عالمه الخاص .. كأن الأمر لا يعنيه .

البائع : جرى أيه يا ست هانم .. هو دا وقت تريقة !

مها : دي وصفة الدكتور نبيلة عبيد .. وأديك شايف وش الراجل .. هو أنت بتبيع حاجة من غير ما تعرف أستهملتها .

- وهو يضع الخيار في الكفه ويزن ولكنه يتراجع .

البائع : والخيار الطيب ده .. تخين والا رفيع .

مها : نسينا نسأل الدكتورة .. أوزن من دا على دا .

قطع

شارع آخر

- السيارة منطلقة تجاه منزل مها .. بدر
يتولى القيادة .. ما زال الراديو مغلقاً .. مها
تقرش خيارة .

بدر : هو الخيار الطيب بيتاكل ؟!
مها : مين قال لك لنى دا اكل .. دا دوا !
بدر : هو له استعمالات تانية غير نعومة الوجه .
مها : آه .. أصلى قرئت فى مجلة للنجمة المشهورة
يسرا قالت أن الخيار مفيد للضغط العالى ..
لما تنقرش تروح فارشة خيارة .. تقوم تهدى
بدر : وأنت إيه اللى فارسك !
مها : الفارسة زى الأنفلونزا .. ممكن تيجى من
عطية فى وشك .. ميروك عليك القضية !
بدر : لازم أكسبها ؟! لازم أخلعها منه !
مها : فرمل .. وقف .. أنت تهت عن البيت بتاعنا
والا إيه ؟!

- تستوفه فجأة .

- يتوقف .

بدر : الحقيقة سرحت .. ما علش !
مها : تصبح على خير .
بدر : أبقي سلمى لى على الوالد والوالدة .
مها : أثناء النزول .

- تغلق الباب .. وتطل برأسها من النافذة .

بدر .

بدر : نعم .

مها : أنت فلاح مش كده ؟!

بدر : ودا شرف ليه !

مها : فى بلدكم بتغمسوا العيش ميه ؟!

بدر : بطيخ .. مش .. بامية .. ملوخية .. بطاطس ..
.. جبنة ..

مها : ممكن تغمسوا العيش بأيس كريم .

- وهى تتجه صوب باب المنزل .. وكأنه **بدر :** دى تبقى فضيحة .. والناس تعملها نكته !.
عرافة أغريقية .

مها : أنت اللي هتغمس عيشك بأيس كريم يابن

النومانى .. وأوعى تتسى تحط قشر الخيار !.

- م . ك لوجه بدر مندهشاً وماخوذاً .

- وهى تكرر القول بطريقة مسرحية .

أنت هتغمس عيشك بأيس كريم .. يابن

النومانى .

- ثم تستدير راجعة إليه وتقلد رشا .

ممكن تدينى رقم تليفونك المحمول علشان

أطمئن عليك !.

- على الفور ينطلق بالسلامة طلعة أمريكانى

وكانه يفر من مطاردة .

قطع

ليل / خارجي

مشهد : (٣٩)

أمام العمارة

- السيارة منطلقة في سرعة .. يتولى القيادة
.. محدثاً نفسه .

بدر : أديكى النمرة ليه .. وأنى مغير النمرة ثلاث
مرات بسببك .. هو أنا سمعت منك غير الكلام
فى الجنح والجنايات والمادة ١١٧ مكرر .. دا
اللى زيك همه اللى كرهوا الناس فى المحمول
.. محمول إيه وأنت كلامك ناشف عاوز بلطة
علشان يتكسر !.

- أندفاع السيارة .

قطع

ليل / خارجي

مشهد : (٤٠)

أحدى أماكن السهر

- هناك مطرب أو مطربة يغنى للحب ..

والجو العام مشبع بالنشوى وحب الحياة .

- رشا تجلس على البار وأمامها كأس فى

يدها سيجارة تتابع الأغنية وقد شردت مع

الكلمات .

- أحدى صديقات رشا والننى تجلس قبالتها

تدرك الحالة التى هى عليها .

الصديقة : فى إيه يا رشا ١٩.

رشا : فلاح .

الصديقة : إيه ١٩.

رشا : محامى .

الصديقة : مش فاهمة حاجة ١٩.

رشا : فلاح محامى .. محامى فلاح .. ما تعرفيش

أى معلومات عن الجماعة الفلاحين دول .

الصديقة : أنت عاوزة جناينى ١٩.

رشا : أعتبرى المناقشة خلصت !.

- ثم تحمل أغراضها .. والتليفون وتترك

للمكان كله مغادرة أياه .

- الدهشة على ملامح الصديقة .

الصديقة : هو فيه إيه ١٩.

قطع

ليل / خارجي

مشهد : (٤١)

شقة بدر

- بدر جالس يشاهد التلفزيون وقد غطى الوجه بالكامل بقشر الخيار .
- المشهد من أحد أفلام عبد الحليم حافظ حيث الشاب الفقير يحب الفتاة الثرية الجميلة .. يبدو متأثراً للغاية .
- فجأة برن جلس المحمول .
- يلتقط التلفون في لهفة ويرد ، يأتي إلى سمعه نفس أغنية عبد الحليم التي تذاق ضمن أحداث الفيلم المعروض على الشاشة .
- الأبنسامة والفرحة والبهجة تسيطران عليه

قَطْع

ليل / خارجي

مشهد : (٤٢)

شقة مها

- طبعاً تعيش مع أسرتها في شقة واحدة ولكن لها حجرتها الخاصة .
- الحجرة وهى عادية جدالص ولكنها مزودة بمكتب وجهاز تليفون صغير بالإضافة إلى السرير والدولاب وما إلى ذلك .
- ترتدى قميص نوم وفوقه روب مزركش من القطن .. وتنف شعرها فوق بكرات "الرولو" وأمامها التليفزيون يعرض نفس الفيلم وقد وضعت سماعة التليفون العادى فى مكان سهل منه نقل الصوت إلى الطرف الآخر .
- بعد أن تنتهى من لف شعرها تأخذ برطمان أصلاً من المستعمل فى تعبأة الصلصة به خلطة تأخذ منها وتضع على وجهها .

قطع

مشهد : (٤٣)

ليل / خارجي

شقة بدر

- بدر وكأنه مخدر .. يحدث الطرف الآخر
وبالطبع يظن أن المحدثه هي رشا .

بدر : لم أكن أتصور أن سيادتك بتفرجى على أفلام
عربى زينا .. أنتى تبع مايكل جاكسون
وشكيرة .. لكن كله خير .. عبد الحليم حافظ
الله يرحمه قرب وجهات النظر بينا .. ردى
عليه يا جميلة الجميلات .. ردى عليه يا أنتى
الطاووس المختالة بنفسها .

قطع

ليل / خارجي

مشهد : (٤٤)

شقة مها

- غرفة النوم .
- مها ترد عليه .
- في غيظ .

مها : أنثى الطاووس المختالة بنفسها ؟. هتغمس
العيش بالآيس كريم يابن النوساني .. تلفونك
ما هو عندي يابن النوساني .

قطع

ليل / خارجي

مشهد : (٤٥)

شقة بدر

- بدر منفعل .

بدر : أفسدت عليه اللحظة يا أستاذة مها .. وبعدين بأقولك إيه ؟. أنا لما أغمس العيش بالآيس كريم هيبقى موضة .. وفي كل الحالات أفضل من غموس البامية والملوخية يا بامية .

- ثم يخلق التليفون .. ويقذف به على أقرب مقعد .. ويبدو في حالة غيظ حتى أنه يغير المحطة على القناة الجديدة نشرة أخبار والخبر عبارة عن كوارث وضحايا .

بدر : هيه كده .. تلوث الهواء .. وتسمم الماية .. وتملا نشرة الأخبار بالكوارث وصوتها يعلن الحرب العالمية الرابعة .

- ثم يرن التليفون من جديد .
- ينظر إليه في أرتياب شديد .. يبدو خائفاً متوجساً .. ثم ينهض وينظر إلى التليفون الذي يرن في تردد .

قطع

مشهد : (٤٦)

ليل / خارجي

فيلا رشا

- حجرة النوم .

- حجرة نوم خيالية ، ألوان .. سنائر ..

حراير .. كافة الكماليات .. مرايات أتساع
غير عادى .- والأهم من ذلك رشا نفسها فى قميص نوم
حريرى وروب حريرى بديع اللون .. وقد
تمددت على الفراش الوثير وهى راقدة على
بطنها وتتحدث فى المحمول .

رشا : صحتك من النوم .. هندم طول عمرى لو
كنت أزعتك .. أنا رشا .. كان لازم أظمن
عليك قبل ما أنام .. حظيت قشر الخيار .. أنا
سألت الدكتور بتاعى فى فرنسا قال أنه مرطب
وحنين على الجلد ومهدى للبشرة .

قطع

شقة بدر

-على الفور يحول القناة التلفزيونية .. نعود
إلى رومانسية عبد الحليم حافظ وتجرى
الدماء الصافية في عروقه من جديد .

بدر : مين .. جميلة الجميلات .. أنثى الطاووس
المختلة بنفسها .. أتى تاخدى راحتك
أنشالله تتكلمى لأذان الفجر .. لطلعة الشمس
.. لميعاد الجلسة بتاع الخلع .. أنا ما عنديش
مانع .. أفتحى التلفزيون وهاتى الفيلم بتاع
عبد الحليم .. دا كله رومانسية .. طبعاً أنت
مش عارفة عبد الحليم كان بيعمل إيه فى قلوب
العشاق لما يغنى .. موعود بالعذاب .. أى
نمعة حزن لا .. أهواك .. وحببية قلبك يا
ولدى نائمة فى قصر مرصود .. والشعر
الغجرى المجنون يسافر فى كل الدنيا ..

قطع

ليل / خارجي

مشهد : (٤٨)

حجرة نوم رشا

- رشا وهي أكثر سعادة بهذه المكالمة وهذا التقارب السريع .. ما زالت على الفراش .

رشا : بص يا ميتر .. أنا طلباك علشان أقول لك أني لازم أشوفك في المصنع بكرة .. عاوزاك تبص لي بصة على ملفات العمال ونشوفها مضبوطة والا لا .. حاكم أنا أحب أبقى قانونية في كل حاجة .. عارف المصنع فين ١٩.

- هامية بدلال .

قطع

نهار / خارجي

مشهد : (٤٩)

الطريق إلى المصنع

- الطريق إلى مصنع الملابس الذي تملكه
رشا .. سيارة بدر تتطلق على الطريق .
- ثم تتحرف نحو بوابة المصنع حيث الأمن
- أثنان من رجال الأمن يتقدمان تجاه السيارة
للاستفسار الروتيني .

رجل ١ : تحت أمرك .

- بدر وهو داخل السيارة .

بدر : عندي ميعاد !.

رجل ١ : مع مين ؟!

بدر : مدام رشا .

رجل ٢ : مين حضرتك !.

بدر : بدر النوسائي المحامي .

- تتغير اللهجة على الفور .

رجل ١ : أهلاً وسهلاً يا أفندم .. نورت المصنع يا أفندم

- يصبح بأعلى صوته .

رجل ٢ : حرس سلاح !.

- ويخرج من حجرة الأمن رجل ثالث ينفخ

في بروجي .

- كل هذا وبدر لا يصدق ما يرى .. ويخرج

من السيارة رافعاً يديه .

قطع

نهار / خارجي

مشهد : (٥٠)

داخل المصنع

- بدر يعامل معاملة كبار الزوار .. كأنه وزير مهم .. أو رئيس الوزراء في زيارة للمصنع .. وهناك مصور فيديو .
- رشا مع المديرين ترافق "بدر" في هذه الجولة التفقدية وتتولى الشرح ويبدو أن بدر عاش الدور هو الآخر .

المدير : ودي يا أفندم .. بدلة صف واحد .. أحدث موضة .. محلات إيطاليا وهولندا وبلجيكا بيستوردوها منا يا أفندم بيشتروا الحته منا بتلتميت جليه جملة ويحطوا عليها تكت ثاني .. وتتباع بأنفين دولار .

- بدر وهو يتحسس القماش .

بدر : ما شاء الله .. ما شاء الله .
رشا : وكم ان يا أفندم آسيا .. أنت ناسي آسيا والا إيه يا أستاذ ميشيل .
المدير : لا .. أنسى أراي .. لنا أسواق في سنغافورة وتايوان .

بدر : ما شاء الله .. ما شاء الله .

- يمر بمجموعة من العمال يصفقون له بحرارة .. يهز رأسه بانمأ ويقترب من إحدى السيدات على ماكينة خياطة .

بدر : بتعملي إيه ؟!

- للمرأة في حدة .

المرأة : يعني شايفني بأعمل إيه ؟. عجين الفلاحة .. بخيط .

بدر : وزعلانة ليه ؟!

المرأة : لسه متطلقة أمبارح .

بدر : هاتوا لها عريس .. بمن يكون عريس تايراني

رشا : أتفضل يا أفندم معايا على المكتب علشان نتكلم
فى الشغل .

- بيتسم للعمال .. ويهمس فى أذن رشا .

بدر : أبشرهم بعلاوة على الماشى كده .

- همساً .

رشا : مش قوى كده .. مش من أول زيارة .. أتفضل
معايا !.

قطع

مشهد : (٥١)

نهار / خارجى

مكتب رشا

- هناك عدد لا بأس به من خبراء صناعة الملابس الرجالي بدل وقمصان .
- ميشيل يمسك عينات الأقمشة .
- وهناك ثلاثة يأخذون مقاسات بدر .
- بدر مندهشاً .

بدر : هوه أيه الموضوع .. أنا مش فاهم !

رشا : لما يخلصوا شغل أنا هفهمك كل حاجة يا متر

- يتقدم منه الرجل الذى يحمل العينات .

ميشيل : ممكن سيادتك تختار اللون الللى يناسب ذوق حضرتك ؟!

بدر : مدام رشا .. أعفينى من المسألة دي .. ليه بقى أسعاركم أنا مش قدها .

رشا : لا .. ما أحنأ هنديك بسعر الجملة .

بدر : إذا كان بسعر الجملة ناخذ واحدة .

الرجل : أتفضل نقى اللون .

- بدر يفر الألوان .. ويختار لوناً .

بدر : اللون دا معقول .. يمشى بالليل وبالنهـار .

رشا : نقى كمان لون .

بدر : لا كده هيكـون عندى بدل كتير .

رشا : عشان خاطرى .

بدر : خاطرك غالى بس !. يعنى كده كويس ..

عشان البدل ما تعملش زحمة عندى .

- رشا تنهى الجدل على طريقتهـا .

رشا : أستاذ بدر المحامى الللى هيجلعنى .. لازم

يكون أثيك محامى فى مصر .. أستاذ ميشيل

ميشيل : أمرك يا مدام .

رَمَا : ١٢ بدلة .. ألوان ليل ونهار وثلاث دست
 قمصان .. دسنة حرير .. وأنتين لينوء فاخر ..
 بيجامات .. ملابس داخلية .. شرابات .. فوط
 .. عسوانك يا متر علشان التطلب يكون عندك
 فى البيت !.

- الدهشة على ملامح بدر .

قطع

نهار / خارجى

مشهد : (٥٢)

داخل المصنع

فوتو مونتاج سريع

- عمليات ومراحل تصنيع البدل والقمصان
- بالتوازي .. بداية من فرد الأقمشة .
- الرسم على القماش .
- القص .
- الخياطة بالماكينات .
- الكل يعمل بكل الهمة والنشاط .

قطع

نهار / خارجى

مشهد : (٥٣)

أمام النادى الصحى

- سيارة تاكسى حالها لا يسر عدو ولا حبيب
تتوقف أمام المبنى الذى يقع به النادى
الصحى .

- المحامية مها تنزل من السيارة .. وتقف
فى مواجهة المبنى فى تحد واضح .. ثم تشق
طريقها فى خطوات شبه عسكرية .

قطع

مشهد : (٥٤)

نهار / خارجي

مكتب سامح

- سامح واقفاً خلف مكتبه غاضباً شرساً ..
يضرب سطح المكتب بقبضة يده .. على
الفور الزجاج يتحطم ويتحول إلى شروخ .

سامح : أنت ؟! بأى حق تدخل هنا .. أنتوا يا بهائم
ياللى بره .

- تكون مها جالسة فى هدوء وهى تضع
ساق على ساق فى جمود دون أن يهتز لها
جفن .. فقط تهز رجلها .

- تدخل الفتاتان المعنيتان بالأسقبال فى
خوف ولهفة .

واحدة : أمرك يا سامح بيه ؟!

سامح : مين سمح للبنى أدمة دى تدخل هنا .

واحدة : دى تعليمات سيادتك يا أفندم .

سامح : حضرتك قلت أى ست تدخل مكتبى عدل .

خدوها .. خدوها الساونة واقفلوا عليها .. ما
تخرجش إلا بأمر منى .. وأعلى درجة .

- كل هذه ومها هادئة تماماً .. وتخطبه فى
ثقة وصلابة .

مها : أنا جاية علشان مصلحتك .. أهدى كده وهات
لى حاجة ساقعة أشربها .. فاهم يعنى أويه
مصلحتك ؟!

سامح : هاتوا لها حاجة ساقعة !

- تخرج الفتاتان .

مها : متبقاش زى السجارة فى الأول تتباس وفى
الآخر تتدلس بالمداس .

سامح : الأول أعرف أنت عدو ولا حبيب .

مها : فى الأول كنت عدو .. دلوقت حبيب .. وجاية
أدلك على سكة الصبح !

أنا الداء ومنى الدواء .. أنت ناوى تتخلع .

- ثم تشير على نفسها .

سامح : على جئنى .. أبيع هدومى وأصرفها على
المحامين ولا أخلعها .. والمحامى الكسر زميلك
أنا مش هسييه .. حد يخلع مصنع ملابس بمئات
الملايين .. إذا كانت عارزه نخلع ندفع !.

مها : يبقى تسمعنى .

سامح : هاتى اللى عندك .

مها : فى مسألة أنك ما بتعرفش !.

- يضرب الزجاج المكسور بيده مرة أخرى

، وهنا تجرح يده .

سامح : تانى هتقول لى ما بيعرفش !.

مها : تتجوز بكره .. ومراتك الجديدة تشهد قدام
المحكمة أنك بتعرف .

سامح : دلوقت بس عرفت أنك معايا ومش ضدى ..
ثانية واحدة .

نانا !.

- ينادى بصوت مرتفع .

- يسرع تكون نانا موجودة وهى إحدى

الفئاتين .

نانا : أقدم يا سامح بيه !.

سامح : أطلبى واحد مأذن خليه ييجى هنا دلوقت ..
هتجوزك يا بت .. كملى يا أستاذة .

- ثم إلى مها .

مها : بالنسبة للشخير .

سامح : دا مالوش حل .

مها : كل حاجة فى الدنيا كلها ولها حل .. تعمل
عملية جراحية .. وتخلى المحامى بتاعك
يطلب من المحكمة الاستعانة بخبير .. ودلوقت
أقدر أقول لك باى .. باى .

- ثم تنهض واقفة ومستعدة للانصراف .

- وهو يسعى خلفها .

سامح : لكن .. لكن .. أنتى بتعملى كده ليه ١٢.

مها : فاعلة خير .. فاعلة خير لا أكثر ولا أقل .

هتروح منى فى بن النوسانى .

- ثم يهمس بصوت خافت .

قطع

نهار / خارجي

مشهد : (٥٥)

الطريق

- طريق العودة من المصنع إلى القاهرة .
- فى البداية سيارة رشا بكل قوتها وأناقته
- تطلق على الطريق ، رشا تقوى القيادة وإلى
- جوارها " بدر " .
- وخلف هذه السيارة بمسافة سيارة بدر
- يقودها سائق من الشركة وتبدو هذه السيارة
- كخدمة تسعى خلف سيدتها .
- داخل سيارة رشا ،
- فى دلال .

رشا : هو أنا هروح المحكمة ؟!

بدر : حتماً ولابد !!

رشا : والقاضى هيسألنى ؟!

بدر : من المؤكد .. ما هي المحكمة لازم تسمع
الطرفين !!

رشا : بس أنا عمري ما رحيت محكمة ولا شفت
حضره القاضى .. وأكيد هخاف وهرتبك !!

بدر : لا .. أهم حاجة الثبات والجرأة ومواجهة
الخصم بالدلائل والبراهين الدامغة .!

رشا : يعنى إيه الدامغة ؟!

بدر : الدامغة .. الدامغة .. زى ورقة الدمغة كده
مفبش طلب يمشى من غيرها .

رشا : بس أنا شايفه أنى محتاجة تدريب وتمارين ..
عاوزه أتمرّن أزاى أفق قدام حضره القاضى
.. عشان لا أخاف ولا أنتخبط .

بدر : وماله .. نمرك .. تعالى المكتب عندنا بالليل
كل ليلة نص ساعة .. وعموماً الأسئلة بتكون
متوقعة ندرسها سوا .

رثـا : لا .. مكتب إيه ؟!، عندى فى البيت مش يكون
أحسن ؟!

بـدر : طبعاً أحسن .. لكن المشكلة فى الوقت .. أنا
الصبح فى المحكمة .. وبالليل فى المكتب
وأحياناً بنسهر لغاية الساعة أتناشر ويمكن أكثر
رثـا : وماله .. هو أنا بأنام قبل الساعة أربعة الصبح

- وهو فى حالة تردد .

بـدر : يعنى .. مفيش مانع .. ندرس الأمر .. نشوف
يعنى .. ولو أن الدرس الخصوصى ده
يستحسن يكون فى الليلة اللى هنكون صباحيتها
الجلسة علشان ما ننسيش حاجة !.

قطع

نهار / خارجي

مشهد : (٥٦)

داخل المدينة

- سيارة رشا .. تتبّعها سيارة بدر بقيادة سائق من المصنع .
- تتوقف سيارة رشا إلى جانب أحد الأرصفة
- ينزل بدر شبه مخدر هائماً كأنه مستيقظ من حلم جميل ويتجه نحو سيارته التي توقفت هي الأخرى خلف سيارة رشا التي انطلقت بسرعة فور نزول بدر .
- بدر يتسلم سيارته من السائق وينطلق هو الآخر بسرعة وكأنه لا يرى أي شيء في الدنيا .
- السائق المسكين يقف وحيداً حائراً بائساً وهو يضرب كف بكف .. ويهمس .

السائق : نعمة العيش بقت مرة قوي .. صعبة قوي ..
وكما قال مولانا شعبان عبد الرحيم .. أياه ..
أياه !!

قطع

نهار / خارجي

مشهد : (٥٧)

أمام العمارة

- حيث يسكن بدر .
- أمام العمارة المتواضعة التي يسكنها بدر .
- تتوقف سيارة "فان" عليها أسم مصنع الملابس .. أثنان من عمال المصنع يحملون الملابس ويدخلون العمارة .
- طبعاً للملابس داخل أكياس مغلقة والقمصان داخل علب ورقية أنيقة .

قطع

نهار / خارجي

مشهد : (٥٨)

شقة بدر

- تستعرض الكاميرا الملابس بكل أنواعها وقد نشرها في أنحاء الشقة الصغيرة بالكامل بين معلق وراقد فوق المقاعد وذلك بعد أخراجها من الأكياس والعلب الخاصة بها .
- ثم يخرج بدر من الحمام مرتدياً الملابس الداخلية فقط وعلى رأسه فوطة ينشف رأسه بها ولا نرى ملامح الوجه ولكنه يسير مترقصاً وهو يغنى إحدى أغاني الخروج من الحمام .
- ثم يرفع الفوطة .
- لقد أزال الشارب تماماً .. وأصبح غريباً إلى حد ما .

قطع

عمارة المكتب

- أمام العمارة التي بها مكتب المحامي
- عسكر تتوقف سيارة بدر الـ ١٢٨ .
- يفتح الباب .
- نحن لا نرى بدر .
- ولكن الكاميرا ترصد أولاً خروج القدم
- والساق ونلاحظ أن الحذاء قديماً وجرباناً
- بينما البنطلون يبدو رائعاً .
- استكمال النزول .. حيث يقف بقدميه على
- الأرض والكاميرا ترصد من أسفل إلى أعلى
- مع التركيز على الحذاء الذي لا يتمشى أبداً
- مع الأناقة الكاملة والذوق الرفيع يبدو 'بدر'
- كأنه أحد رجال السلك الدبلوماسي .
- يغلق السيارة ويدخل مختالاً .. لا أحد من
- حراس العقار يتعرف عليه .

قطع

مشهد : (٦٠)

ليل / خارجي

مكتب المحامين

- تجلس مها وحيدة في المكتب .
 - الباب مغلق .. وهي على راحتها تراجع
 زينتها وتعيد طلاء شفتها بالروج وقد فردت
 أمامها فرشاة شعر وأدوات تجميل أخرى .
 - يفتح الباب دون استئذان ويدخل بدر في
 هيئته الجديدة بحيث لا تتعرف عليه من أول
 وهلة وعلى الفور تكف عما تفعله وتنهض
 فزعة .

مها : جرى أيه يا محترم .. فين التحضر .. فين
 للتمدن .. أنت داخل فين .. مغارة مالهاش باب
 علشان نخبط عليه ؟! داخل نفق الأزهر .. دا
 مكتب محترم وفيه سئات وأسرار .. وقضايا
 .. ومحامين ومحاميات .. سئات يعني .. وإيه
 اللي أنتعامله في نفسك دا يا نوساني وشكلك
 كده خدت جنسية ثانية .. والا غيرت النوع .
 - ثم يضعف صوتها رويداً رويداً .. من
 الواضح أنها اكتشفت من هو .
 - وهو يتحرك تجاه مكتبه .

بدر : هقول لك إيه وأنت خلاص فقتي القدرة على
 التمييز .

- وهي تفحصه من أعلى إلى أسفل ..
 تتوقف عند الحذاء الغليظ الخشن ومع ابتسامة
 خبيثة .

مها : استنى كده لما أتفرج عليك شوية ؟! دا أنت
 أتبدلت بقيت واحد تاني .. هيه ما عندهاش
 فرع للأحذية .. أصل الجزمة بتاعتك عاملة
 ٤٠ ألف كيلو .. والبدة على الزبرو والحكاية
 مش راكية على بعضيا .

بدر : أنا عارفك نكدية ومتعودة على أفساد أى شىء
 جميل .. لكن عاوز أقول لك .. أن البذلة دى
 وغيرها بفلوس .. بحر مالى .. كل ما هنالك
 أنى أشتريت بسعر المصنع .. والجزم اللى
 على الزيرو جاية .. بلاش تستعجلي .. خفى
 الراج اللى على بقك دا شوية .. أحسن شكلك
 كده واكله عيل .

قطع

دوار العمدة

- يجلس العمدة بكل هيبة ووقار مع وجود
الحاشية والبطانة والخضراء وهو يفصل في
نزاع صغير بين أحد صعاليك القرية وأمره
بائسة وكلاهما أمامه .

ع الرحيم : وله يا بن المركوب .. سرقت البطة بتاعة
خالتك أم السعد ليه ؟!

الصعلوك : كنت جعان يا عمدة .. وسيدنا عمر .

الجميع : رضى الله عنه .

ع الرحيم : ماله سيدنا عمر .

الصعلوك : قال الجعان يسرق ومفيش عليه ذنب .

ع الرحيم : حرامى .. وهتعمل لى فيها مفتى يابن الرفضى
.. هو اتجعان لازم يسرق بطه .. لازم ياكل
بط .

الصعلوك : يعنى عاوزنى أسرق صحن مش يا حضرة
العمدة .. دا الجوع أحسن من أكله .

ع الرحيم : أسمعنى يا أبن اللى ما تتشماش .. أسمعنى
سرقت بطه الغليانة الشقيانة ؟! ما هي زيك
فى الغلب .. ليه ما سرقتش بطه حد مقتدر ؟.

الصعلوك : خفت منهم ؟!

ع الرحيم : أم السعد ؟!

المرأة : خدامتك يا جناب العمدة .

ع الرحيم : تيجى الصبح والنهار طالع .. تنقى البطة اللى
تعجبك من النوار بتاعى وتأخديها مع طلعة
الشمس تكونى موجودة يا أم السعد .

المرأة : رينا يعمر بيتك يا عمدة وبيبارك لك فى
المحروس بدر ويطلب مراتك كمان .. ويدينى
العمر لما أشوفه وزير .

- يرن التليفون المحمول .. الخفير حامل المحمول .. يقدم التليفون للعمدة .
- العمدة .. يفتح الجهاز .

العمدة : ألو !.

قطع

ليل / خارجي

مشهد : (٦٢)

حمام المكتب

- الحمام فى مكتب المحاماه .
- مها تجلس فوق السلطانية وهى مغلقة .
- وفى نفس الوقت نتحدث فى المحمول .

مها : حاج عبد الرحيم يا نوسانى .. أبناك بدر ماشى
فى سكة اللى يروح ما يرجعش .. أبناك بدر
ماشى فى سكة اللى يروح ما يرجعش !.

- تنهض واقفة ، ترفع ثيابها تضغط على
السيفون .. يحدث هديرأ .. تقرب التليفون
لينقل الصوت .. صوت هدير الماء .

قطع

ليل / خارجي

مشهد : (٦٣)

دوار العمدة

- ما زال المجلس منعقدًا .. إلا أن العمدة
يمسك بالتليفون في حالة تمبله وحيرة .

رجل : فيه إيه يا جناب العمدة ١٩.

ع الرحيم : لا .. أبداً .. مفيش !.

خفير : الواد الحرامي الحكم عليه إيه يا جناب العمدة .

ع الرحيم : عليه نضاقفة الجامع لمدة شهر .. خلاص

المجلس أنفض .. ومفيش إستئناف .

قطع

نهار / خارجي

مشهد : (٦٤)

القرية

- هذا المشهد شديد الأهمية حيث أنه سوف يتيح لنا وللمشاهد جغرافية هذه القرية ومكانها وموقعها على شاطئ النهر الذي سيكون له دوراً مهماً في الأحداث القادمة .

- من الأفضل أن يتم التصوير من أعلى بواسطة طائرة .. حيث نرى القرية بكاملها من أعلى وأسطح المنازل ونرى موقعها على النهر والطريق الممتد على الجانب الآخر من النهر .

- ثم دوار العمدة والذي يتمتع بموقع فريد ومتميز .. حيث يقع على شاطئ النهر مباشرة .. الباب الرئيسي للدوار والمضيضة التي تدار منها شئون القرية يقع على الشارع الرئيسي داخل القرية وهناك باب خلفي بطل على النهار مباشرة ويفضي إليه .. (كما نقول بالبلدي منه للمايه طوالي) .

- نرصد حركة القرية في الصباح مع بداية سطوع الشمس .

قطع

نهار / خارجى

مشهد : (٦٥)

خلف الدوار

- يجلس العمدة عكر المزاج وكأنه يحمل همأ
يراقب الأوز والبطة الذى يسبح فى الماء
أمامه .

- ثم تخرج من الباب الزوجة الحاجة عنايات
وهي تحمل كوباً من الشاي تقدمه للحاج عبد
الرحيم .

عنايات : أتفضل يا حاج .

- وهو يأخذ الشاي .

ع الرحيم : كتر خيرك يا أم بدر .

- وهي تجلس إلى جواره .

عنايات : مش عواندك .. أنت من بالليل ودمك معكر يا
حاج .. فى إيه يا حاج ؟!

ع الرحيم : والله يا أم بدر الموضوع يخصك زى ما
يخصنى .. المحمول رن وجاب لى خبر مش
حلو أبداً .

عنايات : بلاش توقع قلبى .. قصفض يا خويا .

ع الرحيم : أخبارية من مجهول .. أبلك بدر ماشى فى
سكة اللى بروح ما يرجعش ؟!

عنايات : يادى اليوم لللى زى قرون الخروب .. يكون
الواد بيستعطى حاجة يا حاج !

ع الرحيم : يجوز يا أم بدر .. ما هو البندر غول أعمى ..
والبلد اللى هو فيها هيه الغولة الكبيرة .

عنايات : يكون بسلامته لايف على واحدة ست كده والا
كده يا حاج !

ع الرحيم : يجوز .. ما هم النسوان هناك زى ما بتشوفهم
فى التلفزيون يا حاجة .. مهلبية .

عنابات : حاج .!

ع الرحيم : لابد .. وحتماً من السفر الفجائى والتفتيش على

ولدنا .. طلعى هدم السفر من الدولار .. أنى

هاخذها صده رده أشوف أيه العبارة .

قطع

نهار / خارجى

مشهد : (٦٦)

الطريق إلى القاهرة

- سيارة بيجو طراز قديم ولكنها ما زالت محتفظة بقوتها ورونقها لأنها قليلة الاستعمال
- السيارة مزودة بمسائر سوداء .
- هناك سائق وإلى جواره خفير بزيه الرسمي لزوم حراسة الحاج عبد الرحيم .
- أما الحاج عبد الرحيم فإنه يجلس وحده فى المقعد الخلفى وقد ارتدى العمامة بالإضافة إلى ملابس المقابلات الخاصة وقد أخذ موقع الرجل مهم جداً .
- السيارة منطلقة على الطريق .

ع الرحيم : بسرعة شوية علشان نلحق نرجع قبل العتمة يا حودة .

السائق : أمرك يا كبير !

- وتكون المفاجأة أن تطلق هذه السيارة سارينة مشابهة تماماً للسيارينة الخاصة بكبار المسئولين .
- مع أندفاع أكبر فى سرعة السيارة .

قطع

شقة بدر

- بدر يرتدى بيجاما مزركشة ناعمة طبعاً
من الهدايا .. وهو مسترخى فوق الكنبه
الموجودة فى الصالة يقرأ فى إحدى المجلات
- يدق جرس الباب .
- بدر ينهض فى تكاسل تاركاً المجلة ..
يذهب إلى الباب ويفتح برفق يذهل لرؤية
الأب المفاجئة هذه .. بينما الأب لا يعرف
عليه لأول وهلة .

ع الرحيم : قلبى كان حارس أنها سكة سنات ١٢. وكمان
وحشين .. أنا أول مرة أشوف حرمة دكر ..
أنت مين يا ست ١٢.

بدر : بابا ١٢.

- مندهشاً ومذعوراً .. ويدفعه دنعاً إلى ع الرحيم : بابا ؟. وله أنت قلبت .. مش ممكن تكون أنت
أبنى بدر .. أيامك السوداء أبتدت يا عبد الرحيم
الداخل .. ويفلق باب الشقة بقدمه .
يا نوسانى .. ومستقبلك السياسى ضاع .

بدر : بابا .. فيه إيه ١٢. حمد الله ع السلامة .. هو
فيه إيه .. أنا مش عارفه ١٢.

- الأب يتأمل الأبن جيداً ونائها .

ع الرحيم : سكة اللى يروح ما يرجعش ا. إيه اللى أنت
لايسه ده يا ولدى .

بدر : دى .. دى مجرد بيجاما .. على الموضه .

ع الرحيم : وهيه الموضه الرجال تلبس من قماش الحرير
دا أمك لللى هيه أمك .. لو لبست الألوان دى
أطلقها .. وفين شنبك .. فین عنوان الرجولة
.. فین علامه الجودة وختم الصلاحية .

بدر : شلتة يا بابا .. ظروف خاصة خلقتى أثيله .

- فى خوف .

ع الرحيم : وشلت أليه تانى ١٢. أوعى تكون فرطت فى
أعز ما تملك ١٢.

بدر : يا بابا .. مش كده .. الحياة العصرية لها
ظروف ومتطلبات .. والظروف .

- وهو يجلس على الكنية مهموماً .. يرفع
يده فى وجهه .. يصمت الآن .. عبد الرحيم
يشعل سيجارة ويلفظ دخانها .

ع الرحيم : عاوز أعرف الظروف اللي قلبتك القلبة السوداء
دى ١٢.
بدر : الحب !.

- ينهض واقفاً .

ع الرحيم : قولها تانى .. عاوز أسمعها منك تانى .
بدر : الحب .
ع الرحيم : بتحب مين .. واحدة ست ١٢.
بدر : أمال هجب لراجل ١٢.
ع الرحيم : بالهيئة اللي أنت فيها دى تعملها .. خشن اللبس
هدمة عدلة علشان أتكلم معاك .. عاوز أتكلم
معاك كلام راجل لراجل .. يجرى لو الغفير
حميدة شافك وأنت بالهيئة دى ١٢. غير هدومك
وتعالى نخرج برة مش طابق أشوفك هنا
حاسن إني قاعد فى شقة عروسة .

قطع

نهار / خارجى

مشهد : (٦٨)

أمام العمارة

- السيارة واقفة أمام العمارة .. الخفير حميدة بشواربه الطويلة وزيه الرسمى والبندقية وهو يقف أمام السيارة زنهارة والسائق يقف فى نفس الوضع .. الأمر الذى يعد ملفناً للنظر بالنسبة للمارة .
- خروج بدر والأب سوياً تجاه السيارة .
- الإجراءات .
- الركوب .
- وسط دهشة المواطنين .. حتى تحرك السيارة وإطلاق السارينة .

قطع

أحد مطاعم الحسين

- بدر وقد ارتدى جلباباً .. وأعد لوالده
الشاي .. وجلس أمامه في احترام .

ع الرحيم : بعنى أنت بتحب !؟

بدر : أيوه يا بابا !

ع الرحيم : وهيه كمان بتحبك !

بدر : الموضوع بعنى .. مش سالك قوى .. هو

واعر شوية .. وفيه مشاكل .. أنا أصلى

المحامى بناعها .. عندها قضية صغيرة كده ..

أنشاء الله تكسبها .

ع الرحيم : قضية أيه بقى !؟

بدر : قضية خلع .. لا مواخذه طالبة الخلع من

جوزها !؟

ع الرحيم : سكة اللي يروح ما يرجعش .. بتحب ست

متجوزة يا بن النوسانى !

بدر : ما أنى هخلعها !

ع الرحيم : أتخلع لك ضلع !؟ تتجوز عزية كنت بأعلمك

وأدخلك كلية الحقوق وعامل مساعى فوق

الوصف علشان تحط رجلك فى أمور السياسة

.. وأشوفك نايب والا وزير .. وبعدين ألقى

السلوك الأعوج .. سكة اللي يروح ما يرجعش

.. تتجوز عزية !

بدر : يا بابا .. هيه ما تعتبرش عزية !؟ دى

ع الرحيم : أتجوزت لمدة ثلاث شهور لا غير .. وكانوا

بدر : زى قلتهم .

ع الرحيم : قصدك تقول أنها أستعمال خفيف .

بدر : عارف هيه طالبة الخلع ليه ؟. اللي أتجوزته دا

طلع ما بيعرفش .

ع الرحيم : تلاقىه كان لابس بيجاما زى اللي أنت قابلتني

بيها !؟. ليه أنت فاكرك أنت .. مهما كنت بعنى

.. هتعرف تعمل حاجة وانت فى الهدوم

الشفطى دى !؟

- مع الاستياء .

بدر : يا بابا .. إذا كان على الهدوم التي مش
عاجيك نحرقها .. لكن .. رشا .

ع الرحيم : آيه ١٢. آيه ١٢.

بدر : أسمها رشا ١٢.

ع الرحيم : أسم ده والا لبانة تتحط في البق وتتمدغ .

بدر : ركز معايا الله يرضى عليك .. رشا دى .. من
أهم دعائهم ٦ أكتوبر .

ع الرحيم : الحرب ٦ أكتوبر الحرب .. أشتركت في
الحرب دى تبقى قد أمك في السجن .

بدر : مش الحرب يا بابا ١٢.

ع الرحيم : أmaal آيه قول لى .. بلاش توقع قلبي أكثر ما
هو واقع .

بدر : ٦ أكتوبر المدينة .. مدينة النهضة .. عندها
مصنع يعد من أكبر وأهم المصانع الموجودة .

ع الرحيم : تبقى مش من توبنا ١٢. عندها مصنع تبقى مش
من توبنا ١٢. خلى بالك ده تاني عيب ..

الأولاني عزية .. والثاني عندها مصنع ١٢.

بدر : والمصنع يعيبها في آيه بابا ١٢.

ع الرحيم : ما أحناش قدها ١٢. أغنى منك ومن أبوك ومن
بلدك كلها ٩. والست لما تبقى أغنى من جوزها

تركب عليه .. تبقى هيه العفية وهو الضعيف
.. وكان لازم تستعير .

بدر : آيه بابا ١٢.

ع الرحيم : تستعير .

بدر : يعني آيه ١٢.

ع الرحيم : تستعير .. يعني تتعظ .. لأنها حتماً ولا بد
هتشف حد يخلعك ولو بعد حين .. أنت ماشي

في سكة اللي يروح ما يرجعش .

بدر : اسمعى يا بابا ١٢. الدنيا أتحركت شوية .. أنت
مش عارف أن الدنيا بتلف .

ع الرحيم : أى نعم .

بدر : لازم الواحد يلف معاها .. أى نعم أنت الكبير
.. وأنت العمدة .. وأنت صاحب الهيبة والكلمة

المسموعة .. بس على مين .. وبإيه ١٢. على

- وهو ينهض واقفاً ويدور محدثاً الوالد ..
الذى ينظر إليه ويسمع فى إمعان .

شوية ناس غلابة وعلى نياتهم .. أنت لما
تمشى فى البلد الكل بيعمل لك ألف حساب ..
لكن لو مشيت فى أى شارع هنا ولا حد
هيحس بـبك .. واحد من الأرياف ماشى ..
عندك ١٥ فدان أرض .. الفدان هناك ثمنه كام
.. خمس تلاف .. عشر تلاف .. عشرين ألف
.. أرضك كلها ما تجيش فيلا على المريوطية
.. علشان كده لازم يذاكر العولمة ويحفظها
صم !.

ع الرحيم : تطلع إيه العولمة دى ؟!

بدر : أنك تلعب لحساب مصالحك !.

ع الرحيم : بس أحنأ أعودنا نلعب لمصالحنا ومصالح
غيرنا ؟!

بدر : ما يجراش .. وما يضرش .. الثروة هيه
ممكّن تملك عضو مجلس شعب .. وزير ..
نجم تليفزيونى .

ع الرحيم : وتيسك بيجاما من قماش الحرير .

بدر : سيبك من دا كله بابا ؟! البنّت كويسة .. هيه
صحيح مستلعة شوية .. لكن كويسة .. وأنا
حبّتها ؟!

ع الرحيم : وهيه حبّتك .

بدر : الظاهر .

- عبد الرحيم وهو ينهض واقفاً .

ع الرحيم : لما القضية بتاعتها تخلص .. تبقى نشوف
القضية بتاعتك .

- ثم يتجه نحو الباب .. ثم يرتد من جديد .

هات البيجاما التلى كنت لايسها أصلها تليق
على أخنك أكثر !.

قطع

ليل / خارجي

مشهد : (٧٠)

النادي الصحي

- مجموعة من المحامية كبار السن (المخضرمين) على كراسي التدليك .. وكل واحد يتولى أمر تدليكه أحد العاملة .
- سامح يتحدث إليهم جميعاً .

سامح : إذا المحكمة ما حكمتش لصالحنا .. عاوزكم تماطلوا .. يا رب القضية تفضل في المحاكم عشرين سنة .. لازم أخليها زي أوقاف السلحدار باشا !.

أحدهم : أطمئن .. أحنا موقفنا قوى جداً .
الثاني : يا سامح بيه مش هتتخلع .. أى والنبي كمان دوسة في الحنة دي !.

- في ركن آخر فتاة مع أخرى .

فتاة ١ : مين اللي مع سامح دول .
فتاة ٢ : دول المحامين بتوعه .. ما هي القضية بكره .. وهو جابهم علشان يسخنهم !؟.

قطع

مشهد : (٧١)

ليل / خارجى

فيلا رشا

- الفيلا من الداخل .
- واضح إن استعداد خاص لإستقبال زائر مهم .. زهور .. عربية مشروبات جاهزة خادمة فى زى رسمى + خاجم .
- أما رشا فإنها ترتدى فستان أحمد محبوبك على الجسد يبرز المفاتن .. وهو مخلق تماماً ما عدا فتحة مستديرة فى منطقة الصدر كأنها نافذة يطل منها صدر جميل ومقدمة نهدان .
- رشا ترد على المكالمة الواردة لها .

رشا : أنا لا يمهنى خمس محامين .. ولا ست محامين .. ولا دسنة بحالها .. أنا معايا محامى بفوت فى الحديد .. وبكرة هيفجر مفاجأة فى المحكمة هتكون حديث القرية والمدينة .. وكل وكالات الأنباء والجرايد الصفرا والجرايد الخضرا هتتكلم عليها .. بص يا شيرى .. لو عاوزه تجيبى شلتك وتيجى المحكمة عشان تتفرجى أنا ما عنديش مانع .. بس بدرى .. لا يا شيرى لا .. بدرى مش الساعة تلاته .. بدرى يعنى الساعة ٨,٣٠ الصبح .. أه .. والقاضى هيكون موجود .. دا مش قاضى واحد .. دول تلاتة .

باى .. باى يا شيرى .. أحن ضيوفى وصلوا

- جرس باب الفيلا .. يتحرك الخادم نحو الباب فى همة .. رشا تنهى للمكالمة على عجل .
- تنهى المكالمة .. تلقى بالتليفون على أقرب مقعد .

- يفتح باب الفيلا الرئيسى ويدخل بدر وقد تأنق بما يكفى ، يتقدم مذهولاً وكأن داخله

يهمس ويقول إيه دا كله .. ورغم حالة
الإبهار التي سيطرت عليه إلا أنها أصبحت
مضاعفة أكثر من مرة عندما شاهد رشا في
هذا الغستان المثير .

- رشا مرحبة به .

رشا : أهلاً يا أستاذ بدر .

بدر : أهلاً بيكي يا ست الدار يا زينة النساء يا ملكة
متوجة بالجمال والأناثة وخفة الظل مع رقة
الروح والأحاسيس .

- رشا وقد سرت كلمات بدر في جسدها
كالمخدر .

رشا : الله .. حقي أنا كده يا أستاذ بدر .

بدر : وأكثر .

رشا : بس يعنى .. أنا مش فاهمة يعنى إيه ست الدار

- مشيراً إلى أنحاء الفيلا . بدر : ست الدار تعنى إتك صاحبة هذا القصر المنيف

وصاحبة هذا العز والأبهة يا أبهة .

رشا : أفضّل يا أستاذ بدر .

- وهي تدعوه للجلوس .

- يجلس بدر على أريكة .. وتجلس هي

أيضاً على نفس الأريكة إلى جواره .

- الخادمة الأنيقة وكأنها من خدم الأسرة

المالكة تدفع بعربة المشروبات وعليها كل

شئ .. بدر يتابع هذا القدوم بدهشة .. لأول

مرة في حياته .

- العربة والخادمة تستقران أمامه .

تشرب إيه يا أستاذ بدر ؟!

- وهو يتفقد الصدر الناهد والوجه الجميل . بدر : الينسون في الظروف اللي زى دى مفيد جداً .

رشا : ينسون ؟!

بدر : لو مفيش .. يبقى أى عصير فرش .

رشا : مش عاوز كاس ؟!

بدر : أعوذ بالله .. أعوذ بالله .. كاس إيه يا رشا

هائم .. كأن العربية النص نقل دى محملة

بالخمور ؟!

رشسا : يعنى ١٩.

بدر : طوبى للفقراء والمساكين ؟. يا مدام أحنا عندنا قضية بكرة وعاوزين ربنا يسرّها معانا وشرب الخمر فى هذا المساء احتمال يفسد علينا نهار بكره ..

- ثم يحدث الفتاه .
أنصرفى يا فتاة .. هاتى لنا اثنين شاى فى كوبيات .. دى جلسة عمل .

رشسا : لأ .. هو عشاء عمل ١٩.

بدر : عشاء عمل .. وغذاء عمل .. وإفطار عمل ..

يا ترى المقادير مخبية لك إيه يا بدر يا نوسائى

رشسا : إيه رأيك فى الفستان بتاعى ١٩.

بدر : غالى الثمن .. رائع .. مدهش .. ولكن لا

- بالطبع يقصد منطقة الصدر الناهد .
يعيبه سوى هذه الطاقة .. الشباك المفتوح فى الدور الثانى عندك .

رشسا : الموديل بتاعه كده .. وبعدين دا علشان الهوا .

بدر : أيوه الهوا .. وآه من الهوا .

رشسا : أنت كمان ممكن يكون عندك هدم فيها شباكك

- بدهشة شديدة مع إشارة سريعة إلى المنطقة السفلى من جسده .

بدر : عندي أنا ؟ مش ممكن .. ومستحيل دانا دور

لؤل يا مدام .. والدور الأول عندي ساكن فيه

عفريت .. جن .. شيطان .. ما يصدق يلاقى

شباك مفتوح ينط منه .

رشسا : مش فاهمة .

بدر : أحسن حاجة اللى حضرتك مش فاهمة .

قطع

غرفة الطعام

- المائدة وقد أعدت على أحسن ما يكون .
- أنواع من الطعام لم يالفها بدر النوساني ..
- ولذلك فهو يتأمل هذه الأنواع بدهشة .
- هي الأخرى تلاحظ هذه الدهشة ولا سيما
- أنه علق الفوطه على صورة بطريقة غريبة

رشا : فيه حاجة يا أستاذ بدر ١٢.

بدر : داني اللي كنت فاكّر نفسي فاهم كل حاجة في الدنيا .. ومفيش حاجة فيتاني أي نعم .. وفوق كل زي علم عليم .

رشا : قصدك على إيه يا أستاذ بدر .

بدر : الأكل ده .. وباليهية دي .. كأنه طلسم بالنسبة ليه يا مدام ؟. شارويلي على اللحمه علشان أخذ حتة ١٢.

رشا : أنا عاملة ليك ثلاث أصناف لحمه بيبي ديمي كلانص .. بيكاتا بالمشروم .. فخدة ضاني بروفل سل .. بط بالبرتقال .

- رشا باسمه .

- الدهشة لنيه تزداد كثيراً .. يخلع الفوطه .

بدر : سوري .. أيام سوري .. اللحمه اللي أنا أعرفها يا أما مسلوقة .. يا أما محمرة .. يا أما كباب وكفته .. خلاف كده تبقى أمور سياسية وشأن من شئون العولمة .. وبصراحة كده أني ما حبش أكل حاجة مش عارفها .. بالأذن .. أنا أكل بيكاتا بالمشروم داني بتقبض عليه من أي مخبر على طول .. أبقي مشتيه فيه ١٢.

- ثم يترك المائدة .

رشا : أستاذ .. مش معقول كده .. علشان خاطري .

بدر : علشان خاطري أنى .. الأول تجيبى ليه

الكتالوج بتاع الأكل ده .. مش الكتالوج ويس

.. والضمان بتاعه وبعد كده أقول لك أعزمينى

تانى .. يالله نتفق هنعمل إيه فى المحكمة

بكرة .

قطع

الهول

- أأء الصالونات .

- تقف أمامه رشا فى هذا الفستان المدهش

.. وهو يتأملها مفكراً .

رشا : أستاذ بدر .. عاوزة أعرف حضرتك بتبص

على إيه .. وبتفكر فى إيه ؟!

بدر : هتلبسى إيه فى المحكمة بكره .. مش عاوزين

نستقر السادة القضاة الأفاضل .. المحكمة هى

بيت الوقار .. عندك ملس ؟!

رشا : إيه ؟!

بدر : ملس .. ما تعرفيش الملس .. عندك مصنع

هدوم وما تعرفيش الملس .. دا أنت تعمليه

وتصدره أوروبا .. ببقى موضه هناك ..

المهم .. عاوزى زى محتشم .. فاهمة يعنى

إيه محتشم !، وعلشان أوفر عليكى الحيرة ..

تخلي نفسك رايحة عزا .. فهمنى .

رشا : فهمت يا أستاذ ؟، عاوزة أسأل حضرتك ..

هو القاضى هيسألنى ؟!

بدر : اللى هيسألك !، دا مش هوه وبس والمحامين

بتوع جوزك اللى ما يتسماش .

رشا : طبعاً القاضى هيسألنى .. عاوزة تتخلعى ليه ؟

بدر : دا سؤال لايد منه ؟!

رشا : على طول أقول أنه ما بيعرفش !.

بدر : وحدى الله .. وحدى الله ؟! لغة المحاكم مش

كده ؟، أنت بكل وقار .. بكل كسوف .. وشك

للأرض .. وشك أحمر من حمرة الخجل ..

تقولى العبارة اللى تقول لك عليها .

رشا : إيه هى العبارة يا أستاذ ؟!

- بدر :** أخاف ألا أقيم حدود الله ..
 - يكررها مرة أخرى .
- أخاف ألا أقيم حدود الله .. المحكمة بتفهم
 المراد ؟. قولها قدامى كده .
- رشا :** أخاف ألا أقيم حدود الله ؟!.
- بدر :** مش كده .. بأقولك وقار .. خشوع .
- رشا :** أخاف ألا أقيم حدود الله .
- بدر :** ثانياً .. دائماً تحدث مفاجآت غير متوقعة من
 الخصم .. والمحامي الفطن لازم يكون جاهز
 .. عمرك شفتي خناقة غريبان .. كاك .. كاك
 .. كاك .. أحنا كده يا معشر المحامين ..
 علشان كده عاوز عينك تفضل في عيني على
 طول .. عاوزك تقهمني بالنظرة .. بهزة
 الرمش .. عاوزك تقريني كويس ؟!، بس خلى
 بالك .. أنا القرابة بتاعتي صعبة ؟!.
- رشا :** تأكد يا أستاذ أني أقدر أفهمك من غير ما يتهز
 لك رمش .
- بدر :** أتمنى .. أي هوب .. علشان نطلع من
 المحكمة منتصرين .. جبتي لى كتالوج اللحمه
 علشان أعرضه على حد من أهل الاختصاص
- ضحكة مشتركة .

قطع

مشهد : (٧٤)

نهار / خارجى

المحكمة

- منصة محكمة .
- المنصة خالية لم يحضر السادة القضاة بعد
- أما قاعة المحكمة فهي مزدحمة بنماذج
- غير مألوفة من الجمهور .
- فى الجهة اليمنى تجلس رشا إلى جوار
- محاميها بدر النوسانى وزميلته مها بالإضافة
- إلى شلتها القوية من الشابات والشبان .
- والجهة اليسرى يجلس سامح الزوج
- المطلوب خلعه مع فريق المحامين والذين
- سبق لنا التعرف عليهم بالأمس .. وأيضاً
- الزوجة الجديدة .
- كل فريق ينظر إلى الآخر نظرات نارية
- .. إلا أن بدر النوسانى يبدو قلقاً من رؤيته
- للخصوم .. يميل نحو زميلته مها ويهمس .

بدر : أنا مش مطمئن .. فيه ملعوب بيحصل ١٢.

مها : أنا كمان قلقانة ١٢.

بدر : كل دول محامين ؟ وأيه فطاحل .. هيه قضية

فساد وتجسس .. وبعدين مين الولية اللى قاعدة

جنب جوزك دى يا مدام رشا ١٢.

رشا : دى موظفة عنده !.

بدر : سكرتيرة يعنى ١٢.

رشا : موظفة وخلص .

- وكأنها البومة التى سوف تأتى بالخبر
السيئ .

مها : مش موظفة ويس .. بقى مراته .

بدر : أنت عندك معلومات ومكنمة عليها ١٢.

- مذعوراً .

مها : أحنا موقفنا بقى صعب جداً .. والخطة الهجومية بتاعتنا أنهارت تماماً .. بقى كلها ثغرات وخروم كأنها قطعة من الجبن السويسرى .

- بدر وقد سيطر عليه الغضب والتوتر
ينفجر فيها .

بدر : جبن سويسرى .. إيه أنتى الغراب مش لما تعرفى الجبنة القريش الأول تبقى تتكلمى عن السويسرى .. موقفنا صعب ليه ؟!

مها : زى ما قلت .. الست دى مراته .. أتجوزها مخصوص علشان تشهد أنه قوة ٦٤ حصان .
بدر : ٦٤ حصان .. ليه .. بلدوزر .. جرار زراعى

- ثم يلتفت إلى رشا التى بدت هى الأخرى قلقة .

رشا : أنا بقيت خايفة خالص .

بدر : يا مدام .. موقفنا حديد زى ما هوه !.

- فجأة يخرج الحاجب ويصيح بأعلى صوته "محكمة" .. الكل يقف .. يدخل السادة أعضاء المحكمة .. الرئيس يجلس فى الوسط كما هو مألوف .. عندما يجلس القضاة يجلس الجمهور .

- المنصة .

- رئيس المحكمة يتفحص القاعة بنظرة سريعة ويشمشم بأنفه عدة مرات كأنه يحس أن هناك رائحة غريبة فى قاعة المحكمة ثم ينادى على الحاجب بالإشارة .

- الحاجب يسرع تجاه الرئيس .

الحاجب : أفندم سيادة الرئيس !.

المستشار : القاعة ريحتها حلوة النهاردة ليه ؟!

الحاجب : يا سعادة الرئيس .. دى ريحة الموجودين فى القاعة .

- يتفقد القاعة مرة أخرى .. ثم يهز رأسه .

المستشار : نادى على القضاة الأولى .

الحاجب : رشا كريم الوردالى ضد سامح سامى حسن .

- الحاب ينادى بالطريقة المعهودة .

- تتقدم رشا مع بدر للمثول أمام الهيئة وأيضاً مها .

- وأيضاً يتقدم سامح مع كوكبة المحامين .. وأيضاً الزوجة الجديدة .

- القاضى ينظر إلى فريق سامح ويجد أنه أكثر من اللازم .

المستشار : أفتوا كثير قوى كده ليه ؟!

محام : أحنا حضور مع المدعى عليه يا سيادة الرئيس

المستشار : كام واحد يعنى أفتوا .

محام : أحنا ستة ؟!

المستشار : ستة محامين فى قضية خلع ليه ؟! هيه قضية

أمن دولة .. واحد بس يتراجع نيابة عن زملائه

.. المحكمة ما عندهش وقت .

محام : ألى تشوفه يا سعادة الرئيس .

المستشار : أنت رشا !

رشا : خدامة سعادتك يا سيادة الرئيس .

المستشار : طالبة الخلع ليه ؟!

رشا : أخاف ألا أقيم حدود الله يا سيادة الرئيس !

- ويدور الهمس فى القاعة بين أفراد كل شلة

.. القاضى يثق بالمطربة محذراً .

المستشار : مفهوم .. مفهوم .. سكوت فى القاعة .. وإلا

كله هيطلع بره .

- ثم يتجه ببصره نحو الفريق الآخر بحثاً

عن الزوج بالطبع ظن أنه أحد المحامين

المتهاكين .

المستشار : فين الزوج .. سامح سامى .

سامح : أنا يا فخامة الرئيس .

- هنا يتقدم سامح خطوة إلى الأمام .

- عندما يرى رئيس المحكمة هذا الرجل

العلاق ذو العضلات يرتاب فى الأمر وتبدو

على وجهه ملامح الحيرة .

المستشار : لا حول ولا قوة إلا بالله .. أنت سامح جوزها

سامح : أيوه يا سيادة الرئيس .. وبعدن المدام دى ما

بتقولش للحقيقة يا سيادة الرئيس .. أنا زى ألف

.. وعندى شهود .. وعندى إثبات .

المستشار : من فضلك أهدى شوية .. أحنا لسه فى الأول

لا حول ولا قوة إلا بالله !.

إيه رأيك يا مدام ؟!

رشا : أنا قلت كل اللي عندى يا سيادة الرئيس بعد كده أتكشف .

بدر : سيادة الرئيس موكلتى لديها من العفاف ما يجعلها تتمتع عن الكلام فى هذا الشأن .. لقد قالت القول الفصل .

المحامى : سيادة الرئيس معنا زوجة المدعى عليه الثانية .. ولها رأى آخر .. وقول آخر وهى امرأة شأنها شأن كل النساء وأنا أطلب من المحكمة سماع شهادتها .

المستشار : أنت مراته !.

رشا : قول للمحكمة الموقرة أنه أتجوز عليه من غير ما أعرف .. ودى مش أصول .

بدر : أسكتى .

الزوجة : أنا يا سعادة البيه مراته !.

المستشار : قولى والله العظيم أقول الحق .

الزوجة : والله العظيم أقول الحق .

المستشار : أتكلمى .. عاوزة نقولى إيه ؟!

الزوجة : يا أفندى جوزى الأستاذ سامح مايه .. مايه ..

زى الفل .. بصريح العبارة كده ٦٤ حصان .

المستشار : يعنى إيه ٦٤ حصان ؟!

الزوجة : يعنى ٦٤ حصان !.

المستشار : ولزومهم إيه الـ ٦٤ حصان .. ما حصان واحد كفاية .

بدر : أرجو إثبات هذه الشهادة فى محضر الجلسة وتحديدًا ٦٤ حصان .

المستشار : أثبت له اللي هو عاوز .. دى قضية عجيبة

- ثم ينظر إليه .

- القاضى ينظر إلى رشا .

- فى رقة شديدة .

- يتدخل بدر .

- يتقدم محامى سامح .

- القاضى ينظر إليها .

- رشا فى الجانب الآخر تلكز بدر وتهمس .

- يلكزها هو الآخر .

- والتى هى فتاة النادى الصحى .

- هنا ينطلق بدر كالصاروخ فى إندفاع .

- ينظر إلى سكرتير الجلسة .

بدر : سيدي الرئيس .. أرجو من عدالة المحكمة أن
تفتح صدرها لي حتى أبين لها حقيقة الأمر .
المستشار : أتفضل يا أستاذ .

- ويبدأ في المرافعة .

بدر : السادة الزملاء الحاضرين مع الخصم مع
شهادة زوجة الخصم الثانية جميعهم أقروا
بالحقيقة .. الحقيقة المنشودة التي كنا بصدد
كشفها أمام عدالتكم ؟. إن موكلتي عندما طلبت
الخلع من السيد سامح معللة السبب بأنها خاف
حدود الله .. والمعنى واضح .. وهي تقصده
وتصر عليه ؟. والسبب لا عن ضعف هذا
الرجل أو عجزه فنحن لم نقل هذا أبداً ..
حاشى الله .. أن نرمى الناس بالباطل .. هذه
الزوجة الضعيفة .. الرقيقة .. الناعمة .. لم
تشكك في قدرات زوجها أبداً .. ولكنها تشكوا
من القوة المفرطة .. من الخشونة في التعامل
.. من القسوة في الفعل ورد الفعل .. هذا
العلاقة .. هذا الهرقل .. هذا العتي .. هل
الحياة تتوافق مع هذه العصفورة الوديمة
الحاملة .. هذه اليمامة المسالمة .. كيف تتزوج
يمامة من طائر للرخ .. إنظروا إليها ..
وإنظروا إليه .. بالله عليكم هل تستقيم الأمور
.. هل يكون هناك توافق .. هل تكون هناك
عدالة .. من هنا يا سيادة الرئيس كانت
موكلتي صادقة ومحقة في قولها أنها تخاف ألا
تقيم حدود الله .. هذا الأستاذ سامح أعطاه الله
وقرة في كل شيء .. ولكن هذه الوفرة لا
تستطيع هذا للضعيفة تحملها .. أما السيد سامح
فله منا كل تقدير واحترام .. ولكننا يا سيدي
الرئيس لا نستطيع تحمل ما هو فوق طاقتنا .

- للكاميرا تتابع وجوه الحاضرين في القاعة

- ملامح سامح مبسوطة ويبدو فخوراً بنفسه

- أيضاً مها العاشقة المهمة تدرك أن بدر
نجح في المناورة .

- للسعادة على وجه رشا .

بدر : ولا يمكن سيدى الرئيس أن يختلط الزيت بالماء .. لا يمكن أن يختلط الزيت بالماء .. أكرر .. لا يمكن أن يختلط الزيت بالماء .
المستشار : خلاص يا أستاذ .. المحكمة أفتورت .. عندكم أى كلام تانى .

- ثم ينظر إلى الفريق الآخر .

محام : لا يا سيادة الرئيس .
المستشار : تحجز القضية للحكم فى جلسة ٣/١٦ .. القضية اللى بعدها ؟!

قطع

نهار / خارجى

مشهد : (٧٥)

نهر النيل

أمام نادى التجديف :

- قارب سريع ينطلق بأقصى سرعة فى عرض النيل .
- خلفه متذلفة على الماء .
- نقرب منها أنها رشا تمارس الرياضة المفضلة لديها .. وطبعاً يراعى السيد المخرج الملابس .
- كما نحرس على أن ماء النهر يغمرها .

قطع

نهار / خارجي

مشهد : (٧٦)

المصنع

مكتب رشا :

- رشا في الطريقة متجهة نحو مكتبها .
- ميشل الذي بجوارها وهما في إتجاه المكتب .

ميشل : أتأخرتى ليه يا مدام النهاردة .
 رشا : من زمان ما عملتش الرياضة بتاعتى .. كنت
 هانساهها .. فيه حاجة مهمة حصلت .
 ميشل : كله عادى يا مدام !.

- على فتحة الباب ودخلها .

قطع

مشهد : (٧٧)

ليل / خارجي

مكتب عسكر

- المحامي الكبير يتصفح الجريدة المسائية
عنوان في صفحة الحوادث .
- (المحكمة تخلع رشا الورداني من زوجها
سامح سامي) .. وهناك صورة لبدر النوساني
باعتباره المحامي الذي تولى القضية .
- المحامي الكبير يرفع الجريدة من على
عينيه سعيداً مبرنشفاً .. ويدق جرس .
- تدخل السكرتيرة .

السكرتيرة : أفندم ١.

عسكر : بدر النوساني وصل .

السكرتيرة : من بدرى يا أفندم ١٢.

عسكر : دا كسب قضية رشا الورداني .. أسمه

مكتوب في الجرنال و كمان صورة .. عاوزه

علشان أبارك له .

السكرتيرة : والأنسة مها .. ما هية كمان كانت معاه في
القضية .

عسكر : وهيه كمان .. والا أقول لك أبقي هاتى تورتة

كبيرة من أى محل قريب .. لازم نعمل لهم

مفاجأة ١٠.

- ثم يدق جرس التليفون .. يرفع السماعه .

عسكر : آلو ..

- ثم تتشرح أساريه .

رشا هانم ١٢. لسه عارف بالخبر دلوقت ..

ومن الجرايد .. لأنى لسه داخل مكتبى

دلوقت حالاً .. ألف مبروك يا هانم .. دا

الولد بدر النوساني دا طلع ولد بصحيح ..

أوامرك يا ست هانم .. طبعاً .. طبعاً .. كل
المكتب .. كل المكتب .. برضة تحت أمرك
.. نقفل المكتب ونجى عندك .. مع السلامة
.. مع السلامة ..

مع تكرار التهنئة .
مفيش داعى للتورثة !. المسألة كبرت قوى
وأحنا ما بقيناش قدها .

- يضع السماعة .. ويحدث السكرتيرة .

قطع

فيلا رشا

- هناك زينات معلقة وكان المكان به فرح ..
وهناك ضيوف في حالة وصول وهم في
سيارات فاخرة وملابس حسب آخر موضوعة
.. أنهم الفريق الخاص برشا .. وأيضاً هناك
رجال الأمن الخاص .. وأيضاً نسمع أصداًء
موسيقى غربية تأتي من الداخل .

قطع

داخل الفيلا

- داخل الفيلا هناك حفل صاخب فعلاً .
- غالبية الضيوف من أصدقاء رشا شباب وفتيات الطبقة الراقية وهناك فرقة موسيقية تعزف الألحان الغربية .. والرقص والسيد المخرج حرية إختيار نوعية الموسيقى والأغاني إذا أراد ويمكن له الاستعانة بمطرب من هذا النوع .
- المهم أن يكون هناك جو حافل بالبهجة والبذخ عن عمد .. ليس البهجة فقط ولكن البهجة والإثارة .
- رشا في فستان أبيض هذه المرة وكأنها عروس مع ملاحظة أن هذا الفستان بعيد كل البعد عن موديلات فساتين الأفراح .. فستان يكشف المفاتيح .
- الغرباء .. أو التعساء في هذا الحفل هم أفراد الفريق الخاص بمكتب الأستاذ عسكر .. حيث أنهم يرتدون ملابس تقليدية وغلابة جداً بالنسبة لهذا الكرنفال الصاخب أما بدر فإنه يبدو أحسن حالاً ولو قليلاً بفضل الرعاية التي أولته إياها السيدة رشا .
- المحامي الكبير عسكر يتوسط أفراد مكتبه ويقدم لهم وصاياهم .

عسكر : مالكم يا ولاد .. واقفين منكثفين كده ليه ؟

اللى نفسه في حاجة يعملها .. المناسبات اللي زى دى بتحصل مرة واحدة في العمر لأمثالكم اللي عاوز ياكل .. ياكل .. واللى عاوز يشرب يشرب .. واللى عاوز يرقص .. يرقص .. واللى عاوز يبص .. يبص .. بالله .. أنفتحوا .. أنفتحوا ..

- وهو يحمل كأسه في يده في حالة نشوة .. الجميع ينظر إليه بدهشة .

- يبدأ فى التهرب حيث يختلطون بالآخرين

- رشا ترفع يدها .

- وتأخذ الميكروفون من المطرب .

رشا : حبابى .. شأتى الجميلة .. عاوزة أقدم لكم

مفاجأة كبيرة قوى .. هوه إنسان .. بس مش

أى إنسان .. دا إنسان تانى خالص .. إنسان له

تأثير وله جاذبية .. المحامى اللى أنا عامله

الحفلة دى على شرفه .. الأستاذ بدر النوسانى

- وتقدم بدر للجميع .. حيث يرسم ابتسامة

على الوجه .. الكل يصفق له .

رشا : مفيش قضية ممكن تقلت منه .. أى واحدة منكم

عاوزه تتخلع نروح له وهى مطمئة .. والله ..

خلعنى من غير ما أحس .

- تصفيق مرة أخرى .

- يأخذ الميكروفون .

بدر : أشكر حضراتكم جميعاً .. وأنوه أننى ما كنت

لأكسب هذه القضية المعقدة لولا تعليمات

وتوجيهات السيد الرئيس .. أقصد رئيسى

المحامى الكبير الأستاذ فؤاد عسكر .. تحية

كبيرة للأستاذ عسكر .

- وتعزف للموسيقى السلام .

- يستطرد بدر .

بدر : (مستطرداً) والمعانة الصادقة والجادة الأصيلة

من زملائى فى المكتب وخاصة المساندة من

الزميلة مها .. هيه فين مها ؟!

- ويبحث بنظراته عنها ولكنه لا يجدها

ضمن فريق المكتب .. بالطبع أفراد المكتب

يصفقون .

- بالطبع هناك حوار جانبى بين الضيوف . امرأة ١ : أفلع هدومى كلها وأمشى فى الشارع عريانة

إن ما كانت رشا حبت المحامى الفلاح ده ؟!

امرأة ٢ : أخلع نفسى من جوزى اللى لسه ما كملش

أسبوع إن ما كانت هتجوزه .

قطع

البار

- البار الموجود بالفيلا .. أو البار المعد خصيصاً لهذا الحفل .. حيث تجلس بها أمام البارمان تتأمل زجاجات الخمر بكل أنواعها وأشكالها .

مها : القزازه دى فيها إيه ؟!

- بالطبع الحركة لا تهدأ .. الجرسونات فى حركة ذهاب وإياب .

البارمان : وسكى يا مدام !!

مها : والقزازه اللى جنبها دى فيها إيه ؟!

البارمان : وسكى برضة بس نوع تانى .

مها : والقزازه المتطرفة هناك دى فيها إيه ؟!

البارمان : كونياك !!

مها : يطلع إيه الكونياك ده يفرق إيه عن اللى قبله .

البارمان : الطعم مختلف .. والتأثير مختلف .

مها : أنهو الأشد ؟!

البارمان : الكونياك طبعاً يا مدام .

مها : آنسة لو سمحت .. والقزازه اللى فى الركن

دى ؟!

البارمان : دى فودكا ؟!

مها : بتعمل إيه دى كمان ؟!

البارمان : دا مشروب روسى .

مها : والقزازه المستخبية دى تطلع إيه ؟!

البارمان : دى جن !!

مها : شيطان يعنى .. طيب أسمع .. ممكن تعمل لى

خلطة واحدة من الأنواع دى كلها .. وتحطها

فى كاس كبير قوى .. وشمميه كاس العذاب ؟

البارمان : لا يا آنسة .. دا مش ممكن يكون كاس العذاب

.. دا يدل على أنك صاحبة مزاج !، بس دا

يعنى هحتاج منى شوية وقت !.

مها : خد راحتك .. أصلك مش عارف .. أصل

الموضوع .. أبين النوسانى ضاع منى ..

أتوصى بكاس العذاب وبلاش تتأخر عليه .

- فى نهاية المشهد .. أو قرب نهايته نسمع

موسيقى زوربا اليونانى وقد بدأت .

- وهى تغادر المكان تجاه مكان الرقص .

قطع

مشهد : (٨١)

ليل / خارجي

حلبة الرقص

- الفرقة الموسيقية تعزف لحن زوربا .

- الغريب فى الأمر أن الراقص هو "بدر

النوسانى" حيث الكل ملتف حوله والإعجاب

به ظاهر .

امرأة : عندها حق تحبه .

عسكر : أنا أول من توقع إن الولد سيكون له مستقبل ..

ما شاء الله .. ما شاء الله !.

- أما مها فإنها تتابع ما يجرى أمامها فى

غيظ وصدرها يعلو ويهبط .. ممكن بخدعة

نلاحظ صعود وهبوط الصدر .

- ثم يأتى إليها أحد الجرسونات وربما

البارمان شخصياً حاملاً كأس العذاب الذى

طلبتة .

الجرسون : أنفضلى يا هانم !.

- كأس كبير من كنوس للبيرة به الخلطة

العجيبة التى طلبتها .

- تأخذ الكأس مع ابتسامة .

مها : متشكرة !.

- ثم تبدأ الشرب .. كأنها تشرب كأساً من

العصير أو الماء .. تجرعه دفعة واحدة

ودون إنقطاع بعد أن تنتهى الكأس تماماً ..

تظل صامدة تفتح عينيها على الآخر .

قطع

ليل / خارجي

مشهد : (٨٢)

شارع

- سيارة إسعاف منطلقة بأقصى سرعة وهي
تطلق السارينة وجميع أنواع التحذير مضاعفة .

قطع

نهار / خارجي

مشهد : (٨٣)

القرية

- الحقول .

- حضرة العمدة الحاج عبد الرحمن النوسائي
وقد فرد شمسية يحملها له غفير من الخفراء
وهو يشرف على مجموعة من الفلاحين
يعملون في أرضه .

ع الرحيم : على ف كرة أني مبسوط منكم قوى يا رجاله
.. الشغل واخذ حقه وزيادة .

فلاح : الله يكرمك يا حضرة العمدة .. زى ما بنكرمنا
ع الرحيم : غداكم النهاردة فتة ولحمة .

فلاح : يجعله عامر على طول .. وتعيش لغاية ما
تشوف سي بدر باشا وزير .

ع الرحيم : قول يا رب .. علشان ربنا بيسمع دعوة
الغلاية .

فلاحين : يارب تشوف سي بدر وزير يا حضرة العمدة

- ثم نقطع على خفير فوق دراجة يندفع
بأقصى سرعة لديه وهو يلهث من الإجهاد .
- عندما يقترب من مكان العمدة يترك
الدراجة لتستقر على الأرض .. ويتجه جرياً
نحو العمدة .

الخفير : حضرة العمدة .. حضرة العمدة .

ع الرحيم : عاوز إيه يا وله !.

الخفير : الباشا وصل يا حضرة العمدة !؟.

ع الرحيم : باشا مين يا وله !؟.

الخفير : هو أنت عندنا كام باشا يا حضرة العمدة ..

الباشا بتاعنا .. بدر باشا !؟.

- وقد أدرك أن هناك أمر ما على قدر من
الأهمية .

ع الرحيم : خير .. اللهم أجعله خير .

قطع

الدور

- الثمرفة الريفية التي تطل على الشاطئ
مباشرة والتي يفضى إليها الباب الخلفي
للدور .. وهذا المشهد لا بد من تصويره في
هذا المكان لأهمية درامية سوف ندركها من
خلال الأحداث المتلاحقة .. وخاصة إن
المكان له دور أساسي في الحدث .

- إجتماع مغلق على الثلاثة الكبار ..
والثلاثة الكبار هم العمدة الحاج عبد الرحيم
والحاجة عنايات وبطلنا الأستاذ بدر .

- طبعاً الأمر في حالة دهشة وهي تلاحظ
التغيير الذي طرأ على أبنها العزيز الغالي .

- بينما يبدو الحاج عبد الرحيم محايداً لا هو
في حالة فرح .. ولا هو في حالة غضب ..
ولكن يمكن القول بأنه يحس بحالة من عدم
الارتياح .

- تبدأ برص حالة الصمت التي تسيطر على
الثلاثة .. إلى أن ينطق العمدة .

ع الرحيم : أيوه يا حاجة عنايات ١٩. أنت فهمتى
الموضوع اللي أبنيك المتر بينكلم بخصوصه ؟

عنايات : أيوه يا حاج .. ما أنت سبق وقلت لي .. بعد
ما زرتك في مصر .

ع الرحيم : اللي جد علينا أنه خلعها .. وبقت فاضية ؟
مالك .. عمالة تبخلقي فيه وكأنه مش أبنيك .

عنايات : هوه شنيك كان دايفك في حاجة علشان تحلفه
يا أبني .

بدر : يا ماما .. الشنب مش مشكلة .. تربيته تاني ..
فيه تربية الشنيك شغلانة .. أنت إيه رأيك

عنايات : قلبي مقبوض .. كان نفسي أجوزك بنت بنوت .. وأسمع ضرب النار .

بدر : يا أمه .. الزمن أتغير .

ع الرحيم : الزمن يتغير زي ما هو عايز .. بس فيه

حاجات ثابتة زي الجبال يا نوساني يا صغير

.. اللي أسمها رشا دي هتركبك زي المطية

وتهز رجلها ؟! أني قلت لك الكلام ده قبل

كده .. وهقوله ثاني قدام إمك !!

بدر : ليه ؟ أنت مخلف دهول .. الراجل اللي ما

يقدرش يحكم حرمة يغطس في المايه دي وما

يطلعش ثاني أشرف له ؟!

ع الرحيم : عارف أني بقول لك الكلام ده ليه ؟!

بدر : قول بابا وأنا سامعك !.

ع الرحيم : كفاية أنها أغنى منك .. هيه الست تركب

راجلها أمتي ؟!

- في ثورة وغضب .

- حالة صمت .. تبدو الحيرة مع ملامح بدر

.. يتعلم .

بدر : بابا بلاش السؤال ده ؟! بالعربي كده خارج

المقرر ؟!

عاوز أقول أنها .. أصيلة قوى .. وعندها وفاء

.. وعارفة يعني إيه راجل .. أصيلة ومتربية

.. وفلوسها تحت رجلها مش فوق رأسها .

عنايات : عاوزه أقول حاجة يا أبو الوزير .

ع الرحيم : قولي يا أم الوزير .

عنايات : يعني إذا كان عندها مصنع .. ما أحنا حدانا

أطيان وفدانين .. وإذا كان عندها فيلا ما أحنا

عندنا دوار وعلى شط المايه ؟! وبعدين أحنا

عندنا عزوة .. أنت عمدة أبأ عن جد .. ولك

هية .. والحكومة حطاك جوه عينيها .. مهما

كانت لا يمكن تكون أحسن منا .. ومهما عليت

لا يمكن تعلق علينا .

بدر : صح الكلام يا حاجة عنايات .

- بصمت للعمدة قليلاً ومفكراً .. ثم ينطق

بكلمة وحادة .

ع الرحيم : نجرب !.

- مذعوراً .

بدر : تجرب إيه ١٢.

ع الرحيم : هيه دلوقت مش فى حكم خطيبك .

بدر : هوه كده .

ع الرحيم : أعزمتها عندنا هنا ١٢. قول لها أهلى علوزين

يشفوكى .. تيجى تشوفنا على حالنا .. والله إذا

فضلت ثابتة على مبدأها أهلاً وسهلاً .. غيرت

رأيها .. يبقى الحكم فى إيدك يا قاضى .

عنايات : أبوك كلامه صح .. ما هى لازم تعرف أنت

مين وأين مين ١٢.

ع الرحيم : ولى بالك .. مش زيارة خاطفة .. مش زيارة

رحمتك جيتك .. لازم تبات ثلاث ليالى

على الأقل .. لازم تجرب قرص الناموس يا

نوسانى ١٢. قولك !.

- م . ك لوجه بدر النوسانى .. أنه عاجز

أمام حكمة الأب العجوز .

بدر : مفيش كلام بعد كلامك يابا ١٢.

ع الرحيم : ولك عليه إذا وافقت .. هخلى بلدنا قطعة من

باريس اللي بيقولوا عليها .. عارف الخديوى

إسماعيل عمل إيه لما عزم الأميرة

لوجينى .. أبوك هيعمل لك أكثر منه .. ومش

بعيد أبنى لك أوبرا فى الجرن الكبير .

قطع

نهار / خارجى

مشهد : (٨٥)

الطريق إلى القاهرة

- سيارة بدر النوسانى فى طريق العودة إلى القاهرة .
- بدر يتولى القيادة شارداً مفكراً وهو يستمع إلى إحدى الأغاني العاطفية .

قطع

مشهد : (٨٦)

ليل / خارجي

مكتب المحامين

- تجلس مها على مكتبها تفحص إحدى ملفات القضايا .

- بدر يجلس أمامها هو الآخر وعن عمد يتجاهل وجودها وإن كان يختلس بعض النظرات .

- فجأة تغلق الملف في عصبية وتتفخ .

مها : أستاذ بدر !.

بدر : نعم !.

مها : كل الزملاء زاروني في المستشفى إلا أنت ..
ليه عاوزه أعرف !؟.

بدر : ما حدش قالك أشربي خمرة .. حاجة أنت مش
قدها تعملها ليه ؟. وبعدين أنت عملت حاجة
غلط .

مها : أنا كنت عاوزه أنتحر .

بدر : الانتحار مش بشرب الخمرة .. الانتحار إنك
تولعى فى نفسك .. تطلعى فوق العمارة وتحفى
نفسك .. تمشى على كوبرى قصر النيل
وترمى نفسك فى المايه .. تستنى مترو الأنفاق
بشباك .. تركبى قطر الصعيد درجة ثالثة ..
مش تشربي خمرة .

مها : أنت مش طايقنى ليه !؟.

بدر : أحنا بينا علاقة عمل قوية .

- رنين المحمول الموجود أمامه على المكتب
.. يرفع ويرد .. وتظهر الفرحة على ملامحه

آلو .. رشروش .

- وهى تغادر الحجرة فى إحتجاج ظاهر .

- أمام هذا السيل الذى يخرج منها فى حرقة
ومرارة تسيطر عليه الدهشة .. يهمل رثا ..
وينظر إلى مها .

مها : دلعك ماسخ يابن النوسانى ١٠. أشوف فيك يوم
.. أشوفك محبوس فى قفص جنايات محكمة
باب الخلق .. أزورك فى سجن أبو زعبل
وأنت مسجون فى زنزانة فى ميت مسجون .
بدر : أستاذنى عندك .. خطوة واحدة .. وهضرب فى
للمليان عدل .

- مستديرة إليها فى غل .

مها : عاوز إيه يابن النوسانى .
بدر : الغل .. والسبب الزعاف اللي جوه منك ناحيتى
سببه إيه ؟ سببه إيه عاوز أعرف ١٢.

مها : بحبك يا أهطل !
بدر : الأهطل هو اللي بحبك ! لازم تعرفى أنك
قضية خسرانة بالنسبة لى !

- ثم يهتم برشا من جديد .

أيوه يا رشروش يا حبيبي .. لا .. دى واحدة
كده .. مهبيش فى الحساب خالص .. أنت
تأمرى أمر .. وعزة الله مشتاق .. الود ودى
أشوفك أمبارح بدل النهاردة .. والنهاردة قبل
بكرة .. عشا .. غدا .. فطار .. بس بشرط أنا
الى أدفع .. خلاص أنت بقيتى فى عهدة راجل
.. هتقوتى تاخدينى من تحت المكتب .. دا
كثير عليه !

قطع

مشهد : (٨٧)

ليل / خارجي

أمام العمارة

- أمام العمارة التي بها مكتب المحاماه .
- سيارة رشا الحمراء الأنيقة الغالية تقف
- انتظاراً لقدوم بدر النوساني .
- رشا تسمع موسيقى .
- طبعاً لا تسلم من نظرات العابرين .
- ولكن المفاجأة الغير متوقعة هي قدوم مها
- من خلف السيارة ومعها ضابط مرور شاب
- والحديث أثناء السير .

- مها :** شوف يا حضرة الطابط .. القانون قانون ..
- وأنا محامية وحافضة قانون المرور صم ..
- العربية دي واقعة في الممنوع .. واقعة صف
- تاني .. سايبينها ليه عاوزه أعرف .. لو دي
- سيارة مواطن عادي أو مش غالية قوى كده
- مش كان زمانكم جرينها بالونش .. فين الونش
- عاوزه أعرف .
- الضابط :** يا أستاذة القانون على الجميع .. لا فرق بين
- سيارة حمراء وأخرى زرقاء .

- وهي تدق على حقيبة السيارة .

- مها :** يعني العربية الحمراء دي مخاللة ولا مش
- مخاللة !.
- الضابط :** مخاللة !؟.

- وهي تستدير متراجعة حتى لا تراها رشا

- مها :** وساكت ليه !؟.

- وهو يتجه نحو رشا الجالسة أمام عجلة القيادة .

- الضابط :** الرخص لو نكرمتي يا مدام .

- رشا :** رخص إيه !؟.

- يكون بدر خارجاً من باب العمارة يسرع جداً .

بدر : المخالفة دى عندى يا سيادة النقيب .. الهانم أصلها كانت فى إنتظارى .. ويا دوب بقالها دقيقة واحدة .. والموتور داير وما وقفش ! .
سماع النوبة .

الضابط : علشان خاطرك يا أستاذ بدر .

بدر : الله أنت تعرفنى ! .

الضابط : شفت صورتك فى الجرنال .. مش أنت اللى خلعت رشا الوردانى .

بدر : ما هى اللى قدامك دى رشا الوردانى شخصياً .. حد برضة ياخذ رشا الودانى مخالفة .. دى تبقى مخالفة لقانون المرور .
الضابط : بالسلامة يا أستاذ بدر .

- بدر يدور حول السيارة .. ويفتح الباب ويركب إلى جوار رشا .. ورشا تتطلق بالسيارة .

- وهنا تخرج مها من مخبئها وهى تصرخ بأعلى صوتها وهى تودع الميارة بنظرات غاضبة .

مها : ملعون أبو الفقر اللى يخلى الأميرة غفيرة وملعون أبو الغنى اللى يخلى البوصة عروسة

- الكل ينظر إليها بدهشة .

مها : مالكم تطأطنم عليه كتكأكم على ذى جنة .. أفرنقحوا ! .

- تصرخ فيهم .

قطع

مطعم أكثر من راقى

- مطعم عشرة نجوم وليس خمسة .
- مائدة يجلس عليها بدر + رشا .
- المتر الأنيق كأنه لورد أنجليزى يشعل الشمعة الموضوععة فى مصباح جميل .
- آخر يقدم لهما قائمة للطعام .
- بدر فى شىء من الإحتجاج الرقيق .
- بدر : لزومها إيه العجلة ؟. شوية كده على ماناخذ راحتنا فى القاعة .. تلفظ نفسنا على الأقل .
- إيتسامة من رشا وإعتذار رقيق من المتر .
- المتر : أحنا فى خدمتك يا أفندم !.
- بدر يغمز له .
- بدر : خمسة كده .. عندنا شوية كلام عاوزين نقولهم على معدة فاضية .
- منصرفاً .
- المتر : يا أفندم تحت أمرك !.
- رشا : قول يا بدر عاوز إيه ؟.
- بدر : أنا حبيبك .
- رشا : حبى ليك أكثر .
- بدر : حبك وحبى .. بس أنا عندي مشكلة .
- رشا : مغيش حاجة فى الدنيا تقدر تمنع جوازى منك .. لا مشكلة .. ولا حتى مصيبة .
- بدر : ربنا يحوش عنا المصاييب .
- رشا : قول هيه إيه المشكلة ؟.
- بدر : أنتى عارفة يعنى .. أنتى من أصول ريفية .
- رشا : وعارفة إن باباك عمدة .. وله شنة ورنه !.
- بدر : مش دى المشكلة .. المشكلة تكمن فى إن لنا عادات وتقاليد صعبة جداً .. واللى يتخلى عنها يتهم بالخيانة العظمى .
- رشا : أنا أحب العادات والتقاليد قوى .
- بدر : جد ؟!

رشا : حَقِيقِي ١٢.

بدر : أهي العادات والتقاليد دي طالتك .

رشا : مش فاهمة ١٢.

بدر : أفهمك .. العروسة لو كانت من نفس البلد

تتجوز طوالى مفيش أى مشكلة .. إنما لو

كانت من بره البلد .. وغريبة عنها زى

سعادتك كده .. أهل العريس يشترطوا أنهم

يشوفوها .

رشا : حقهم ١٢.

بدر : يعنى همه مزودينها شوية .. من شروطهم

المجحفة إنها تعيش معاهم ثلاث نيام بلايالها

رشا : وأسبوع بحاله فيها إيه ٢، دى لما تتجوز هتبقى

واحدة منهم ١٢.

بدر : الله أكبر .. الله أكبر .. بس يعنى أنت لا - فرحاً لأول وهلة ولكنه يتدارك .

مؤاخذه عندك فكرة عن الأرياف .

رشا : طبعا شفتها فى السينما والتلفزيون .

بدر : ما هو ذا اللى أنا عامل حسابيه ٢، اللى أنتى

بتشوفيه فى السيمى ذا أسمه مشغل سيمى ..

نسوان الفلاحين بيطلعوا على الشاشة حاطين

مكياج .. لكن فى الواقع بيلموا جله من ورا

البهايم ١٢، يا رشروشة الواقع حاجة .. والسيما

حاجة .. خايف لا ما تقدرش تستحملى ثلاث

ساعات .. مش ثلاث نيام ١٢.

رشا : قول لى يا بدر .. هو الريف دا عبارة عن إيه

بدر : سؤال فى محله .. سؤال منطقى .. عبارة عن

بيوت وغيطان .

رشا : زرع أخضر جميل ١٢.

بدر : إذا كان على الزرع الأخضر للجميل فده

موجود بوفرة .

رشا : والبيوت مش فيها كهربا .

بدر : أبوه .. الكهربا موجودة .

رشا : وعندكم بحر ؟!

بدر : بحر مالح لأ ؟.. بلدنا بعيدن عن البحر الأحمر

والأبيض .. تقع بلدنا على أحد روافد النيل

العظيم ويقع منزلنا العامر على شاطئه هذا

الرافد مباشرة .. منه للمياه حوالى .. تقعدى

كده والمياه بتجري قدامك موجه ورا موجة .

رشا : أنا عارفة للنيل كويس .. أسبوعيا بأعمل

أسكيتنج .. ممكن أعمل أسكيتنج عندكم .

بدر : يعنى .. أنى مش عارف الإسكيتنج ده إيه ..

لكن أدام بتعلميه هنا ممكن تعلميه هناك !.

رشا : هایل يا حبيبى .. أنا متأكدة أن الأيام اللى

هقضيهامع أهلك هتكون من أسعد أيام حياتى

.. هتكون أيام لا تنسى .. يا حبيبى أنا معاك

حاسة إن حياتى هيكون لها شكل تانى وطعم

تانى .. دى مغامرة مجنونة وأنا نفسى فيها

قوى !.

- الفرحة تسيطر تماماً على ملامح بدر ..

يتلفت حوله بحثاً عن المتر .

بدر : فين الجرسون .. المطعم ده الخدمة فيه بطيئة

زيادة عن اللزوم .. حد يعبرنا يا خلق .

يرأتى إليه المتر يسعى مهرولاً ومعه

جرسون إضافى .

المتر : يا أفندم حضرتك اللى طلبت منا الإنتظار

بأمارة ما قلت عندك كلام عاوز تقوله على

معدة فاضية .

بدر : دلوقت عندى كلام عاوز أقوله على معدة

ملبانة .. أعمل إيه ؟!

قطع

نهار / خارجي

مشهد : (٨٩)

القرية

- الحقل .
- العمدة الحاج عبد الرحيم وهو يتابع أحد الأعمال الحقلية وإلى جواره يقف الخفير حامل الشمسية والمحول لأنهم في مكان ظليل فإن الشمسية مغلقة والعمدة يستعملها كعصا يتكأ عليها .
- من الأفضل أن يكون المشهد إلى جوار ساقية تقليدية تدور .
- فلاح : يا حضرة العمدة ربنا يزيدك من كرمه وفضله هات لنا مكنة مائة باللي بتدور بالمولار .
- ع الرحيم : أخرس خالص يا وله وأتكلم أزاى مع المحافظ ع البيثة .. العادم بتاع الهبابة هيخنى الزرع
- فلاح : أنت تعرف أكثر بابا العمدة .
- يرن المحمول .
- الخفير يقدم الجهاز للعمدة على الفور .
- العمدة يأخذ التليفون ويرد .
- ع الرحيم : آلو .. أيوه يا بدر ١٢.

قطر

نهار / خارجى

مشهد : (٩٠)

أمام أحدى المحاكم

- أو داخل المحكمة فى أحد الأوراق أو
الطرق حيث حركة الناس من محامين
وباعة .. وكتاب محكمة .. ونساء ورجال .
- بدر وهو يرتدى اللوب وفى يده أوراق
قضية يتحدث فى المحمول .

بدر : أيوه يا حاج .. أبشرك خبر .. الموضوع الذى
أتكلمنا فيه .. أيوه .. موافقة تقعد شهر ..
وأنتين وثلاثه .. مش ثلاث تيام بس .. أمتى
.. الأسبوع الجاى .. أربع وخميس وجمعة
هنكون عندكم .. أشمعلنى الأربع عشان عندها
يوم الثلاث دقيلية .. دقيله .

- نلاحظ أن مها ترصده من ركن وهى
أيضاً ترتدى اللوب .

قطع

مشهد : (٩١)

نهار / خارجى

الحقل

- العمدة وهو ينهى المكالمة .
ع الرحيم : يطلع إيه الدفيلية يا بدر ؟ أيوه .. أيوه !. كله
خير بإذن الله .. أبوك هيشرفك يا بدر .. سلام
.. وخلي بالك من نفسك !.

- يغلق الجهاز .. ويظل مفكراً لحظة .. ثم
يصرخ فى الخفير .

ع الرحيم : غفير بسطاوى .
بسطاوى : خدام جنابك يابا العمدة .
ع الرحيم : تعرف الدفيلية يا وله !.
بسطاوى : أمال يا حضرة العمدة .. دا حيوان فى جنينة
الحيوان .. أخو سيد قشطة !.
ع الرحيم : أجماع أمنى موسع .. بلغ شيخ الغفر يجمع
الغفر كلهم .. ويستدعى المشايخ وكبارات البلد
بسطاوى : أمتى يا حضرة العمدة .
ع الرحيم : دلوقت حالاً يا وله .. لنى أعلنت حالة
الطوارئ !.

قطع

مشهد : (٩٢)

نهار / خارجي

الدوار

- الإدارة .
- أو المقر الرسمي للعمدة والذي يدير منه شئون القرية .
- شيخ الخفراء وكل خفراء القرية بالملابس الريفية العادية الجلابيب والطواق حيث تم إستدعائهم من أعمالهم .
- العمدة وهو ينظر إليهم فى شىء من عدم الإرتياح .
- ع الرحيم : بالذمة دى أشكال تتحسب على الحكومة أنفار .. أسمع يا شيخ الخفر .. أسمعونى كلكلوا .
- ع الحفيظ : أوامرك يا كبير !
- ع الرحيم : البلد هتزورها شخصية كبيرة قوى .. شخصية مهمة قوى .
- الخفير : جناب المحافظ .
- ع الرحيم : أهم !. أهم وأنفع .. وسكوت لغاية ما أخلص كلامى يا بقر .
- ع الحفيظ : الأوامر اللى هتقول عليها يا حضرة العمدة حاتتتفد بالحرف الواحد .
- ع الرحيم : الهدوم الميرى بتاعة الغفر تتغسل وتتكوى علشان يلبسوها يوم الزيارة !؟
- ع الحفيظ : عاوزيت تمن الصابون والمكواة
- ع الرحيم : بلاش تماحك يا عبد الحفيظ .. وبطل جشع .
- عمايك السوداء كلها أنى عارفها .. قسماً عظماً أقدمك للمدعى الأستراكى .
- غفير : بلاش تزعل حضرة العمدة يا شيخ الغفر .
- ع الرحيم : تمرن الموائى دول أراى يعملوا تشريفة .

ع الحفيظ : أمرك يا عمدة .
 ع الرحيم : مش عاوز ولا كوم مباح فى البلد .. السباح
 كنه فى ظرف يوم وليلة يكون فى الغيطان .
 ع الحفيظ : أمرك نافذ يا كبير .
 ع الرحيم : مش عاوز ولا دبانة فى البلد .
 ع الحفيظ : صعب .. دى صعبة قوى يا كبير .. دا أحنأ
 حتى لو خرجنا الدبان بقتيلة ذرية مش هخلص
 ع الرحيم : أستفيدوا بتجربة الصين الشعبية .. شوفوا
 الصين قضت على الدبان أزاى وأعملوا زيها
 .. خلصوني عندى أجتاع على مستوى على

قطع

مشهد : (٩٣)

ليل / خارجي

داخل المضيقة

- المضيقة الكبيرة .
- حيث يجتمع العمدة بالأعيان والأكابر
وزعماء العائلات .. يشربون الشاي والقهوة
.. العمدة يرقب الجميع .
- واحد : مين اللي هيزور البلد يا عمدة ؟!
- واحد : ما هي باينة .. وزير ؟
- ع الرحيم : أهم .
- واحد : رئيس الوزراء .
- ع الرحيم : أهم .
- واحد : يبقى .
- مقاطعاً في سرعة .
- ع الرحيم : لغاية كده وكفاية .. مش عاوزين لخبطة في
الكلام ؟! أحنأ آخرنا رئيس الوزراء ..
- بصمت قليلاً .. ثم يبدأ الحديث في رواية .
- الضيف اللي جاي مش حكومة .. ولا له دعوة
بالحكومة .. هو حكومة لوحده .. وحكومة
شديدة وعافية .. الضيف اللي جاي واحدة ست
الجميع : ست .. واحدة ست !
- ع الرحيم : ومش حكومة .. من نساء الأعمال .. هيه
خطيبة بدر أبني ؟!
- الجميع : بارك الله فيه ؟! بارك الله فيه !
- ع الرحيم : أسألوني عن أى حاجة غامضة عليكم علشان
أوضحها .
- شيخ البلد .
- ش البلد : يعنى يا عمدة أزاى خطيبة أبك تبقى أهم من
المحافظ والوزير ورئيس الوزراء كمان ؟!
- ع الرحيم : أنسى كنت مستنى السؤال ده ؟! شوف يا حاج
.. يا حاج .. يا حاج .. أنت أسمك إيه ؟! هـ
.. أسمك إيه ؟!
- واحد : دا شيخ البلد الحاج أبو ريشة .

ع الرحيم : شوف يا حاج أبو ريشة .. أنى لما أقول كلمة
 ماحبش حد يراجعنى فيها .. لما أقول أنها أهم
 تبقى أهم .. خطيبة أبنى ست غنية .. ربنا
 إداها من غير حساب .. صاحبة مصانع لا
 حصر لها ولا عدد .. وأنى بعد الإطلاع على
 إتفاقية الجات وإتفاقية التجارة الحرة .. قلت
 الخير لازم يعم .. نلوى أطلب منها إنشاء
 مصنع فى البلد يلم العاطلين والشاردين وأبناء
 السبيل ونتحول من بلد زراعى إلى بلد صناعى
 ينافس أوروبا وأمريكا واليابان وبالمره تاوان

- تصفيق حاد من أعضاء المجلس كله فى
 حرارة شديدة .. أكثر من ذلك الكل يهجم
 على العمدة بغرض تقبيله .

واحد : مخك كبير يا عمدة .

ع الرحيم : خطيبة أبنى .. والا المحافظ والوزير ورئيس
 الوزرا .

واحد : دول ما شفتاش منهم حاجة عدلة .

الكل : لأه !.

ع الرحيم : تعرفوا رئيس الوزرا اسمه إيه ؟!

الكل : لأه !.

ع الرحيم : تبقى خطيبة سى بدر أهم .. مش كده وألا إيه
 يا رجالة !.

الكل : تمام يا عمدة !.

- الكل يؤيد ذلك .

قطع

نهار / خارجي

مشهد : (٩٤)

فوتومونتاج

أ - الجرن :

- شيخ الخفراء عبد الحفيظ وهو يتولى تدريب الخفراء على المشي فى خطوات منتظمة وسلام سلاح .. أمام سلاح .. وذلك فى الجرن الكبير بالقرية .

قطع

ب - الطريق على الشاطئ :

- حوالى عشرين حملاً محملة بالسباح تسير كل منها خلف الآخر فى طابور وخلفها عدد من الصبية .

قطع

ج - شوارع القرية :

- النساء بالمقشبات الريفية وهن يقمن بعملية الكنس والرش .

د - داخل الدوار :

- الأم الحاجة عنايات داخل إحدى الغرف وهى تشرف على تبديل ملاءات سرير نحاسى من الطراز القديم (أبو داير) .
- وهناك فتاة تقوم بتلميع مرآة دولاب كالحة .. يمكن أن نرى النهر من نافذة هذه الغرفة

قطع

هـ - شوارع القرية مرة ثانية

- مجموعة من الشبان يطاردون زبابة شاردة بالعصى والفئوس .

قطع

مشهد : (٩٥)

ليل / خارجي

مكان عرض الأزياء

- يبدأ تتابع العارضات وهن يستعرضن أنواع الفساتين المختلفة .

- هناك وصف تفصيلي لكل فستان بواسطة مذيع والذي يعلن أن كل هذه الموديلات من تصميم رشا الورداني التي أصبحت عالمية .

(حوار هذا الجزء والتعليق يكتب بعد الإستعانة بخبير أو خبيرة في هذا الشأن) .

- بدر ضمن الحضور يشاهد مبهوراً ومبهوراً أكثر برشا التي تحظى بالعناية وترحب الآخرين وإعجابهم .

- ولكن الأمر لا يخلو من النميمة النسائية . امرأة ١ : مجنونة !؟ رشا دي مجنونة فن .. ومجنونة رجالة !؟ .

امرأة ٢ : أنا سمعت أنها خلعت جوزها .

امرأة ٣ : بعد ثلاث شهور جواز ؟ .

امرأة ١ : شافين الشاب اللي قاعد هناك ده !؟ .

امرأة ٢ : دا اللي خلعها .

امرأة : أوعى تقولى أنه هو كمان اللي هيلبسها !؟ .

- الثلاثة ينظرون إليه .

- وتعالى الضحكات النسائية بدرجة ملفنة للنظر .

قطع

نهار / خارجي

مشهد : (٩٦)

فيلا رشا

- سيارة بندر المتواضعة وهي تأتي برفق حيث
تتوقف أمام الفيلا .. وينزل منها .
- رجال الأمن الخاص يرحبون به .. الرجل
أصبح من أهل البيت .. يدخل مبتسماً .. وإن
كانت نظرات رجلى الأمن ليست بريئة تماماً .

قطع

مشهد : (٩٧)

نهار / خارجي

داخل الفيلا

- حجرة النوم الخاصة برشا .. أنها تعد
حقيبة السفر بمساعدة خادمة وقد أرادت
شورت + تى شورت بدون أكمام .
- حقيبة سفر مفتوحة .

رشا : حطيتي قمصان نوم .
الخادمة : أيوه يا مدام .
رشا : بيجامات .
الخادمة : أيوه يا مدام .
رشا : فوط .
الخادمة : أيوه يامدام .
رشا : بنظرونات كفاية .
الخادمة : أيوه يا مدام .
رشا : مايوهات .

- تتوقف الخادمة عن تسيف الحقيبة وتتنظر
إليها مندهشة .

الخادمة : هو حضرتك مسافرة فين يا مدام ؟!
رشا : بلاد الفلاحين ؟!
الخادمة : بلاد الفلاحين لا عندهم بحر .. ولا بلبسوا
مايوهات ؟!
رشا : أنتي جاهلة ؟! بلاد الفلاحين اللي أنا رايحة
أزورها فيها بحر وكهريا .. ومايه حلوه ..
مش مالحة .. ثيل يعنى !
الخادمة : يعنى أحط مايوهات .
رشا : تلاته كفاية .

- خادمة أخرى تدخل معلنة قدوم بدر .

الخادمة : الأستاذ بدر وصل يا مدام .

رشا : وأنا كمان جاهزة .

- نُسابع الخادمة الأولى وهى تفتح الأدراج وتخرج المايوهات المطلوبة وتضعها فى الحقيبة .. نلاحظ أن كل مايوه من قطعتين (يكين) وألوان مختلفة .

- وضع المايوهات داخل الحقيبة + عملية الغلق .

- ثم نرفع الخادمة رأسها . الخادمة : تمام يا مدام ؟!

قطع

نهار / خارجي

مشهد : (٩٨)

أمام الفيلا

- حيث تتوقف سيارة بدر .. تتف مسكينة
وهزيلة .. وتستقبل الكاميرا قدوم الخادمة
وهي تحمل حقيبة السفر الكبيرة بصعوبة ..
ويتقدمها بدر حيث يفتح حقيبة السيارة .

بدر : هاتي الشنطى دى هنا ؟!

الخادمة : يا سعادة البيه .. الشنطة أكبر من شنطة
العربية ؟!

- الخادمة تنزل الحقيبة وتبدو غير مقتنعة .

الخادمة : أيدك معايا نخطها على الشبكة اللي فوق سقف
العربية !.

بدر : الأول يا بيه .. هيه مدام رشا هتركب العربية
العفشة دى !.

بدر : دى عربية عفشة يا عفشة .. داني لسه عامل
لها عمرة موتور مكلفاني شىء وشويات .

- ثم ترصد الكاميرا قدوم رشا وخلفها
الخادمة الثانية تحمل ثوابع الحقيبة الكبيرة من
حقائب صغيرة .

- بمجرد أن يراها بدر وهي على هذا الحال
حتى يصيبه الذعر والإرباك يهمس لنفسه .

هيه دى هدوم السفر ؟!

رشا : أيوه يا حبيبي .. عاوزنى ألبس إيه فى الحر
الفضيع ده ؟!

بدر : أيوه الدنيا حر صحيح !. بس ممكن الواحد
يستحملة وهو لابس هدومه !.

- في إبتكار .
 - في إبتلاع .
 - وهي تدق على صاج السيارة .
- رثا : وهيه دي مش هدوم يابدر ؟!
 بدر : هدوم .. ومعترف بيها دولياً كمان .
 الخادمة : يا مدام .. عندنا مشكلة أكبر .. حضرتك
 هنركب المحروسة ست أبوها دي .
 رثا : مين قال كده ؟!
 بدر : أنا اللي قلت .. أمال يعني هاجر ليموزين وأنا
 عندي عربية .
 رثا : وتأجر ليموزين ليه يا حبيبي .. تاخذ عربية
 مريحة في السفر من بنوعى .. هو أحنا إيه ..
 مش واحد .

قطع

نهار / خارجي

مشهد : (٩٩)

الطريق

- سيارة 4 x 4 جديدة وغالية الثمن تنطلق على الطريق .
- بدر يتولى القيادة ورشا تجلس إلى جواره .. وشرائط الموسيقى الأجنبية والأغاني الأجنبية هي الرفيق الثالث لهما في الرحلة .
- نلاحظ يد رشا وهي ترفع درجة البرودة في جهاز تكييف السيارة .

قطع

نهار / خارجى

مشهد : (١٠٠)

القرية

- أمام الدوار .
- أرضية الشارع الممتد أمام الدوار مفروشة بالحصى لمسافة طويلة قد تصل إلى مائتى متر .
- وأمام باب المضيقة .. يجلس العمدة مع الأعيان والأكابر وهم فى أبهى الملابس ينتظراً لقدم بدر ورشا .
- أيضاً جميع خفراء القرية فى الزى الرسمي وقوفاً وهم يحملون السلاح استعداداً للتشريفه
- العمدة ينظر إلى ساعته .. ثم يرن جرس المحمول .
- الأخير الخاص بالمحمول يقدم للعمدة التليفون .
- ع الرحيم : أيوه .. بدر .. داخلين على البلد .. نص كيلو .. أهلاً وسهلاً .
- ينتهى من التليفون .
- خلاص .. وصلوا يا بالسلامة .. خمس دقائق ويكونوا هنا ؟!

قطع

نهار / خارجي

مشهد : (١٠١)

داخل الدوار

- حيث النسوة .
- الكل في حالة إنشغال وإرتباك .
- الحاجة عنايات نزيح البط والأوز بمعاونة نساء أخريات .
- وهناك الفرن الرئيسى والكبير مستقلاً لإعداد الخبز الطازج والفطير .. وهناك دخان متصاعد .
- وهناك أكوام من الحطب .. وكل ما يلزم في مثل هذه الأمور .. ملابس النساء ملخطة بالدقيق .. وأثار ما يعد من طعام .
- عنايات : أعملوا لنفسكم همة شوية يا بنات .. الضيفة وصلت وثلاقيها جاية جعانة .
- امراة : أيوه يا حاجة .. رجرجة العربيات تجوع اللي عمره ما بيحجوع .
- عنايات : وصلوا ! .
- ثم نسمع صوت كلاكس سيارة .

قطع

مشهد : (١٠٢)

نهار / خارجى

أمام الدوار

- السيارة وهى تسير فوق الحصار تتسابق
رويداً .. رويداً .. الخفراء وضع الإنتباه
والسلاح على أكتافهم .

- والعمدة على رأس الأعيان لاستقبال الأبن
والخطيبة .

- تتوقف السيارة مباشرة أمام الباب الرئيسى
للمضيعة .

- ينزل بدر أولاً .. وتظل رشا داخل السيارة
مبهورة ومسرورة بهذا المشهد غير المألوف
بالنسبة لها .

- بدر يصالح الوالد .. ويصافح الرجال

الذين وقفوا فى طابور .. والأبن يقدمهم له .

ع الرحيم : دول أهل بلدك وكلهم عمامك وخوالك .. نزل
الهائم خطبتك علشان أعيان البلد يرحبوا بيها
.. علشان تعرف العزوة اللى أنت فيها وما
تستهترش بيك .. خليك متحضر .. المرأة دى

- ثم يهمس له .

- يظهر التردد على ملامح بدر .

بدر : يعنى يا بابا .. ممكن الحكاية دى تحصل فى

وقت ثانى .. أصلها تعبانة شوية من السفر .

- فى إحتجاج .

ع الرحيم : دا بروتكول يا بدر ؟ عاوزنى أخالف

البروتكول يا بدر .. نزلها تسلم لا الرجالة

يفكروا أنها متكبرة عليهم .

- يقف بدر حائراً مبهوتاً نائها ولكن عقله

يهديه إلى فكرة .

بدر : أدبنى العباية بتاعتك يا بابا ؟

ع الرحيم : تعمل بيها إيه العباية ؟

بدر : هاتها وپس .

ع الرحيم : وادى العباية .

- وهو يخلع العباءة ويناولها له .

- بدر يأخذ العباءة ويدور بها تجاه النافذة

التي تجلس بجوارها .

بدر : خدى يا حبيبتي البسى دى .. علشان أكبر البلد

عاوزين .

رشا : إيه دى ؟

بدر : عباية ؟

رشا : ماركتها إيه ؟

- وهو يدفع لها بالعباءة عبر النافذة .

بدر : كريستان ديور .. بيكاديللى أستريت .. أى

حاجة ألبسى .. دى عادات وتقاليد .

- وهى تجلس فى مكانها تضع العباءة حول

جسدها .. ويعطيها الوقت الكافى لذلك .. ثم

يفتح لها الباب تنزل .

بدر : أبشسى .

رشا : بعد الإبتسامة أعمل إيه ؟

بدر : حسب البيروتكول .. أنا هقدم لك الأعيان وأنت

- وهو يتجه بها نحو طابور المستقلين .

تسلمى بس .. ويجوز لك إنك نقولى أهلاً

وسهلاً .

- يصلان إلى أول رجل فى الطابور يلاحظ

أنها ملخومة فى إرتداء العباءة .

- الخفراء كتفاً سلاح .. وعيونهم مركزة

عليها .

بدر : الحاج على عطوة خمس فدادين وثلاث بقرات

وجاموسة .. وعنده من الخراف سبعة والأولاد

ثلاثه .. كلهم أمناء شرطة أمن البلد فى أيديهم

- كل رجل تسلم عليه دائماً يقول شرفتى

ونورتى .

رشا : أهلاً وسهلاً .

- رشا تسلم .

بدر : الشيخ عباس فتح الباب ٧ فدادين + واپور

- الرجل الثانى .

طحين + دكان بقالة .

رشا : أهلاً وسهلاً .

بدر : الحاج سهم الله عواد ، عشر فدادين ومزرعة

دواجن ومتجوز أربعة

رشا : أهلاً وسهلاً .

- وأثناء الربكة التي حلت بها .. تسقط
العباءة منها على الأرض وتظهر بالشورت
الساخن والتي شيرت العارى .

- على الفور تسقط البنادق من يد الخفراء .

- عبد الرحيم صارخاً .

- بدر يسرع برفع العباءة من على الأرض

وطرحها فوق جسدها من جديد فى سرعة .

بدر : الحاج مرسى عبد أبو العزايم ١٥ فدان كلهم

حدائق موالح ويعتبر من أكبر المصدرين فى

البلد .

رشا : الحر .. الحر .. الحر .. التباعة دى لا يمكن

تكون كريستيان ديور .

ع الرحيم : كريستيان ديور مين يا هاتم .. دى تفصيل

الحاج خميس الزنارى أحسن تترزى عربى فى

المحافظة كلها .

رشا : الحر مش طابقة نفسى .. متخفق .

ع الرحيم : نكتفى بهذا القدر .. نكمل بعدين .. أنتوا مننا

وعلينا .. وبعدين الهاتم هتوركم فى بيوتكم

لما تعزموها عندكم .. بدر .

بدر : أيوه يا بابا .

ع الرحيم : خذ جماعتك وضمها على الجماعة اللى جوه .

- ثم يعتذر للذين لم يتم السلام عليهم بشير

إليهم .

- بدر يمسك بذراع رشا ويتجه صوب باب

الدوار المنزلى على عجل .. هناك محاولة

أخرى تسقط فيها العباءة .. ولكنه يتمكن من

نمها بسرعة .

قطع

نهار / خارجي

مشهد : (١٠٣)

الدوار من الداخل

- صحن الدوار .
- الحطب + ريش الطيور التي ذبحت +
- أوانى العجين + الأفران التي تعمل والنار
- المستقلة والصهد مع الدخان المتصاعد .
- امرأة تطلق زغرودة عند دخول رشا وبدر ..
- والنسوة ينظران إليها فى إندهاش .
- الأم الحاجة عفايات تندفع إليها .

عفايات : أهلاً يا حبة عيني .. ملبس المحروسة عباية
أبوك ليه .. هيه هدومها أنقطعت والا وقع عليها
حاجة ؟. دى حتى ثقيلة ومالهش لازمة فى
الحر .. فكى عن نفسك فكى !.

- الحاجة تنزع عنها العباءة .
- رشا تأخذ أنفاسها .

رشا : مرسيه .. مرسيه .. تكييف .. عاوزه تكييف

- سهم الله ينزل على النسوة واحدة تلطم
- خديها فى صمت .
- وقد أصابها فزع لرؤيتها بهذا الشكل .

عفايات : هات للمحروسة اللي هيه عاوزاه .. علشان
كده الحاج لبسك العباية بتاعته ؟. أنت جاية
طول السكة وأنت سلبوتة كده ..

بدر : يا أمه مش وقته .. وديها المقعد البحرى ..
علشان تلقط نفسها .

عفايات : حاضري يا أبني .. روح أنت أقعد مع الرجالة
.. تعالى معايا يا بنت الناس ؟. أسترها يا
كريم .

- وتسير بها نحو أول الدرج .. حيث تصعد بها إلى الدور الثاني .. والنسوة الأخريات في حالة ذهول وبلاهة .
- الام تصعد عدة درجات .. ثم تستدير فجأة إلى النسوة .

عنايات : كل واحدة فيكم تشوف شغلها من غير ولا كلمة

ولا كلمة .. هاو أريو .. أنى مقدره الوضع وعارفة السبب .. الحالة الاقتصادية بتخلي الناس تاكل نص طقة علشان يوفروا .. وناس ثانية تلبس نص هدومها .. مش كده .

يادى الخيبة .

- ثم تبسم إيتسامه لرشا .

- ثم تهمس لنفسها .

قطع

مشهد : (١٠٤)

نهار / خارجي

المضيفة

- يجلس بدر إلى جوار والدته العمدة الذي
يحس بكل الفخر والإبتهاج .
- الأكابر يتوجهون بالأمثلة إلى بدر بإعتباره
المحتفى به هو والخطيبة .

واحد : بدر باشا ٢. أحنأ سمعنا أن الحزب إختارك
عضو بارز فيه ٢.

بدر : فعلاً يا حاج عوض .

ع الرحيم : ما هو الحزب أول خطوة في سكة الوزارة .

واحد : ربنا يقرب البعيد .. وتتول المراد من رب
العباد .

واحد : يا ريت يا بد باشا الوزارة تلتحقك بدري وأنت
صغير علشان لما تقعد فيها خمسة وعشرين
والا ثلاثيه منه ما تبقاش طولت .

رجل : بعد كده يبقى رئيس وزارة .

واحد : ما هو أنى قصدى كده .. يعنى بعد سن
الثلاثين وزير يبقى سنه مناسب أنه رئيس
وزراء .

ع الرحيم : ادعوا له دعوة حلوة .

الجميع : ربنا يعلى مراتبه .

ع الرحيم : ومخدراته كمان علشان راسه برضة تبقى عالية

الجميع : ربنا يعلى مراتبه ومخدراته .

ع الرحيم : بدر بن عبد الرحيم النوسانى .

الجميع : بدر بن عبد الرحيم النوسانى .

ع الرحيم : أبنا لآبار واللى رافع راسنا ومشرفنا .. قولوا
أمين .

الجميع : أمين .

قطع

نهار / خارجى

مشهد : (١٠٥)

حجرة النوم

- هى غرفة من الدور الثانى فى الدوار وتطل على النهر من خلال النافذة .. وفيها السرير النحاسى كما شاهدناه من قبل فى مشهد الفوتومونتا ج .

- الأم الحاجة عنايات تبدو فى حيرة من أمرها أمام الموقف الذى لم تكن تتوقعه أبداً بالنسبة لخطيبة الابن التى هى زوجة المستقبل .. والتى تبدو أمامها متزمرة وغير سعيدة بهذه الحياة الخشنة جداً بالنسبة لها .. تهوى على نفسها بمروحة نسائية .

رشا : لو سمحتى يا تانت .. مفيش تكيف ؟.

عنايات : أيه يا بنتى ؟.

رشا : تكيف .. أيركندشن ؟.

عنايات : سامحيتنى أصلى سبت المدرسة وأنا فى

خمس إيتدائى .. وكان نفسى أتعلم الإنجليزية

بالراديو بس الراديو بتاعى خرب !.

رشا : جهاز تكيف .. اللى بيطلع هوا ساقع .

عنايات : أبوه طراوة .. عندك حق .. الجو حدانا حلو

.. بس اللى مطفى الدنيا حر إن الفرن شغال

من صباحية ربنا .

رشا : أوكى يا تانت .. فيه تكيف والا مفيش .

عنايات : فيه تكيف ربانى .. طراوة إنما إيه مفيش بعد

كده .. هوا يرد الروح بيفوت ع الماية الأول

ينرطب وبعدين يخش من الشباك .

- فى عصبية .

- وهى تثجه صوب النافذة الجرداء بلا

ستارة .. نافذة خشبية .

- تفتح النافذة التى تطل على النهر مباشرة .

- رشا تلقى نظرة سريعة بعد تقترب خطون
أو اثنين من النافذة .

- من وجهة نظرها شكل المياه بديع وهى
تنساب فى رقة .

رشا : يعنى مفيش تكيف .

عنايات : نعمل بيه إيه ونعمة ربنا موفرة علينا تمن

التكيف وتمان الكهربا .. أنتى بس غيرى

الهدمة اللى عليكى وتعالى خدى دش .. آه ..

ما أحنأ عندنا دش .. أى والله عندنا دش ..

وتعالى هيكون الهوا دخل من الشباك ولف

ودار جوه الأوضة وخلها نسيم .

رشا : مرسيه يا تانت .

عنايات : أسيبك علشان تغيرى براحتك .. بالإذن .

- تخرج فى حياة .. عندما تستدير وجه

عنايات يتبدل تماماً .. تبدو المرأة فى محنة
حقيقية .

- تخرج وتغلق الباب خلفها .

- تبقى رشا وحيدة فى الحجرة .. تتحرك

حتى تقف خلف النافذة وتنتظر إلى الماء وهى

تلطف بالمروحة ولكنها تتأمل المياه جيداً .

قطع

مشهد : (١٠٦)

نهار / خارجى

صحن الدوار

- امرأة أمام الفن تخرج رغيفاً طازجاً وهى تبسم لزميلتها فى سخرية .
- عنايات وهى تعد عجين الفطير .

المرأة : يعنى أنى لبست زيه كده ورحت أبيع بط والا وزه فى السوق .. أبيع البط بكام ؟
المرأة ٢ : والناس تشتري منك بطه ليه ؟ ما أنتى هتبقى الوزه ذات نفسها .

- كل النسوة يضحكن فى صوت نسائى فيه أنوثة وخلاعة .

- الحاجة وهى تضرب العجين بقوة فى غضب .

عنايات : وبعدين يا صبيحة .. وبعدين يا فاطمة .. دى ضيفة .. ولازم نستحملها .. سلو بلدها كده .. هنعمل إيه فى سلو بلدها .

- ثم نلاحظ قدوم رشا وهى تهبط السلم فى خطوات وثيدة وقد ارتدت ما يشبه الروب بحيث يغطى جسدها كله من أعلى إلى أسفل .. وعلى رأسها غطاء رأس وفوطة ملونة .. تبدو فى غاية الحشمة والوقار .. عندما تراها الحاجة عنايات تنبه الأخريات بطريقتها حيث ترفع صوتها .

عنايات : أهلاً وسهلاً يا أميرة الأمرا وست الستات ؟
أيوه تعالى أتفرجى على البنات وهمه بيخيزوا
رشا : تانت .. أخرج للبحر أراى ؟

عنايات : أول الفرن ما يبطل هتحسى بالطراوة على أصلها .. بت يا سليمة .. قومى يا بت أفتحى لها باب الدوار الجوانى خلى الهواء يلفحها .

الفتاة : حاضر يا حاجة .. يا أهلاً يا ست هانم .. أتفضلى معيا .

- تتجه الفتاة نحو الباب الخلفى ومعها رشا التى تتعجل الهروب من الحر .

قطع

نهار / خارجى

مشهد : (١٠٧)

خلف الدوار

- حيث الشرفة الخاصة بأهل الدوار ..
- وحيث كان يجلس العمدة من قبل عند بحث
- موضوع هذه الزيارة .
- تخرج الفتاة الريفية ومعها رشا .. هناك
- كنبة ومقاعد .. الفتاة تحدثها .

الفتاة : أجب لك شئ والا كازوزه ساقعة .. أحنأ
مسقين لك كازوزه مخصوص .

- إلا أن رشا تنظر إلى الماء فى صمت .
- موجات الماء وهى تنساب أمامها .
- هناك سرب من البط يسبح قرب الشاطئ
- ما زالت رشا تنظر إلى الماء نظرة عاشق
- إلى معشوق .

الفتاة : كازوزه يا ميت هانم .

- فجأة رشا تنزع الفوط من فوق رأسها
- تحت الفوطة بونيه الحماية الشعر من الماء .
- تضع الفوطة على الكرسي .
- ثم تخلع الروب .
- أنها ترتدى مايوه بكينى من قطعتين وهى
- واقفة فى غاية الإثارة .
- تظل واقفة لحظة تتأمل الماء .
- الفتاة الريفية تتطلق مسرعة إلى الداخل
- وكان هناك ثعبان لدغها .

قطع

نهار / خارجى

مشهد : (١٠٨)

صحن الدوار

- الفتاه الريفية تدخل لاهئة .. تريد الحديث
ولكنها لاهئة .. لاهئة .

الفتاه : ها .. ها .. حاجة .. عنا .. عنا .. عنايا .

- ثم تسقط مغشياً عليها .

- تنهض الحاجة فى فزع وذعر .

الحاجة : حد منكم ورايا .. لتكون الغدورة لتزحلق
ووقعت فى المايه .. تبقى مصيبة .

- الكل يتجه صوب الخارج من الباب
الخلفى .

قطع

نهار / خارجى

مشهد : (١٠٩)

داخل الماء

- رشا فى وسط النهر تماماً تسيح بكل حرية وإرتياح .
- وهناك على الشاطئ ثلاث فلاحين شبان يشاهدون ذلك وعيونهم تكاد تخرج من محاجرها .
- أحدهم يضع يده على فمه ويطلق صغيراً مستمراً .. أنهم على الشاطئ المقابل .
- الثانى يصرخ ملهوفاً .

الفلاح : سمكة دى والا حرمة .
الثنائى : سمكة إيه يا بن العبيطة .. فيه سمكة لها جوز رجلين مهلبية وصدر بغاشة .

- تكون الحاجة قد وصلت .. أولاً تجد المكان خالياً .
- ثم تلقى نظرة سريعة على الماء بمجرد أن تراها أن تظم وجهها ثلاث مرات .

عنايات : القيامة قامت .

قطع

نهار / خارجي

مشهد : (١١٠)

المضيضة

- حيث بدر مع الأب مع الأعيان .
- بدر وهو يتحدث .

بدر : البعد السياسي ، غير البعد للفلسفي .. غير
 البعد الميتافيزيقي .
الأعيان : أيوه .. آه .
بدر : والبعد الاجتماعي غير البعد الإقتصادي وعليه
 فإن النظرة الموضوعية للأمور يجب أن تكون
 حسب البعد الميتافيزيقي .
الأعيان : أيوه .. آه .

- ثم تقتحم المكان الحاجة عنايات برأسها
- عارية مذعورة .

عنايات : القيامة قامت يا حاج .. القيامة قامت يا بدر يا
 بن النوساني .

- الكل يقف مذعوراً .

ع الرحيم : القيامة قامت يا رجالة .. الحاجة تدخل علينا
 براسها عريانة تبقى القيامة قامت ؟ .
بدر : حصل إيه يا أما ؟ .
عنايات : أنى مش أمك .. كله ضاع يا حاج عبد الرحيم
 - فى عصبية .
بدر : فيه إيه عاوز أعرف .

قطع

الشاطيء المقابل

- جموع من الفلاحين رجالاً ونساءً وفوق
ظهور الحمير والجمال .. والكل يشاهد ..
وأكثر من ذلك .. هناك من الصبية من
جاذف وخلع ملابسهم وقذف نفسه فى المياه .
- والشاطيء الثانى والذى به الدوار أيضاً
محتل ونسبة أكبر من النسوة .
- رشا ما زالت تسبح فى المياه .
- ثم العمدة والرجال والخفراء وبدر .. ومع
النظرة الأولى .. يبدو حجم الكارثة التى
حلت بالعمدة .

واحد : خطيبك دى يا بدر بيه ١٩.
واحد : والله حلوه دى زى البياضة .
خفير : الحمد لله .. كل حاجة كان نفسى فيها
شفتها ! ربنا يبارك فيك يا بدر بيه ١٩.
بدر : أطلعى يا رشا .. أطلعى يا رشا .
ع الرحيم : تطلع أزاي ؟ على الطلاق من أمك ما هى
طالعة من المايه .. تطلع أزاي قدام الخلق
دول .. خليها فى المايه تسترها ١٩.

- بدر يصرخ بأعلى صوته .

بدر : أنتوا واقفين ساكتين يا غفير أنت وهوه ..
إصرفوا الناس دول ١٩.
ش الخفراء : تصرفهم إزاي بس يا سعادة الباشا .
خفير : أصلنا لو صرفنا اللي هنا مش هنعرف
نصرف اللي هناك .
خفير ٢ : يالله يا أخينا أنت وهوه .. يالله يا واد
أنت وهوه !
واحد : جرى إيه .. أنا واقفين فى ملك الحكومة .

- بلا جدية .

- فلاح فى بجاجة شديدة .

ع الرحيم : اللهم أنى لا أسألك رد القضاء .. ولكنى
أسألك اللطف فيه ؟! أسمع يا غفير أنت
وهو .. أضربوا بالنار .. مش عاوز تجمهر
.. أحنا فى حالة طوارئ ممتدة ودا تجمهر
غير قانونى .

فلاح : جرى إيه يا عمدة .. ما تسبينا نتفرج شوية ؟

- نتابع بدر وهو ينسحب جرياً من المكان .
- العمدة فى قمة الغضب يصدر أوامره
بإطلاق الرصاص .

العمدة : أضرب يا غفير أنت وهو .

- الخفراء يطلقون الأعيرة النارية .. ولكن
بلا فائدة .. الناس لا تهتم .

قطع

نهار / خارجى

مشهد : (١١٢)

الشارع أمام الدوار

- الشارع خالى تماماً .
- الدواجن تسعى فوق الحصى .
- يأتى بدر من بعيد لاهثاً .
- ينزع أحدى الحصر من الأرض ويلفها فى
سرعة وعجل .. وبحملها عائداً بنفس
السرعة والتوتر .

قَطْع

نهار / خارجى

مشهد : (١١٣)

الشاطئ

- الناس أكثر كثافة .. والنسوة فوق أسطح
المنازل القريبة من الماء والنهر به أكثر من
عشرين فتى يسبحون بالقرب من رشا .
- ثم يهجم بدر حاملاً الحصى الملفوفة
ويقذف بنفسه فى الماء بملابسه فقط يخلع
الحذاء حتى لا يعوقه فى السباحة .
- يسبح حاملاً الحصى تجاه رشا .
- عندما يصل إليها يلفها بالحصى ويسبح
عائداً بها .
- عندما يقترّب من الشاطئ .. وقبل أن
يصعد بها إلى داخل الدوار .. يحملها وهى
ملفوفة داخل الحصى .. ويدخل بها .. وهو
يحدث نفسه .

بدر : كله ضاع .. الماضى .. والحاضر ..
والمستقبل .

قطع

أمام الدوار

- بينما يكون الأب عائداً مع الأعيان إلى
المضيقة .. وهو يعاني المهانة والإذلال
- يكون بدر خارجاً من باب الدوار حاملاً
رشاً ملفوفة هذه المرة في العبائة لا يظهر
سوى الوجه والرأس وجزء من منطقة الرقبة
- يندفع كالسهم ويلقى بها على المقعد الخلفي
لاهثاً .. ثم يتجه بسرعة نحو الباب الأمامي
وصوب عجلة القيادة حيث يدير السيارة
قاصداً الفرار .. ولكن أمام السيارة هناك
جمع غفير من البشر رجالاً ونساءً وصبية
وأطفالاً يحول دون تقدم السيارة إلى الأمام .
- ينظر خلفه منطلقاً بالسيارة إلى الخلف .
- تكون رشاً قد تحررت قليلاً من العبائة
وتبدو خائفة وعصبية .

رشاً : هو حصل إيه ١٢.

بدر : أنت بتسأليني .. مش عارفة حصل إيه ١٢. فيه

قنبلة انفجرت في البلد .

رشاً : أنا ما سمعتش أي فرقعة ا.

بدر : أنا كمان كنت عاوزة فرقعة .. مش ممكن

تكوني هبلة أو عبيطة .. ولا يمكن تكوني

مستهترة .. أنا اللي حسيته غلط .. مش أنت .

- بالطبع السيارة تكاد تكون محاصرة والناس
تندفع أمامها وخلفها .

- فجأة يلقي بجزع شجرة في وسط الشارع
بحيث يغلق الطريق تماماً .

- فرملة طويلة تحول دون التقدم إلى الخلف

- ويكون الوضع حجز الشجرة بشكل حاجزاً

- وأمامه حاجز من البشر الغاضب الساخر
- الحيرة على ملامح بدر .
- فجأة تأتي امرأة في ملابس ريفية ..
- ملابس ريفية ملونة وعلى رأسها المنديل
- المزين بالخرز ولكنها تخفى وجهها بطرحة
- سوداء .
- هذه المرأة وفي جراءة تتسلق السيارة
- وتقف فوق سطحها .
- تكشف وجهها .. تنزع الطرحة تماماً
- وتسقطها على كتفيها .. وتخطب هذه

مها : فيه إيه ؟ جرى لكم إيه ؟ عمركم ما شفتكم
واحدة ست لابسة مايوه .. الست غلظت في
العنوان .. كانت فاكدة بلدكم شرم الشيخ ..
ضعيفة في الجغرافيا .. فين أخلاق القرية ..
فين شهامة أهل الريف .. وبعدين معاكم يا أهل
القرية .. ما أنتوا بتعوموا ملط .. ولا حد
بيقول لكم تلت الثلاثة كام .. أختنوا ! ..

- بداية يطل بدر من نافذة السيارة إلى أعلى
- ولكنه لا يرى شيئاً .. ولكن لأن الصوت
- ليس غريباً عنه .
- بدر ينزل من السيارة ويطل عليها مذهولاً
- الأب وقد بدأ يسترد كيانه المطلوب .

رجل : أنت مين يا ست ؟!

مها : جرى إيه يا عمدة .. مش عارفني يا حاج عبد
الرحيم .. أني خطيبة بدر مش كده والا إيه يا
بدر ؟!

بدر : أيوه .. خطيبتي .. خطيبتي بابا !!

ع الرحيم : آمال اللي كانت في المايه تطلع مين ؟!

بدر : دى سايحة أجنبية .. من بلاد برة !

أيوه سايحة وكانت جاية مصر ترفع على

مها : جوزها قضية خلع والأستاذ بدر أعظم محامي

.. أبين بلدكم بقى محامي دولي ؟!

بدر : أعلمى معروف .. طلعتني من هنا !

- بكل حماس .
- في لهجة مأكرة .
- بدر خطيباً .
- بدر متوسلاً .

- مها تتوجه إلى الناس من جديد .. بعد
نظرة ذات معنى منها إليه .

مها : عيب يا أهل الشهامة والكرامة والعزة لما
نتفرجوا على واحدة ست من بلاد برة .. مش
فاهمة طبعنا ولا سلو بلدنا .. أنصرفوا .. ستر
الله عوراتكم .

- يبدأ الجمع في الإنسحاب .

- الفرحة على ملامح العمدة .

- مها باسمه منتصرة تقفز من فوق السيارة
لتكون إلى جوار بدر .

مها : أنجوا بها وبنفسك قبل أن يفتك القوم بكما ! ..

- يتباعد أهل القرية .. وينفض التجمهر من
حول السيارة .

- بدر ينطلق بالسيارة وسط زحام أيضاً ..

ولكنه يتمكن من الخروج .

- إنطلاقه بسرعة بالسيارة .

قطع

نهار / خارجي

مشهد : (١١٥)

الطريق

- خارج القرية بمسافة معقولة .
- الطريق يكاد يكون خالياً تماماً حيث تواجد الجميع في القرية .
- نتابع السيارة وهي منطلقة على الطريق ثم تهدئ من سرعتها وتتوقف تماماً .
- داخل السيارة .
- بدر وقد أstood برأسه لمدة لحظة فوق عجلة القيادة .. ثم يرفع رأسه مستديراً إلى رشا التي تجلس في المقعد الخلفي .

بدر : أحننا الأثنين حسبناها غلط ؟! . أستعجلنا ..
فاكرة المرافعة بتاعتى فى المحكمة .. كنت
عمال أزق وأقول .. لا يختلط الزيت بالماء
.. لا يختلط الزيت بالماء .

- وهي تنظر إليه فى حزن .

رشا : ما هي دى حقيقة ؟!
بدر : أراى ما خدناش بالنا منها ؟!
رشا : علشان فكرنا بعيننا ؟! والهوى غلبنا .. كانت
نزوة ليك وليه ؟!
بدر : بس أنت إنسانة رقيقة جداً .. ونقية جداً ..
وعبيطة جداً ..

- ثم يضحك .

حد ينزل النيل بمايوه بكينى ؟!

- وهي تشاركه الضحك .

رشا : الحر .. الحر كان صعب قوى ؟!
بدر : وأنا كل شوية أقول لك التقاليد .. التقاليد ..
وأقول زمانها فهمت ؟!

رشا : لا يختلط الزيت بالماء .

- يحتضن كل منهما الآخر ويكون ظهر المقعد حاجزاً بينهما .
- ثم خارج السيارة .
- حيث السيارة فى لحظة عامة ونسمع حوارهما معاً .

لا يمكن أنساك !.

بدر : ولا أنا .

رشا : لازم نفضل أصحاب !.

بدر : ولا يختلط الزيت بالماء .

- ثم ضحكة مشتركة يشوبها الحزن .

- خروج بدر من السيارة .. وكذلك رشا التى تأخذ مكانها أمام عجلة القيادة .. تنظر إلى بدر .

رشا : نتقابل لما نرجع مصر !.

- ثم تتطلق بالسيارة .

- يظل بدر متابعاً السيارة وهى تتباعد حتى تختفى تماماً أو تصبح نقطة بعيدة .
- م . ك للوجه المشحون بالشجن .
- ثم يستدير عائداً سيراً على الأقدام فى طريقه إلى القرية .

قطع

نهار / خارجى

مشهد : (١١٦)

الدوار

- داخل الدوار .
- صحن الدوار حيث ما زالت الإستعدادات والتجهيزات مستمرة .. الطعام على النار والفرن يعمل .. هناك فلاحه أمام الفرن تقوم بعملية الخبز دون أن نتبين من تكون .
- يدخل بدر ساهماً شبه شارد ويبدأ فى صعود السلم صامتاً .
- الأم التى ترمقه بنظرة سعيدة فرحة .
- عنايات : جرى إليه يا بدر يا لبنى .. مش تسلم وأنت داخل !.
- بدر : لنا فى إيه ولا إيه يا أمه !.
- الفتاة التى أمام الفرن بعد أن تسحب رغيفاً من الفرن .. تستدير فى دلال وأنوثة وفخورة بنفسها .. أنها مها .
- مها : خليه على راحته يا حاجة !؟. حمته كان ثقيل .. ما صدق خلص منه !.
- يتوقف على السلم ناظراً إليها مشدوهاً ..
- بدر : أنت فاكرة المرافعة بتاعى فى المحكمة لما قلت لا يختلط الزيت بالماء .
- ينظر إليها نظرة خاطفة .. ويواصل صعوده .. هامساً .
- مها : أحنا الأثنين ماء يا ابن النوسانى .. أجيب لك رغيف سخن .
- بدر : مايه نار ولازم أشربها .. هاتى مأذون البلد يا أمه !.
- إحدى الفلاحات تطلق زغرودة .

تم بحمد الله

وحيد حامد

٢٠٠٢/٣/٢٥